

6. **PU ZORAMTHANGA** to beg leave of the House to introduce "The Mizoram Appropriation (No.2) Bill, 2008"

**Also
to introduce the Bill
to move that the Bill be taken into consideration
And
to move that the Bill be passed.**

7. **PU AICHHINGA** to beg leave of the House to introduce "The Aizawl Development Authority (Amendment) Bill, 2008"

**Also
to introduce the Bill.**

**FINANCIAL BUSINESS
GENERAL DISCUSSION ON THE BUDGET FOR THE YEAR 2008-2009**

8. General Discussion on the Budget for the year 2008-2009 (to commence).

S P E A K E R : "Retheite leh pa neilote ro chu rel ula, hrehawm tuarte leh pachhiate chungah chuan ti dik rawh u. Retehte leh pachhiate chu chhan ula; misuaksual kut ata chhanhim rawh u".

Sam 82: 3-4

Zawhna leh chhanna hun kan hman ang a, Starred Question No. 21 zawt turin Pu Lalrinliana Sailo ilo sawm ang.

QUESTION HOUR

PU LALRINLIANA SAILO : Pu Speaker, ka lawm e. Ka zawhna Starred Question No. 21 na IWDP Raifan zau Khawhai bul tan kumin 2008 January thla thlengin pawisa cheng engzatnge hmanral a nih? tih ka zawt e.

S P E A K E R : A chhang turin Minister zahawmtak, a Department changtu Pu Aichhinga ilo sawm ang.

... 107/-

**PU AICHHINGA
MINISTER**

: Kan member zahawmtak Pu Rina zawhna chhanna chu IWDP Raifan zau tan 2008 February thla thlenga pawisa hmanral zat chu Rs. 60.121 lakh hmanral a ni. A

hmanralna chi hrang hrang tlem tlem a han ziak vek a, chu chu zawhbelh leh kan la chhanbelh ang chu.

PU LALRINLIANA SAILO

: Pu Speaker, khati nuai kha anih a rinawm reng a, a chhan chu tunah tak hi chuan an fel ta dawn deuhah kan ngai a. Nikum lam khan cheng nuaih 36 chuang kha

awmin D.O in beneficiaries farmer an tih maite hnenah a sawi a, mahse 'Aieng lei nan min pawh hek sak leh a ni ang' an ti a, a awm leh ta lo a. Kuminah hian cheng nuai 14.55392 awm leh angin an sawi a, mahse tun thlengin thawh a la ni lo nen, a farm neitute leh zau neitute khi an mangang hle mai a. Nikum khan a ba thlau ten an lo thawk a, tun thlenga la pek loh an ni a, pek ran a theih ang em? tih ka'n zawt a.

IWDP ah hianin kumin 2008 thleng hian nuai 7352 hman a ni a, hmun hrang hrangah. Tichuan, hei hmuntin maiah hian MNF Party induhsakna leh thlei bikna a lang nasa lutuk a, Serchhipah te hian Pu Speaker, MNF Block President hi Chairman-ah an dah a, Block President an thlak a, Chairman an thlak leh nghal a, tichuan member tur vel, VCP turah MNF Group President te an dah a, khatiang khan nikum December Ni 13, 14 leh 15 ah pawh khan MNF hovin inhlawh nana in rawn inpek chuan hetah hianin inhlawh ve ang tiin flag nen an sawm a, MNF in Party mi leh sa sawm nan an hmang a, chu chu N. Vanlaiphai bialtu zahawmtak hova March Ni 14, 2008 a Meeting-ah pawh khan Serchhip - I ah Block Secretary in report a pe nghe nghe a ni. Chutiang chuan IWDP hi kuthnathawktute leh a farm neitute tana tihur hi Party inhlawh nan leh campaign nana hmang tawh lo turin ka ngen a, min tiam thei em? tih ka zawt a ni.

**PU AICHHINGA
MINISTER**

: Pu Speaker, kan member zahawmtakin a zawhbelhna lai kha, I.W.D.P hi keini Soil Department hi chuan Khawhai leh tuna a han sawi hmun thenkhatah hi chuan kan la ve chauh a. A tlangpuiin DRDA hnuaia thil

kal a ni a, chuang chuan a sawi tamtak kha han chhan dan ka thiam vak lova. Amaherawhchu, keini Soil & Water Conservation-ah hi chuan kan ti tha viau hian ka hria a. Khatianga Party lam hawi zawnga kan kalpuina ka hre miah lova, a beneficiary te khawtina an operate na apiangah hian an thlang a, chungte chuan heng hi an kalpui mai niin ka hria a, chutiang thil a lo awm anih chuan kan lo en ang a, Soil & Water Conservation Department-ah chuan a awm ka hre lo.

PULAL THANHAWLA : Pu Speaker, zawhbelhna. IWDP hi District hrang hrangah operate ani a, Soil & Water Conservation Department kher lo pawhin an khawih tih a chiang a, amaherawhchu Sorkarin Committee ruat tur a tih ang hian an ruat lova, entirman VCP Congress Party a nihna hmunah chuan MNF Unit President te an ruat daih a. Tin, Party Campaign nan an hmang chiang a, tin, MNF Unit te inhlawh nan an hmang chiang bawk a. Chung chu fact & figure rawn pe ta ila Sorkarah hian an correct duh ang em? an ti dik duh ang em? tih ka zawt e.

PU AICHHINGA MINISTER : Pu Speaker, keini Department - ah chuan kan thei teh meuh ang, tih kha ka chhanna ni mai i se.

PULAL THANHAWLA : Pu Speaker, Soil & Water Conservation Department kher lo pawhin an khawih tam zawk mai thei a. Hei, Serchhip District ah pawh tukin mai khan instance ka hre teuh a, chulai chu ka zawh a ni a, ani lo hi chhang thei an awm ang em?

SPEAKER : Ani lo kha chu zawhna dawngtu kha an la awm chiah lova, I beisei ang u. Kan Soil & Water Conservation Minister zahawmtakin 'Diklo deuha kalpui a lo awm anih pawhin kan ti dik ang' a tih ang kha Department dang zawng zawngte pawhin ti thei turah beisei ila, a tha ang e.

Thil pahnih ka han sawi lawk ang, min lo hrethiam ula, pakhat chu hei kan PA System hi a la tha lo leh a, phuahchawpin kan ti naw naw a, hman dawn apianga on chawp a, off chawp theihngilh lo ila. Kolkata lam atanga Engineer te pawh an lo kal a, an han siam tha thin a, a tha lo leh thin a, tihthat dan tak an la hrelo a ni ang e.

Tin, Starred Question No. 21 na chhanna hi min pe lawk ve thin a, Minister hote pawh pek lawk an ni a, min pek lawkah chuan Khawzawl D.O atangin Information kan dil mek an ti a, an tihawm tak pawh a ni a. Mahse, an hmu hman niawm a ni. Heta min pek leh oral a chhanna a dang ta daih mai a, theih hram chuan Session tan hmain khatiang kha correction rawn siam hram hram sela. Soil changlo pawh Department dang pawh a lawmawm khawp ang.

PU LALRINLIANA SAILO : Pu Speaker, khawngaihtakin kha kha tuna an chhanna leh an rawn chhanna kha membrete min pe thei ang em aw? A pawimawh tlat mai.

S P E A K E R : Pe thei tur a ni. Kha kha chu.

PU AICHHINGA MINISTER : Dawhkanah a lo awm a, a chhanna hmasa kha chu ka nei tho a, mahse hei hi dawhkanah a lo awm si kha chuan heta ziaak awm si kha chu lo la tih talh pawh kha ka inthiam lo deuh si a, ka han sawi ta mai a ni.

S P E A K E R : Starred Question No.22 – na zawt turin Pu R. Lalzirliana ilo sawm ang.

PU R. LALZIRLIANA : Pu Speaker, rorelna a tlak dawn lamah hi chuan thil hi a fel tak tak thei tawhlo a, kan ti nuai tawh mai a nih hi. Starred Question No. 22 na –

- a) Mizoram Sorkarin VAT dan angin contract-ah entiangna chhiah hi la tur nge anih? b) Chutianga VAT dan ang chuan nge chhiah hi a lak a, Contract Work Amount zat atanga eng percentage emaw siamin chhiah hi a la zawk? c) VAT dan ang nilova Contract Work Amount atanga lak anih chuan engvanga chutia dan anga la lova la mai nge a nih? tih ka zawt e.

PU B. LALTLEGLIANA MINISTER : Pu Speaker, Saitual bialtu MLA zahawmtak Pu Zira zawhna chhanna chu - a) Mizoram VAT Act 2005 Section 8-na in a sawi angin contract hna contractual transfer price atangin chhiah lak a ni. b) Chhiah hi contractual transfer price atanga chhutin percentage rate bithliah anga lak a ni. c) Contract works atangin Mizoram Value Added Act, 2005 in a sawi ang nilova VAT lak a awm lo.

PU R. LALZIRLIANA : Pu Speaker, zawhbelhna a ngai vaklo pawh a ni mai thei e, (b) chhanna-ah khan a percentage a lak a ti ta a, chulaiah chuan contract reng reng hi min hrilh danin kawnglaihte, lungrem-ah te VAT hi a percentage a lak niin a lang a, hei hi a khawi hi nge kawnglaihahte a percentage an zu lakna chhana chu ?

PU ZODINTLUANGA : Pu Speaker, zawhbelhna. Hei, VAT hi kan ram ina kan sum hnar ber a ni a. Tun kum chhungah pawh Sorkar anga kan chhiahte sum kan resource hmuhna awm chhun a ni mai a. Nikum helai Session-ah ngei pawh Tlungvel bialtu zahawmtakina a rawn sawi chhuah Melbuk. Zokhawthar bula Taxation Check Gate lawmawm an tih kha nikum Budget Session atang khan Pu Speaker hmanloh a la ni reng mai a. Hei kan bungrua hi Silchar atang chauha rawn lut angah hian chhiah hi kan Sorkar hian a la a, Burma lam atanga rawn lut khi official taka chhut chu awmlo mahse mithiam ten an chhut dan chuan 60 to 70 percent vel bungrua hi Burma lam atanga rawn lut niin an ngai a, chungah chuan khiti lam atanga bungrua rawn lut zawng zawngah hian Sorkarin chhiah kan la lo hi a uihawm em em mai a, khi kan check gate khi kan Chief Minister bial anih avanga political pressure vang nge ni vawiinni thlenga Sorkar ina heti zat sum hlauh pawh huama check gate hi an la siam theih loh. Tun financial year chung hian check gate hi an function tir thei ang em? tih hi ka rawn zawhna a ni.

Tin, sumdawngtu tena he VAT chungchanga a lo ziaktu an tih Chartered Accountant Signature ngai hi Mizoramah hian Chartered Accountant mumal kan la nei silova, hei hi sumdawng tenau zawkte, dawrkai tereuhte te tan pawh hian a buaithlak/thil buaithlak tak a ni a. An vawikhat signature ah hian Rs. 5000 te chawi a ngai lehngal a. Hei hi a awlsam zawkin sumdawng tenau tena harsatna an tawhloh theih dan tur kan Minister zahawmtak hian ngaihtuahna a siam thei ang em? tih ka rawn zawt e.

PU LAL THANHAWLA

:

Pu Speaker, uniform floor rate a VAT lak hi a tir atang khan keini party chuan kan oppose a, vawinah hian uniform floor rate in kan Sorkarin a la lui ta a ni a. Chuvangin, sumdawng tan ber hian harsatna namenlo an tawh phah a ni tih hi

an hria em? Tin, thil man in a lo to phah a, chuvangin mipuite hian nasatakin kan tuar a ni. Phunnawi leh au luai luai chi zawnga han kal chi vak kan nilova, chuvangin mipuite hian complain nachang kan hrelo mai a ni a. Uniform floor rate a lak avang hian nasatakin kan tuar a ni. Tin, a rate a pawh hi a sang lutuk a, state changkang tawh leh thil tamtak siam chhuakte nena han khaikhin chi kan nilo a ni. Chuvangin, uniform floor rate a lak hi tih hmian dan/siamthat dan an zawng dawn em tih hi ka zawt duh a.

Tin, hnamdang hian kum hnih inner line permit a zawna an neih chuan register theih anni ang tih a ni a. Vawinah hian mitam tak hi hna an hmu phawt a, an in register leh thin a ni. Chu chu a takin an hming pekturte pawh ka nei a, hei hi dan kalh/kalprung diklo a ni a, keimahni tualchhung ram leilung fate nasataka an hamthatna tur chhuhsak a ni. Tin, khatia an tih khan hna an hmu phawt a, tichuan Taxation Office-ah an va in register chawp thei thin ta hi a inkarah khan sum tamtak a leng a ni tih hi a chiang a, chuti anih chuan Sorkar pawhin Revenue tamtak a hlauh a ni. Tin, mipuiin kan tuar bawk si a, hengte hi engtia tih dik nge an tum tih hi ka hre duh a ni.

PU H. LIANSILOVA

:

Pu Speaker, ka zawh duh chu ka hma-a zawhna khanin a cover thawkhat na-a, amaherawhchu chiang deuh zawkin ka'n zawh duh lai tawite chu, engemaw hunlai

khanin VAT lak chungchangah khan Consumer Goods a sumdawngte a bikin Electrical Goods a sumdawngtute an agitate viau a, an sumdawngna bungrua atang VAT lak chungchangah khan tax upon tax kha a awm a ni an tih kha Sorkar hianin a enfiah em? Tin, kan hriatdan chuan a entry point-ah VAT an lo la a, chumi a chhuak leh atang chuan VAT kha original cost atang khan an la leh ta bawk a. Chuvang chuan, Sorkar tan dawr an nghah sak a ni ringawt tawh e an ti a, hei hi enchian a tul hle niin a lang a. Chuvang chuan, kan Sorkar hian heng kan sumdawngtute a bikin Consumer Goods a sumdawngtu dawr lian tak tak pawh nilemlo te thleng pawh hianin an harsatna hi enfel tawh niin an hriatpui em? Tin, chutiang an harsatna an enpui leh an lo hriatpui atang chuan VAT lakdan pawh hi enawn that a, siamthat tumna a awm em? tih ka'n zawt duh e.

PU LALTLEGLIANA : Pu Speaker, Taxation Department Revenue target hi engzatnge? Tunah hian an target hi an pha tawh em? Enge an dinhmun chiah tih ka'n zawt. Pahnihna-ah chuan an hna an hmuh pawt hmam hnamdang hi an in register thei em ni? tih ka zawt a ni e.

S P E A K E R : A chhang turin Minister ilo sawm ang.

**PU B. LALTHLEGLIANA
MINISTER** : Pu Speaker, MLA zahawmtak Pu Thlenga zawhna kha ka'n chhang hmasa ber mai ang e. Mizoram Sorkarin Taxation Department-ah hian target crore 60 kumin Financial Year ah min pe a, tunah hian February thla thleng kan collection-ah chuan cheng vaibelchhe sawmruk pali, nuai sawmruk pali, singli sangnga zariat sawmkua pakhat February thla thleng kan la tawh a, March thla hi khawn leh ta ila, tuna kan hmuhdanah hi chuan crore 70 hi kan tlin mai thei kan in ti a, enge ni kan an ang erawh chu ka hre lova. (PU LAL THANHAWLA : Pu Speaker, engzata tam pawh hmu sela, engzat pawhin khum mahsela a hmuh dan kha a dikloh chuan a lawmawm chuang lo).

Pu Speaker, a hmuhdan lam hi a dik leh dikloh chu dan kan nei a, dan behchhana tih a ni a, dan kha a diklo kan ti anih chuan kha kha chu thuhra a ni a.

Tin, MLA zahawmtak Pu Zira zawhna contract hna-a VAT lak chungchangah hian kawnglaihahte hian engtingge chhiah lak a nih? tihlai kha tihian han phok chhan ta ila a chiang mai thei angem aw, lo chhinchhiah ta la - India Constitution Amendment 46 na Constitution Act, 1982 in a sawi angin contract hnaa bungrua hman atangin sales tax lak theih a ni a. He Constitution Amendment Act dungzui hian The Mizoram Value Added Tax, 2005 section 2, clause 27 hnuaiah hralh awmzia hralhfiah a ni a, hralh tih sawifiahna hrang hrang zingah hnathawh works, contract a hman bungrua, inhlanhhawn chu bungrua hralh anga ngaih a ni a. Chuvangin, works, contract-a hman bungrua hralhna atangin VAT hi lak a ni. Contract hna thawktu in VAT a pek tur zat chhutchhuah nan contractual transfer price inngah nan hman a ni a, contractual transfer price tih awmzia chu contract hna-a bungrua hman, hralhna man tih a a ni a. Contractual transfer price hian hnathawhna hmuna bungrua phurh thlenna man pawh a huamtel thei a ni.

PU R. LALZIRLIANA : Pu Speaker, khalai kha clarify chian a ngaiin ka hria a. A chhan chu, kawng laihah chuan material component pakhatmah a awmlo a ni a, entirman - mihringin an lai a, khawl an hman pawhin an khawlah khan VAT an pe vek tawh a ni. Chuvang chuan, helaiah hian Art Cutting-ah te engvanga VAT hi la ringawt nge an nih? kha khalaihan khan a chiang chuanglo reng rengin ka hria.

PU B. LALTHLENGLIANA MINISTER : Pu Speaker, VAT pekna tur item a awmlo anih chuan lak loh tur chu niawm tak a ni a, khalai kha chu. (PU R. LALZIRLIANA : Pu Speaker, a dik rual khan kan Minister pawhin a pawmin ka hria a, kha kha. Mahse, contract miin an hmuh chuan Department atanga khatia lo tih ngawt kha thil tamtak a awm avangin khalai zawk kha siamthat a ngai a ni tih kha ka zawhna chhan chu a ni.) Pu Speaker, khatiang kha a awm anih chuan kan lo en ang a, a chhan chu VAT lakna tur item awm lova lak anih chuan kha kha kan tih diklohna lai pawh a ni mai thei a, kan lo enfel turah ngai ta ila. Tichuan, khalai kha chu a felah ngai ta ila.

Tichuan, MLA zahawmtak Pu Liansailova zawhna tax upon tax tih chungchang hi sumdawng tute hian an sawi thin a, mahse tax upon tax hi keini Taxation VAT danah chuan a awmin kan hre lova. Entirman - Helai atang hian chhang dawn ta ila, Value Added Tax tih hi bungraw hralh anihna hrang hranga a man or a hlutna tihpun ang zela chhiah lak dan a ni. Entirman - bungraw pakhat kha zawrh chhawn leh turin wholesale dealer hnen atangin hralh chhawng leh tu tur khan lei ta sela, a bungraw man atangin VAT a pe phawt ang a, a hralh chhawn leh hunah a hralhna man atangin VAT a la ve leh ang a, chumi VAT alo lak ve leh atang chuan a hma-a wholesale dealer hnen a VAT a pek kha a la kir ve leh thung ang a, a la bang ang ang kha sorkarah a pe ang. Hei hi input tax credit tih kha a ni a, VAT pe nawn ang a sawi hi a awm lo. Hralh lehchhawng tura leitu khan a hralhchhawn hunah VAT alo pek zat chiah kha a hmukir leh a, chuvangin a man tihpunna atang chauhin VAT chu a pe tawh a, peknawn a awm thei lo. Entirna han pe ta ila, VAT registration nei pakhat chuan zawrh lehchhawn turin wholesale dealer atangin bungrua Rs. 100/- in a lei a, kha bungrua kha 4% VAT lakna chi a ni a, Rs. 104/- a pe ta a, dawra a hralh leh chuan a help ve tur Rs. 50/- VAT Rs. 4/- telin Rs. 150/- a chhiar ta a, VAT chu Rs. 6/- ahma-a Rs. 4/- nen alo ni ta a, Rs. 50/- a lei tur atang khan VAT chu a chhut leh ang a, tichuan Rs. 2/- alo ni ta tihna a ni. A lo lei chhawngtu khan VAT Rs. 2/- arawn pe ve leh tihna a ni.

PU H. LIANSILOVA : Pu Chairman, fiah lawk atana ka ngen duh chu an harsatna laitak an sawi kha Mizoram-ah hian manufactured consumer goods reng reng hi whole sale dealer hi kan nei mumal lova, a bikin Electricals Goods ah te, khang khan phai ami an zuk la ta a, a value added-ah khan tax la tawh lo khan an zuk lakna a original price list atang khan chhut leh a ni a, khalaite- ah khanin kan sumdawmna kan margin project-ah hian sorkar hian a hlawkna zawng zawng min laksak a, sorkar dawr kan nghak ta mai a ni e tia an insawifiah ang kha a ni a, chulaite chu engtinggeni sorkar hian a lo thlir a, relief siamsak a rawn tum tur...

PU B. LALTHLEGLIANA MINISTER1 : ..chuan tax upon tax tih chu tuna ka sawi khan a rawn tichiang ta a. ITC pawh whole sales hna a va lei Rs. 4/- a va pek kha ITC kha helaia bungrua lachhawngtu khan a nei let ve leh ta a. A bungrua hralh leh na lo leitu khan Rs. 2/-VAT a pe a, chu chu sorkarah a rawn chhunluh tur chu a ni ta a ni. Chutichuan, mipakhatin VAT an pe double lova tih kha a chiang ta in ka ring a.

Tin, Electrical Goods chungchanga a zuartute pawh thlahlui mai khan an rawn kal a, January thla vel niin ka hria a, an bungrua lak dante engkim mai an rawn keng a, kan Department Officer-te nen pawh kan han en a, tuna MLA zahawmtak in a rawn zawh ang khan harsatna namenlo Company a an lei atangin an lo tawk a ni tih kan hriat avangin anni pawhin 12.5 pe tura min tih hian kan pe thei lova, pawisa in dawn tlem phah zawk a, a rate hi min tihhnam sak ula, tichuan a rate hniam kan tih hian kan rawn chunglut thei ang a an ti a. Department in nguntaka kan han ngaihtuahin ni thei dawn a kan hriat avangin an rate kha 4% nita in ka hria a, chu chuan kan tihhnam sak ta a, chu chu an harsatna kan solve dan chu a ni a.

Tin, MLA zahawmtak Pu Zodintluanga zawhna Melbuk Check Gate engvanga suspend reng nge a nih? Tun financial year chung hian tih leh theih a ni ang em? tih kha chu khilai khi a History tamtak a awm thei a, kan han suspend a, nichina a sawi ang khan bungrua lo lut a bang chuang silova, chumi bungrua lo lut bang chuango chuan Aizawl-a phailam atanga dawrkaite tan khan harsatna a siam avangin engpawhnise Zemabawk-ah sawn Gate siam nise kan ti a, tun atanga reiloteah Zemabawk-ah Gate kan hawng dawn a, inluah turte pawh kan hmu ta niin ka hria a, chutiang chuan kan han

PU ZODINTLUANGA : Pu Speaker, zawhbelhna. Khawpui chhunga khawpui tawt nasat zia kan hria a, hei kan buaipui mek a ni a, Zemabawk-ah check gate siam ta ila, Traffic khawpui min tihbuai dan tur kha a hriattheih a, chumi piah lamah chuan engatinge khitah a lo luhna hmunpuiah kan tih mai loh chu aw? Helna tur a tam hle si a, engatinge kan tih ngam loh tih lai kha a ni.

PU B. LALTHLENGLIANA MINISTER : Pu Speaker, Traffic chungchang kha chu helai khawpui chhung Traffic tibuai pha lovin check gate kan siam turah ngai ila. Tin, engatinge helai Traffic tibuai tura khawpui hnaiha siam ai chuan a hmunah engatinge in tih ve mai loh tih kha, a diktak chuan Custom hovin Tiau leihlawn bul retah Office an nei a, tuna kan VAT lakdan hi kan tih changkan avangin khilaia bungraw lo lut zawng zawng khi Guwahati te, Kolkatta, Aizawl, Vairengte thlenga nitin lo lut Computer-a hmeh chhuah theih a ni a, chumi avang chaun Custom Duty ho khian tunhma-a an pocket money zawng zawng khan an Pu-te lakah an mawng kan hlimsak a an hriat avangin bungraw lo lut tur kha Tiau leihlawn-ah an lo dang vek ta mai a, Burma ramah bungrua a vum hnur a, alo thleng thla thei si lova, chmi avang chuan loading leh unloading a eizawng tam tak khan hnathawh tur an nei ta lova, sumdawng chu kawng khat nisela, chuvang chuan mitam tak eizawna harsatna siam kha kan la ti tir bawk a, tlemin en leh deuh ang tih avanga khilai khi hlip kan ni a.

PU LALRINLIANA SAILO : Pu Speaker, khalai tak kha pawimawh ka'n tih chu, Champhai atanga Myanmar atanga lo lut kha Union List anih pawhin Mizoram a rawn luh tawh kha chuan Concurrent List - ah pawh a lut thei maithei a, chu ai chuan Champhai leh a chhehvelah Aizawl, Zemabawk bul velah sawn lo ti dawn ta ang se, khami thlen hma khan Lunglei-ah te, hmun dang dangah a kal teuh dawn a ni a. Chu chuan pawisa tamtak kha kan lost dawn a ni a, chuvang chuan Champhai thlen hma khian siam theih hram se a tha lawm ni?

PU B. LALTHLENGLIANA MINISTER : Chu chu kan tih tawh, chumi avanga kan han suspend lailawk a ni a, kan bansan hlen ang kan tihna a ni lova, engemaw chhung atan in en rih phawt ang kan ti a ni.

Tichuan, Pu Speaker, Chartered Accountant chungchang sumdawngte nena an inkar chungchang kha chutianga harsatna a nei anih chuan kan lo en ang a, engtia solve theih nge tih tunah chuan ka chhang mai thei lova. MLA zahawmtak Serchhip bialtu zawhna - Uniform Floor Rate a chhiah lak hi a tha lo a ni, kan sorkar pawh khan tha kan ti lova, chuvangin hei hi ennawr leh tumna a awm em? tih kha a zawhna a ni a, hei hi chu India sorkar tuna Congress sorkar a hma ami pawh khan a lo tum tawh a, UPA sorkar hian hei hi a rawn implement ta a, India ram pumah Uniform Floor Rate a chhiah lak a ni hi a tha bera an hriat avangin Empower Committee thuchhuakin hei hi tih a ni a. Keini State-a, tunlai kan tawng dan takin chawmhlawmin lo tih ve leh ngawt mai kha tha a kai, hriat loh avangin India ram pumpui thuchhuak ang kha kan kalpui lo thei lova, chu chu Uniform Floor Rate a kan lak chhan a ni a, Central lama Pu ten a tha an tih kha chu tha kan tihpui ve mai a ni. Chuan, pawnlam contractor te ILP neilova contract hmu hmasa a Register tih ang chi kha Taxation Department-ah

PULAL THANHAWLA : Pu Speaker, khulama Pu tena tha an tih apiang tha tih kha a thalo lai bera kha a ni a. A tha kan tan anih chuan tha kan ti ve mai ang a, a thalo na na na chu thalo kan ti ngam tur a ni a. Maharastra te, Gujarat te leh khungte nena Uniform Floor Rate a han kal rual kan nilo tih hi hria in mipui hmangaih avang zawkin sumdawngte hmangaih avang zawkin a ni ka phut ni.

PUB. LALTHLEGLIANA MINISTER : Pu Speaker, a dik thei a, amaherawhchu kan ram tana thil tha tur ve tho-ah kha chuanin kan zawm ve ngam tur a ni. State puitling kum 20 chuang kan ni tawh a, chutichunga naupang spoon-a chawbarh ngai ang renga kan awm hi a hun tawh lova, kan ram leh hnam hmangaih vang zawkin heng hi kan tihchhoh ve a ngai a ni. Kum 4/5 lai kan tih chhoh-ah hian.....

PULAL THANHAWLA : Anih leh Pu Speaker tunah hian an duhsak zawng deuhte chu Items Wise khanin a Tax hi an tihlem sak tho si a, enge a awmzia ?

**PU B. LALTHLEGLIANA
MINISTER**

: Duhsak zawng tihlem nilovin an sumdawna harsat dana zir khan kha kha chu a case atangin kan en zawk a ni. Tin, Pu Speaker, contractor hna an hmun hmasa phawt a, chuta register tih kha chu ka ring lova, kan lo en ang a, khang chi ho an awm anih kha chuan khatiang kha Taxation Department in kan tihdan a nilo. Entiman - NBCC te kan ramah an thawk a, an rawn in register a, an ILP neih kum 2 chung alo ni a, kum 2 chhiah pek tur an pe a, an haw leh mai a. Entiman - Millenium Centre satute pawh anni a, khatiang khan kan tihdan a ni a, hna hmuh phawt a, register kha chu ka ring lo.

PU LAL THANHAWLA

: Pu Speaker, helai hmun hi dawt sawina hun tur a nilova, chuvangin dawt ka sawi lova, ka hriat ka sawi a ni a. Tin, ILP kum 2 a zawna continuous a neih te hi harsa an ti reng reng lo, an nei zung zung mai tihte pawh hi sorkar ka hrih duh a ni.

**PU B. LALTHLEGLIANA
MINISTER**

: Khalai kha chu ILP petu ina an pe anih kha chuanin keini Taxation Department sawitheih a ni lova. Chuvangin, kan MLA zahawmtakin khatiang case kha a hria a, mi pek tur aneih chuan min rawn pe sela ka lo en ang.

S P E A K E R

: Le, a tawpnan tak tak Pu Andrew Lalherliana.

PU ANDREW LALHERLIANA

: Pu Speaker, ka lawm e. VAT - ah hian zawhna ka ngah em em avangin ka zawhna alo chhuah hunah ka ti deuh na in sawipawp anih avangin helai chungchang thu kha zawh pahin thil han sawifiah ka duh a. Hei, Electrical Goods harsatna chungchang thu ka zawt ve duh a ni. Khatah khanin a va sawi a, tichuan an harsatna

an sawi tak avang chuan VAT tihhniamna kha order notification kha sorkar khan a chhuah ta mai a. Chubakah chuan, Bulldozer te, Floor Tiles te, Glass Wire te leh Paint rawng zawng zawng te leh khatiang kha 4% ah a tihniam thla vek bawk a ni. Chutihrualin, Uniform Floor Rate ah kan awm ani tichung khan hengho hi tihthlak an ni a. Hei, a list pawh sorkar order chiantak ka kawl a ni. Hetihlai hian Motor Pass te pawhin harsatna kan nei ve tho a, chu chu a chhan chu engdang a ni lova, Delhi atanga Guwahati thlen nan leh Guwahati atanga Aizawl thlenna hi Transport a inang reng a ni, a charge hi. Chuvangin, Mizoram hian Transport harsatna avangte hian chhiah sang hi kan ti theilo bik a, a sanga hralh a ngai tlat mai a ni, hemi khan. Chuvang chuan, Uniform Floor Rate hi kan tlin lova, khawngaihtakin kan ti thei lova, tih hi Motor Part zuartute pawhin an ti, mahse vawiinni-a an tih duhloh lain Bulldozer te hi an ti leh bawk si a. Khawngaihtakin Motor Parts zuarte hi intih hniam sak ve thei ang em? 4% a dang intih hniam ang hian tih hi ka'n zawt duh a.

Tin, chulovah chuan contract work chungchang thu ah khan VAT Registration neilova contract hnate lo hmute leh lo thawk te hna hmuh zat te nen hian Taxation Department te pawhin a collect a, chung ho chu hei hi ka lak a ni, tamtak contractor te supplier te in registered silo hian contract an inpe hmiah hmiah ani. Khami kha kan hrelo an tih kha mak ka ti a, Taxation Department ami te pawhin min pek a ni hemi copy hi. Chuvangin, a Minister hian ka hrelo a tih hi a Department hian khawngaihtakin ngaihtuah chiang se a tha in ka hria a, VAT registered hi contract work an neih hnu hian an rawn dil ngam thin a, abik takin vai sumdawng ten khangho khan nominal charge an lo nei a, a tih hun khan an lo tlanbo thin a, Mizoram sorkar hian tamtak VAT chhiah lak tur hi kan chan a ni an ti a.

Tahchuan, VAT Act han en ila 62-na ah hian chiantakin an in registered tur a ni tih hi a awm a ni. Chumi chu sorkar hian a carryout lo niin a lang a, khawngaihtakin VAT Act a registration movement of goods tih hnuaiyah hian an in register ang a, a movement kha dan theih a ni, khang kha an neihloh chuan, hengte hi kan Minister hian tunhnu-ah hian a enforced thei dawn lawm ni?

Chutianga an tih chuan sumdawng contractor te hian VAT pe lovin tamtak an chhuk a, chuvangin sorkar hian chiantakin hma a la thei lo maw? Ka hrelo tih ai chuan tih kha ka'n zawt duh a, Pu Speaker, ka lawm e.

S P E A K E R

: Minister ilo sawm leh ang.

PU B. LALTHLENGLIANA : Pu Speaker, khalai kha contractor kan neih
MINISTER : ho tamtak hi chuanin VAT an rawn pe
tha a, kan hmuhtheih chinah entirman -
Millenium satute leh hmundang dang amite
pawh, khatianga a penhle thil a lo awm
anih chuan kan lo en ang a, siamthat ngai a awm anih pawhin siam that pawh kan lo
tum ang a.

Tin, Motor parts zuartute tan rate tihhniam
tih pawh kha ka hriat theih chinah chuan tun thlengin ka hnenah sawi pawh a la awm
lova, a case a zirin Department-ah kan lo en zel turah ngai ila a tha ang e.

S P E A K E R : In sawiho na-a, helai atanga a landan chuan
Uniform Floor Rate kha a Principle in kan
hmang a, a tuldang ang zelin han tih tlem
sak te pawh alo awm ve bawk a nih chu.
Starred Question No. 23-na zawt turin Member zahawmtak Pu N. K. Chakma ilo
sawm ang.

PU NIHAR KANTI CHAKMA : Pu Speaker, ka lawm e. Ka Starred
Question No. 23-na Food, Civil Supplies &
Consumer Affairs Department changtu
Minister chhan atan - Tlabung bial mipuite
tan a takin Sorkarin hna a thawk dawn
em ? tih ka zawt e.

S P E A K E R : Chhang turin Supply Minister zahawmtak
Pu K. Sangthuama ilo sawm ang.

PU K. SANGTHUAMA : Pu Speaker, Pu Nihar Kanti Chakma
MINISTER : Tlabuang bial MLA zahawmtak zawhna
chhanna chu hei hi a ni. Mizoram sorkar
hian Tlabung bial mipuite tan a tak takin
hna a thawk mek a, thawh zel pawh a tum bawk a, Central sorkar hnenah Supply
Godown sakna tur dilna a thehlut mek a ni bawk.

Tlabung bial hmasawmnan hian BADP

hnuaiah hnathawh a ni a, thawh mek leh thawh turte chu henge hi an ni -

1. Construction of Playground at Zodin Tlabung
2. Construction of Retaining Wall at Tlabung Playground
3. Construction of Cemented Foot Bridge within Lamthai to Tlabung approach road.
4. Completion of Community Hall at Zodin Tlabung

PU NIHAR KANTI CHAKMA : A lawmawm e, Pu Speaker, thatakin thawh anih chuan Minister chungah lawmthu ka sawi a ni. Ka zawhbelh duh chu - Ka bial chhungah buhfai an harsa em em a, ka zawh duh chu mipui hnenah food security hi min pe thei em tih leh ka bial chhung hmun hrang hrangah buhfai stock position min hrilh thei em? BAFFACOS pawisa in kawnglahi a ni bawk si a, Godown repair a ni bawk si a, engtikah nge ka bial chhungah godown hi khar tir a nih? Kha kha re-open theih dan a awm em? tih leh BAFFACOS pawisa in engatinge Tlabung-Lunglei kawng hi an maintain loh? tih hi zawh ka duh a, a chhan chu carrying contractor in kawngchhiat vangin buhfai phur duhlo ta se engtingge sorkarin action lak a tum? chu chu ka zawt e.

PU ZODINTLUANGA : Pu Speaker, a zawhna a zau bawk a, Tlabung bial thenawm chiah kan nih vangin kan zawhbelh ang a. Pu Speaker, buhfai dinhmun hi kan Minister ten chanchinbu leh mipui hma-ah hian a thatzia te an sawi nasa em em thin a. Hei, vawiinah pawh Lungsen-ah chuan APL ten an lak chuan Godown a ruak leh mai dawn a, Pu Tlungasih-ah tihtham a awm leh tawh lova, heng ang hi kan ramah tam kan tawk mek a, mipuite hnenah buhfai tamzia leh sorkarin a hmalak ang sawilo hian thudik hi min hrilh law law mai sela. Sorkarin a harsatnate, FCI atanga an harsatna ang chite heng hi min share pui sela, keini pawhin kan hrethiam tur a ni a. Thingtlang -ah Radio leh TV -ah te kan lo en a, buhfai thatzia khatiangah khan hmuh tur awmsilo hian kan buai a ni a. Chuvang chuan, kan Minister hian kan harsatna hi diktak leh a tak tak hian he House hi min hrilh sela, chu chu kan pawm tlan theih ka ring a ni. Chuvang chuan, kan buhfai dinhmun te hi a taka awm silo, a thu ringawta a tamzia sawi tawh lo hian kan harsatna ang chiah hian he House hi min hrilh thei em? tih ka zawt e.

PU R. LALZIRLIANA : Pu Speaker, tukin zing chanchinbu-ah te khan Cherhlun khua an rethei a, buhfai leina an neihloh thu kan lo hmu a, hei hi Mautam tam kum a ni a, buhfai chu anni kudam-ah chuan a awm a, mahse leina an nei lova. Hei hi Supply Minister khan hmanah khanin an sawi tawhin ka hria a, C.S te pawh khan a leina tur neilo chu a ba-in lo lak tir zel mai rawh u tih kha a ni a. Chutiang ti theilo chu mi engemawzat Aizawl-ah an lo tla thla a, khangte tiam khan kudam-ah buhfai a awm phawt chuan a ba-in an lak tir thei tawh dawn lawm ni? A tak takin, thu mai nilovin tih kha ka zawt duh a.

Tin, BPL buhfai chhe lutuk an rawn sawi leh a, hei hi Pu Speaker, a chhia mai pawh a ni lova, ei chi pawh anilo hrim hrim a, Zonuam BPL buhfai lak a ni a, nakinah i thlir atan, i thlir phak loh pawhin ka rawn pe phei dawn che nge ka rawn vawm darh dawn? I en tha duhlo riau mai a, min en sak la, a tenawm lutuk a, heng hi lei vek anih hi, in hmuin ka ring a. Hei, BPL lehngal, hetiang eitir tum chu kan Supply Minister hian buhfai that thu a sawi a sawi baw k a, chuvangin hei hi a tul anga i lo en atan ka'n pe che a, hei aia tha zawk i ti thei ang em?

PU K. LALRINLIANA : Pu Speaker, zawhbelh duh ka nei a, chumi hma chuan kar hmasa nilaithawhtan ni chawhma khan Suangpuilawn bialtu zahawmtak khan a bial kudam a ruah thu kha a sawi a, Phullen, Phuaibuang leh Khawlian te kha. Tlaih ka han kal a, kan Supply Minister zahawmtakin kudam min tlawh sak la a ti a, ka han tlawh a. Zirtawpni, Chapchar Kut ni tak kha a ni a, chutah chuan Phuaibuang-ah khan 1200 qtls. vel a awm a, Khawlian-ah 1500 qtls. vel a awm a, atakin ka han hmu a, khatiang kha kan chian a ngaiin ka hria a. Tuna buhfai pawh kha pawlh chhiat theih thil a ni a, fimkhur a ngaiin ka hria a, tuten emaw a nilo a materials nilo kha an rawn pe thei baw k a. (**PU R. LALZIRLIANA** : Ngawi rawh, Pu Speaker, kha chu Supply Minister chhan tura ka tih a ni a, MNF MLA rilru chhiat ang khan tu rilru mah a chhe lo). Pu Speaker, ka han tlawh a, thil awmdan ka hmuh avangin ka'n sawi mai a nia, thil awm thei ani em tih kha ka'n zawt duh a ni.

Tin, ka zawh leh duh pakhat chu Pu Speaker, buhfai hi March thla chhung ei tur kha kan lei fel tawh niin ka hria a, tak tak ani em tih ka hre duh a. Tin, fur chhung ei tur 2,00,000 qtls. vel kan lei tawh tih kha sawi a awm deuh a, tak tak anih leh nihloh kha ka zawt duh baw k a.

Pu Speaker, pakhat leh chu, thla tin hian buhfai man tlawm ration kan lei theih nan sum engzatnge thlatin hian crores engzatnge sorkar hian a sen mipui tan hian? tih ka zawt tel duh bawka ni, ka lawme.

S P E A K E R : A original zawhna kha Tlabung bial mipuite tan ataka sorkar hmalakna kha a ni a, a kal kual ta viau mai a. Aw, Pu Saikapthianga.

P U S A I K A P T H I A N G A : Pu Speaker, ka lawm e. Tam chungchang thuthang leh sawi awm pakhat hi House hian kan hriat chian thain ka hria a, ka zawt duh a. Supply Minister chhan tur nge Chief Minister chhan tur zawk ka hrethiam lova. Ei neilo harsa zual chu a ba-a buhfai lo lak tir mai tih awm hi, engchen hi nge ei neilo harsa? Tuten nge certified dawn? tih kha kan chianloh chuan kan buai hle ang tih ka ring a.

Chutiang bawk chuan Cherhlun lam atangin ei neilo an lokal tih kan ngaipawimawh anih chuan, heng hian eng document nge an neih? engnge neilo an nih dan kha kan fiahloh chuan khawtin mai atangin an lokal mai ang tih kha a hlauhawm viau a ni. Chuvang chuan, buhfai harsa zual tan a ba-a eitir mai tih hi eng condition a eitur nge an nih? chumi anih loh chuan helai hi sawifiah tha ka ti a.

Tin, Cherhlun ami ka'n sawi ang deuh a pawl ho 2/3/4/5 te pawh a ni ang chu, kan khua-ah buhfai a awm a, a leina kan nei silova, Aizawl-ah kan lo kal tih ang hi sawlai-ah A.O te an awm tawh lo anih pawhin BDO te nge, thuneituten feltaka an certified anih loh chuan thutakah kan la vek dawn em ni? Chumi anih loh chuan hmuntin atangin mi an lokal khawm ang a, a buaithlak zo vek mai dawn a, he thil hi inhrilhfiah ngaiin ka hria a, chumi point 2 chu ka zawt a ni e.

P U S. H I A T O : Pu Speaker, kumin hi Mizoram pumah kan tam a ni tih hi chu kan pawmtlangin ka hria a, eitur pawh kan neilo tak tak a ni tih hi a hretute kan ni a. Bahra pawh kan lai tak tak a ni tih hi a hretute kan ni a. Chu chu tifiyah leh zual turin kan Chief Minister hian khawngaihni team min siamsak sela, harsazual, Tlabung emaw, Chapui a ni emaw, Phuldungsei a ni emaw, Lokicherra a ni emaw hi min tlawhsak thei em tih hi ka zawt duh a ni.

Chu chuan a ti chiang dawn a, District ringawt hian an phuhruk zo tawhlo a, eitur an pe zo tawh lova, tin, buhfai hi awm an ti a, tak takin a awm lova, Supply Minister hian a awmlah lai pawhin a awm tih a sawi thin. Chu chu ka bialah pawh ka fiah a, chuvang chuan a sawi ang nilovin, a tak tak ram thleng turin kha team khan min tlawhkual sak thei se tih hi ka zawt a ni.

S P E A K E R : Awle, a kual thui ta em mai a, original question atang khan chhantheih ang anga chhang turin Minister Pu K. Sangthuama ilo sawm ang.

PU K. SANGTHUAMA MINISTER : Pu Speaker, ka lawm e. Kan zawhna kha development thil a ni a, tam-ah kan kai leh ta a, ka sawi rei deuh anih pawhin min lo ning lo ula. A zawh belhchhahna kha a dang daih bawk si a. Chuvangin, hei sawitur a tam hle a, buhfai a harsa, Food security, buhfai stocking, Borapansuri kudam khar a ni, Lunglei-Tlabung kawng tihthat, khami 5 kha.....

PU SAIKAPTHIANGA : Pu Speaker, khawngaihni a tam ta law law bawk a, District tinah tam endiktu Committee sorkarin a ruat a, MLA te pawh kan tel a, chu chu an hmang tangkai em sorkar hian? tih kha ka'n zawt tel ang e.

PU K. SANGTHUAMA MINISTER : Pu Speaker, heng chungchangah hian Tlabung lama development lam kha chu kan sawihman dawn lova, supply lam kha han sawi phawt ila. Buhfai hi a hmasa-a kan hriat atana ka duh chu January thla chung khan 182690 qtls. kan la chhuak hman a ni, February ah 120170 qtls. kan la chhuak bawk a, March thla ni 15 thleng hian monsoon stocking tur 2,00,000 qtls. kan

dilah khan 177750 qtls. hi kan la la hman lova, a dang zawng chu kan la tawh bawk a. Chuvang chuan, thlakhatah hian 116400 qtls. hi tuna Central sorkarin min pek a ni a, tichung chuan January thla-ah pawh Monsoon stocking min phalsak te nen a hma amite kan lakchhuah loh kan lak te nen 186900 qtls. kan la a, February-ah khan 121700 qtls. kan la hman a, March-ah chuan 90160 qtls. kan la hman a ni. Chuvangin, buhfai hi kan quota tawh tur anga Central sorkar a kan dil leh min pek ang hi tuna kan chhiarchhuah atang khan buhfai kan lak dan chu a chiang viauin ka ring a.

Tin, Chhimlamah pawh hian ni 7 leh ni 11 inkarah hian 8552 qtls. kan thawnphei a. Tin, ni 13,14 leh 15 chung hian Truck trip 45 Lawngtlai, Lunglei-ah kan thawnphei a. Saiha lamah engemawzat kan thawnphei a ni. Chu chu buhfai awm leh awmluh chungchangah a tawizawnga ka'n sawitheih ni ta sela. Nitin record kan nei vek a, buhfai dinhmun hrim hrim hi vawiin a la a, naktuka quota pek leh a, vawiina va fill up leh thin te a ni a. Entirman, tunkar chungin an quota an lo lak chuan quintal 500 lo awm kha an quota kha 200 lak tur nise naktukah chuan 300 chauhte a lo awm thei a, chuvang chuan nitina hei hi ti kan ni a, buhfai lakchhuah leh a dinhmun hrim hrim hi Central sorkar atang hian thlatin atana pek kan ni a. Amaherawhchu, thlatin quota min pek thin kha fur dawn hi chuan monsoon atana chhekkhawl tur kan zuk dil thin a, kan dil angin min pe thin a, chu chu tunah pawh hian min pe a, fur atan 2,00,000 qtls. chhekkhawl kan tum a, chu chu a la tawklo deuhin kan hria a, 1,00,000 qtls. dang kan dil leh a. Tichuan, chumai bakah tuna min pek hi ala tawkin kan hre lova, metric tone 5000 quintal 50000 thlatin a a manto a quintal a Rs. 1444.89 a kan lei hi a la tawklo in kan hria a, metric tonne 3000 quintal 30000 chumi belh nanah Central sorkarah kan thlen thla leh mek dawn a. Chuvang chuan theitawp chhuahin, kan sorkarin hma a la mek zel a ni tih hi hre ta phawt ila a tha in ka ring a.

A tlangpui chuan buhfai hi chu stock tunah hian kan nei tlangpui a, amaherawhchu, khawimaw laia motor lokal engemaw ti a a han bahlah deuh hlek thin avang erawh hi chuan hmanni-ah kan MLA zahawmtak Pu Hiato pawn a rawn sawi a, Saiha District pumpuiah duhthu a sam love kan ti a, a rawn sawi veleh khan thawnphei turin tan kan han la a, kan thawnphei zung zung a, tlema kan han bahlah deuhna thin pakhat chu nichina kan MLA zahawmtak tak ten an han sawi ang khan Rail atanga alo kal dan te, FCI atanga alo kaldan te hian harsatna min thlen thin a. Achangin FCI ten buhfai an neihlaia min han thawnphei dawnin Rail lampangah label chungchangah harsatna te an han tawh thin a, nitin in Rail Wagon 20-30 tal emaw, 35 emaw tal hi min han thawnphei chuan kan ziaawm ang kan ti a. February thla chung-khan duhthu a sam lo deuh hlek a, tunah chuan duhthu kan sam leh tawh a, nitin 10,000 qtls vel emaw lo thleng thei chu nisela kan Railah khuan kan ziaawm deuh hlek ang a. Amaherawhchu, chu chu a theih rengloh avangin harsatna kan tawh ve a ni a, Rail te, FCI te hi a tlangpui in kan thunun phak

loh ti mai ila, Central sorkar atanga lokal a ni a, kan thunun phaklo tih rual rualin theihtawp chhuaha kan sawi tlan thin hi chuan harsatna a ziaawm thin a, anni pawhin harsatna eng engemaw an nei ve thin a, tuiluang anga kang lova tih reng theih an ni biklo va, chu chu kan hriatthiam deuh a ngaiin ka ring a. Tin, tunlai taka kan harsatna pakhat chhimlamah hian FCI hian Lunglei-ah kudam hman atangin an sa tawh a, chumi an sak chu hmandeuh khan hawn turin an ti a, 'ngawi ru kan cham chhung hi chuan hawng rihlo mai ula a tha awm mang e, a chhan chu nangnin direct a Lungleia in dah phei a, Lunglei kudam a kan leburh leh a, Lunglei atanga a chhimlam zawng zawng kan chawm dawn hian in phurh that theih loh chuan kan mualpho ang' ka ti a, vawitam tak ka ti a, ka sawi a. Central Ministry-ah pawh ka thlen a, amaherawhchu an tilui a, tunah hian harsatna kan tawh phah ngei a, Bairabi a Rail in a rawn dah leh Rengtekawna a rawn dah by-road a a dah leh, Bairabi atanga kan phurh chhoh khu FCI hian khang thleng khan a rawn tum thin a, chuta tang chuan kan Mizoram contractor hian Lunglei - ah te, Lawngtlai-ah te, Saiha-ah te an phur thin a.....

PU LALRINLIANA SAILO : Pu Speaker, khawngaihtakin a thlukah a buai kual lutuk a, mipui hnena thleng tur buhfai kha sawi mai kha a tha in ka ring a. Tin, zawhna duhawm tak tak leh pawimawh tak tak an rawn zawt a, khang kha chhang ta ang se ka tih zawk chu Central a buhfai an rawn dil hi hlawhtlin tak tak an in ring nge, a tul anih chuan keini pawh kan kal thei thova, Josefa hnawl tute khan Josefa hnenah bawk an zu dil leh a, tun hnuah hian hre ve tawh rawh se, Josefa buhzem khu, chuvang chuan a point-ah hian lut mai I se hei.....

PU K. SANGTHUAMA MINISTER : In zawhna ka chhang dawn a ni a, in ngaihthlak peih loh kha chuan zawh chhan a awm dawn lova, chuvangin zawhna hi a tam khawp mai a, a harsat chhan te kan sawi lohvin engtinge Pu Speaker

S P E A K E R : Khawngaihtakin dar 11:30 a ni a, ni e, a la chhang zo lo deuh niin a lang a, chhan thiam dan te, sawithiam dante hi kan inanglo hlawm khawp a, a han chhang zo mai dawn em ni ang? Hun pel hret mahse, Aw, a nih leh aw.

**PU K. SANGTHUAMA
MINISTER**

: Ni e, a harsat dante a awmzia sawiloh chuan sorkar ina a lo tih that loh deuh te, a lo tlakchham deuh te, khatiang kha engvangge tih han sawi dap dap loh chuan a fel thin lova. Chuvang chuan, khang atan khan thui tak sawi a ngai a ni. thil hi kan zawt anih si chuan kan ngaithla peih tur a ni a. Dawhtheihte hi a tha a, teirei peihte a tha a, chuvang chuan fiah fai taka chhang tur chuan sawi teuh a ngai a. Tunah chuan kan sawi seng lovang a, hetah hian zawhna pawh a la awm leh a (**PU R. LALZIRLIANA** : Zawhna ni lovin, a inrinsa dan khan a rawn chhang a ni ringawt mai a ni. Zawhna a chhang lo reng reng). Tun chauh hi kan la ti dawn lova. I duh dana chhang tur chuan, Pu Speaker, ani sawn rawn chhang sela, a fel mai ang. Ka chhan dan kha a duhdan anih loh chuan thudang, (**PU R. LALZIRLIANA** : Khalai hma-ah khan kan la thu mai thei. Chutiangan min ti reng reng suh) I thut hunah I duh ang takin I chhang ve dawn nia phawt mai a na.

Pu Nihara'n a rawn zawhna kha - buhfai harsat chungchangte a ni a. Tin, kha buhfai stocking chu theihtawp kan chhuah ang a, furpuia harsa lo turin theihtawp chhuah kan tum a, chuvangin nichina Pu Rintea'n a rawn sawi khilam Phullen lam pawh kha fur-ah motor a kal dawnlo hrim hrim a. Chuvangin, tunah hian kan ngawrh deuh hlek a, khatiang khan a harsa lai chu kan han ngawrh zel ang a, fur a buailoh hi a dik chiah chuan Pu Speaker, kan MLA nangni ten in vei ai hian ka vei zawk a ni. Zan mut loh chang pawh ka nei. Chu chu hria ula, a mawhphurtute kan ni a, harsatna in rawn sawi thin pawh hian ka ngaihtuah vat vat a ni. (**PU R. LALZIRLIANA** : A. I vei a niang, an sawi ka hriat danin kalpah pawhin Ration buhfai phurte ta I lei sak zel a, khatiang khanin LOC I pe a, tikhan nang chu I hlawk deuh a, midang chu an hlawk lo viau an ti, I vei viau anih ka ring) Lunglei leh Tlabung inkar kawng kha chu PWD a ni a, keia han chhan teh chiam chi pawh a ni lova, PWD in an la siam tha turah ka ngai a, hmanni pawh ka kal a, an leidawh tha lote kan zu en a (**PU NIHAR KANTI CHAKMA** : Pu Speaker, ka bial chhunga stock position kha min la chhang miah lova) A eng lai ?

S P E A K E R

: Zawhna neitu Pu Nihara bial chhung stock position latest kha a inhrilh theih em ?

**PU K. SANGTHUAMA
MINISTER**

: Stock position chu I bial chhungah chuan tunah chuanin Chawngte, Lungsen, Tuichawng Haulawng, Haulawng hi chu a ni lovang a. Hemi, Chawngte, Lungsen leh Tuichawng-

lo hlawh ta se, nakinah sorkarin inhlawhna a siam atangin a pawisa kha keini Supply
- ah an rawn chhunglut leh mai ang. Chuvang chuan.....

PU ZODINTLUANGA : Chu pawisa, a ruahmanna lai chu khatianga
ruahmanna an siam anih chuan kha pawisa
lo kalna lai tur kha eng atangin nge tih
kha a awm thei em? tih lai kha

**PU K. SANGTHUAMA
MINISTER** : A ruahmanna kha chu sorkarin a siam chho
zel dawn a, a siam mek zel a. Inhlawhna
awm ang ang atang khan hei hi chu a siam
chho zel dawn a ni. A chiang em chu chu?

PU R. LALZIRLIANA : Pu Speaker, a la chiang vak lo, a chhan chu
NREG ang-ahte hian cut in tum ngawt
chuan a thiang miah lo a nia, a theih miah
lo a nia.

**PU K. SANGTHUAMA
MINISTER** : Pu Speaker, khalaiah kha chuan lo buai lo
phawt mai ula, a ngaihtuhtute kan awm a,
an rawn ngaihtuah fel thlap mai ang.
Tikhan in zawhna kha a duhtawk theih mai
ang a, BPL buhfai hi ka hnenah an rawn thlen ngai lova, a tha khawp a sin
tunlai chu.

PU R. LALZIRLIANA : Zonuam Retailer kha MNF tho a ni a, kan
MLA zahawmtak khan pawlhsawp theih a ni
a ti a, anih leh nihloh chu anmahni zu zawt
ula, nangmahni MNF ngei kha zu inbei ve
ula a tha ang.

ahte hi chuan tunah tak hi chuan an rawn reportna-ah hi chuan a tha lova. Tin, requirement hi thlatinin Chawngte-ah hian 29555 qtls. a ni a. Tin, kumin chhunga kan thawn tawh chu 7843 qtls. a ni a, tunah chuan stock tih tham kan nei lova. Lungsen-ah pawh kan ngah lova, Tuichawng-ah pawh kan ngah lo a ni. Chu chu tunah hian Lungleia kan thawn phei hi an thawn zel ang tih kha ka chhanna ni mai sela a tha in ka ring a.

Tin, Lunglei FCI khan tuna ka sawi angin kan sawi leh ang a, lo ngaithla hram hram ula, a tha in ka ring a, khuta tanga an phurh chhoh tur kha Lungleiah sawn quintal singhnih/singthum dah reng tur a ni a, kha kha an thlen thei lova, tunah pawh harsatna kan tawh avangin a dan lo deuhin kan contractor te Aizawl atangin tunah hian kan phurh phei tir a, truck 45 nithum chhungin tunah pawh kan phurh phei tir a ni. Chuvang chuan, FCI hian a tih tur ang hi tlak thei selang chuan harsatna supply lam atang chuan awmlo tur a ni a, FCI in an duhthusama an tih theih loh hi kan harsatna ber pakhat a ni.

Tin, a ba-a pek chungchangah hi chuan Cabinet in kan passed tawh a, Cabinet in kan passed hnu-ah Chief Secretary kha kengkawh turin kan ti a, tichuan Department zawng zawng nen Committee an nei a, chuta tang chuan ngaihtuahna an siam chho ta a, a chhan chu tam zual ami zawng zawng phei chu a tih theih loh ang a, tamzual chu kan awm mai ang a, a dik chiahin kan tam vek rual khan harsa deuh khuate kan awm a, a harsa lo deuh khuate kan awm a, khang kha VC te, khawtlang hruaituten an report ang a, DC-ah an report ang a, harsa tak tak chu DC te khan an verify ang a, an en ang a, tichuan an sawitlang ang a, Inhlawhna an siamsak ang a, pawisa a awm rihlo anih pawhin inhlawhna an siamsak kha a buhfaiin an lo la mai ang a, khami buhfai an lo lak mai kha nakinah a pawisa in hetah an inhlawhna awm thei ang pawisa kha supply-ah an rawn chhunglut mai dawn a ni tihna a ni. Chuvang chuan, tam leh tamlo kha chu DC te an kutah kan dah a, engkim Journal Officer te nen engkim enkawltu tur sorkar aiawh an awm a, chungina tih awm, tha an tih, nitura an tih chin chu sorkar chuan a pawm mai dawn a ni.

PU ZODINTLUANGA : Pu Speaker, tuna tam a ba-a pekna tur kha Cabinet meuhin ruahmanna an siam tawh anih chuan engang pawisa atanga pek tur nge tih kha min hrilh thei em le? Khalai kha?

PU K. SANGTHUAMA MINISTER : A pawisa chu inhlawhna awm ang ang sorkarin a siam kha wawiinah hian awm ta lo nisela, wawiina an inhlawhna la awm lo ta sela, tam miao si sela, Rs. 10/- man kha

PU K. SANGTHUAMA MINISTER : MNF an ni emaw, nilo emaw lam nilovin, buhfai chungchang-ah chuan a tha kan duh a, Central sorkar pawhin thatak tak minrawn pe a, khawimaw laiah tha lo palh tlema zawngte chu thil awm thei a ni tihah khan rilru dah ila, kan buhfai hi tunlai chu a tha viau a sin.

S P E A K E R : Member zahawmtakin Zonuam BPL buhfai chhiatzia a rawn sawi a, Department khan khawngaihtakin lo enzui sela, atul angin hma lo la se a thain ka ring.

Zawhna leh chhanna hun a tawp ta a, Business dangah kan kal ang a, kan Session tirha kan zinga lo tel theilo Lungpho bialtu zahawmtak Pu K. Lianzuala hun reitak Vellore-a in checkup a kai hnuin kan zingah a lo tel thei a, a lawmawm hle in ka hria. Pathian khawngaihna azarah Session te pawh tluangtaka a tel chhoh zel theih kan beisei a. Chutih lain Ratu bialtu member zahawmtak Pu Lalduhoma a hnathawhna-ah a inhliam palh avangin kan zingah alo tel thei lova, a tel theih loh chin tur chiah a sawi thei lova, karkhat vel anih chu a ring a, leave a rawn dil a, rem kan ti thei mai em? A lawmawm e. Tunah chuan Laying of Papers a ni a.

(**PULAL THANHAWLA** : Pu Speaker, tunah khan Department kha directive I pe ta a, khatia Department directive I pek khan an report kha direct in I hnenah an rawn pe ngai em? Min enlighten lehna turin?) An rawn pe khat khawp mai a, hei hi kan executive ho hian an hriat a tha khawp mai. A hma thei angin ka hnenah thil awmdan an sawifiah kha thil kalphung tur a ni a. Heta tang hian a tul angin House-a report kan pek leh te pawh thil tha a ni a, hei hi kan zavaia interest theuh anih avangin rawn ti thei sela a tha ang.

Minister zahawmtak Pu Aichhinga'n Municipality chungchang thu-ah Rules pahnih lay tur a nei a, The Mizoram Municipalities (Election of Councillors) Rules, 2007 leh The Mizoram Municipalities (Procedure and Conduct of Business) Rule, 2007 a ni a. Hei hi thil chikhat deuh anih avangin a rualin han lay mai sela, tunah Minister zahawmtak Pu Aichhinga heng Rules pahnih te hi lay turin ilo sawm ang.

LAYING OF PAPERS

PU AICHHINGA MINISTER : Pu Speaker, i phalna leh he House zahawmtak remtihna in The Mizoram Municipality (Election of Councillors) Rules, 2007 leh The Mizoram Municipalities (Procedure and Conduct of Business) Rules, 2007 te hi he House dawhkan-ah ka rawn lay e.

S P E A K E R : Minister zahawmtakin Rules pahnih The Mizoram Municipalities (Election of Councillors) Rules, 2007 leh The Mizoram Municipalities (Procedure and Conduct of Business) Rules, 2007 te House-ah a rawn lay ta a, a copy te kha sem ni sela.

FINANCIAL BUSINESS

Financial Business-ah kan kal ang a, Voting on Demand for the year 2007-2008 leh Supplementary Demand for 2002-2003 and 2003-2004 (regularisation of excess expenditure) kan ngaihtuah dawn a ni. Supplementary Demand hi vote thin a ni a, amaherawhchu kan tih dan tlangpuiah kan sawiho rei vak thin lova, kan sawiho ngai meuh lova, hei hi Ni 13.3.2008 khan Finance changtu kan Chief Minister zahawmtakin House-ah a rawn pharh tawh a, engemaw clarification han zawt duh emaw kan awm em? Engge ni sawiho vak lo hian kan pass thei mai em?

PU LALRINLIANA SAILO : Nia, sawiho vak loh thin a nih i sawi tawh a, a zahawm a, amaherawhchu hei hi pheh 16 na Mizoram Public Service Commission-ah hian a hnuaiah (d) na (h) (m) helaiah hian ka'n sawi mai ang e. An Additional fund of Rs. 41 lakhs is required for furnishing of new Office and Conduct of Examination for the post of Inspector of Taxes, MCS and MPS tih hi a va tam em em ve, tihlai hi a ni a. Hei, Minister te pawh Furnishing kan sawi thin a, Rs. 41 lakh tin MCS leh MPS exam-na ah te chuan tamtak anih a rinawm loh a, hetia hman tawhna nuai liam leh mai thin anih chuan fimkhur a va tha awm ve.

Pakhatah chuan kan hnunga Engineer-in-Chief thlahna-ah khan cheng nuai 40 lakh a thlah a ni a, tiang deuh khan tunah MPSC Chairman kal chhuak tur hi an vawm deuh em ni? tihte pawh a awm ve a nia. Chuvangin, nuai 41 hi a tam em mai, furnishing nan chuan em em ana.

S P E A K E R : Nia, MPSC hi Autonomous body a ni a, a tlangpuiin MPSC chungchangah hian zawhna-ah pawh kan admit lo a, an day to day administration vel hi chu khalaiia kha enge ni kan House Leader in han sawi duh a nei em?

**PU ZORAMTHANGA
CHIEF MINISTER**

: Pu Speaker, hei a dang pawh han sawi deuh thuak ila, vawiina kan Supplementary Demand hi chi thum a ni a, pakhat chu 2007-2008 atana kan Supplementary Demand a ni a. Tin, a dang kha chu Regularisation of Excess Expenditure 2002-

2003 leh 2003-2004, kha kha tlem azawng engemaw regularised ngai a awm a, khami-ah khan kan rawn dah tel bawk a ni. Khatah khan a tlangpui thu in Supplementary Demand-ah hi chuan pek belh a ngaihna chhan hi a hnuaiah hian engemaw explanatory note siam a ni a. Han ena tih mai theih a ni a. Tin, tuna kan member zahawmtakina a han zawh lai kha a ni a, MPSC hi a building saw tisawn an han siamthar a. Amaherawhchu, tihbelh ngai a awm a, helaiah hian furnishing tih ringawt hian an han ziaak a, furnishing tih chiah loh pawhin expenditure chu ziah belh ngai a awm ka ring a, a detail te te chuan ka hre biklo a, amaherawhchu examination hi a to phei chu a to ve khawp mai a, MCS te, Inspector of Taxes te, MPS te tunah phei chuan Lunglei lamahte, Champhai lamah te a hla lamah examination hi conduct kan duh a, heng kan conduct na-ah hi chuan a pawia senso ngai pawh hi a tam ve khawp mai a. Helai tak hi chu a detail-ah khan a furnishing-ah helai tak hi a ni tih hi chu han sawi mai tur ka hre bik lova. Amaherawhchu, in thar anih avang sawn a cheina leh siamna tur saw a ngai tam khawp mai a, furnishing head hnuaiah khan an rawn ti mai anih ka ring a, engpawhnise khalai kha chu kan lo enchiang ang e. Tichuan, Pu Speaker engtingge zawhna chhan tur ang deuh a tih tur nge, khami chin kha min phal chin em ni ?

S P E A K E R

: Awle, point dang a awm tawh loh chuan Supplementary Demands te kha, kha bak kha sawifiah ngai a awm em ka hre lova, a awm anih chuan sawifiah nise, pass han dil mai se a tha mai lawm ni?

**PU ZORAMTHANGA
CHIEF MINISTER**

: Pu Speaker, a tlangpui thu chuan member ten kan hre vek tawh a, Supplementary Demand kalphung chu. Ka sawi ang khan explanatory note a hnuaiah a awm a, kha kha

kan duh chuan ala inzawh zel theih tho a, amaherawhchu, he House zahawmtak hian a rualin ka dil mai em ni ang ? (SPEAKER : Aw, ni mai rawh se) Heng Supplementary Demand a biktakin regularisation of excess expenditure 2002-2003 leh regularisation of excess expenditure Supplementary Demand for 2003-2004 leh tunkum kum kallai meka kan Supplementary Demand 2007-2008 hemi hi House zahawmtak hian min pass sak turin ka rawn dil e.

S P E A K E R : Awle, tunah Supplementary Demand 2007-2008, Rs. 7,07,92,21,000/- leh Supplementary Demand for the year 2002-2003 leh 2003-2004 (Regularisation of Excess Expenditure) Rs. 56,41,50,000/- te hi pass remti apiangin 'remti' ti rawh ule. Remtilo kan awm chuan Remtilo ti rawh ule. Awle, Supplementary Demand for the year 2007-2008 Rs. 7,07,92,21,000/- leh Supplementary Demand for the year 2002-2003 leh 2003-2004 (Regularisation of Excess Expenditure) Rs 56,41,50,000/- te chu House in lungual takin a pass ta a ni. (**PU ZORAMTHANGA** : Pu Speaker, ka lawm e)

LEGISLATIVE BUSINESS

Awle, tunah chuan Legislative Business-ah kan kal ang a, Pu Zoramthanga, Chief Minister zahawmtak, Finance enkawltu nibawk chu 'The Mizoram Appropriation No.1 Bill, 2008 leh The Mizoram Appropriation No.2 Bill, 2008 te House-ah introduce rawn dil sela a tha ang e.

PU ZORAMTHANGA CHIEF MINISTER : Pu Speaker, i phalna in Appropriation Bill pahnih The Mizoram Appropriation No.1 Bill, 2008 leh The Mizoram Appropriation No.2 Bill, 2008 hi he House - ah hian introduce ka rawn dil e.

S P E A K E R : Awle, tikhon introduce a rawn dil a, kan remti em ? Awle, kan remti a, tunah hian ngaihtuah a pass rawn dil nghal mai sela a tha ang e, a copy kha hmanni khan sem telloh em ni ? E, kan la semlo anih chu. Kan sem emaw ka tipalh a ni, minlo hrethiam rawh u, han sem nisela a tha ang e, Appropriation No.1 leh No.2 Bill pawh hi kan sawiho ngai lova, kan chan kim tawh chuan Bill neituin ngaihtuaha pass han dil nghal sela.

PU ZORAMTHANGA CHIEF MINISTER : Pu Speaker, ka lawm e. Appropriation Bill 2 te kha pakhat No.1 Bill hi kum 2002-2003 hemia kal chho atan leh 2003-2004 a kan hman tawh zuk appropriate na turin Rs. 9,82,63,99,000 an ni a, a pakhat leh Appropriation No.2 Bill kha 2007-2008 a kan zuk regularise na tur siamremna tur Rs. 7,22,341,000 te an ni a, hengte hi han tih vak ngai chi an ni lo bawk a, he House zahawmtak hian min pass sak turin ka ngen e.

S P E A K E R : Bill neituin a ngen angin The Mizoram Appropriation No.1 Bill, 2008 leh The Mizoram Appropriation No.2 Bill, 2008 te pass remti apiangin 'Remti' ti ru le. Remtilo kan awm chuan 'Remtilo' ti ru le. Awle, The Mizoram Appropriation No.1 & No.2 Bill, 2008 te chu House in lungrual takin a pass a ni.

Tunah chuan Pu Aichhinga, Minister zahawmtak The Mizoram Development Authority (Amendment) Bill, 2008 House-ah introduce han dil sela.

PU AICHHINGA MINISTER : Pu Speaker, i phalna in The Aizawl Development Authority (Amendment) Bill, 2008 hi House-ah introduce ka han dil e.

S P E A K E R : House in kan remti em? Awle, House in a remti a, Minister zahawmtak khan rawn introduce se.

PU AICHHINGA MINISTER : Pu Speaker, i phalna leh he House remtihna in The Aizawl Development Authority (Amendment) Bill, 2008 hi he House zahawmtak-ah ka introduce e.

S P E A K E R : Awle, tikhan Minister in The Aizawl Development Authority (Amendment) Bill, 2008 House-ah a introduce ta a, hun remchangah kan la ngaihtuah ang a, a copy han sem nise.

FINANCIAL BUSINESS

GENERAL DISCUSSION ON THE BUDGET FOR THE YEAR 2008-2009

General Discussion on the Budget for 2008-2009 hun kan hmang ang a, BAC Report ang khan ni 2 chhung neih tur a ni a, hun thawl kan neih theih nan minute 15 theuh bakah Group Leader te a aia tam deuh kan tih thindan ang kha a tha kan ti mai em?

Anih leh tunah General Discussion kan tan dawn ang a, kumina kan budget hi hei a presentation form hi tunhma ai khan kei chuan hriatthiam a awl deuh awm mang e aw ka ti a, kei chuan ka hrethiam deuh zual a, tunhma ai khan han sawisel emaw, han fak emaw pawh kha a nuam deuh hlek ka ring a, tunge ball han lum hmasa dawn le? Pu Lalchhandama Ralte, a dawtah helamah Pu Liansailova a phar a, Pu Lalchhandama Ralte.

PU LALCHHANDAMA RALTE :

Pu Speaker, ka lawm e. Hei, vawiinah budget discussion te kan nei a, thusawi hmasatu-ah ka'n tang dawn a ni a. A hmasa berin lawmthu sawi tur he House hian kan ngah hle in ka hria a, chu chu kan Finance Minister, kan Chief Minister nibawk chungah hian lawmthu sawi kan ngaiin ka hria a, kum li chhung zet azawnin full budget he House-ah min han pharh sak thei te, chutianga hei kuminah hian kan budget leh a kaihhnawi-ah fiscal reform te kan kalpui chhoh avangin lehkhabu tangkai tak tak turte member te tan pawha chhiar manhla leh zir thiamna tur tamtak mai material min han supply thei te pawh hi kan Finance Minister leh Finance Department te chungah lawmawm ka ti a, lawmthu thuhmahruai angin ka han sawi duh a.

Tin, chulo lelah lawmawm ka tih chu he sorkar kalchho kum 2007-2008 kalta-ah khan kan sum leh pai dinhmun-ah a enkawltu ten hneh taka an enkawl avangin Treasury te pawh khar thawm awm miah lovin tluang takin sorkarin finance a run thei a. Tin, chu chang nilovin sorkar hnathawk regular pangngai hote hlawh pek theihloh awm lovin hlawh engkim a han pe tlang chho thei han hmuh pawhin chu chu a hmasain a thlirna tlangpui atanah ka'n sawi hmasa duh a.

Tin, fiscal reform mumal taka kan han kalpui chho thei te, nikum hmasa-a Fiscal Responsibility and Budget Management Act, 2006 kan pass leh chutiingin chumi hnuaia Rules 2007 a kan han pass te, kan implement chhohna hnuaiah Finance Minister ho a half year review an neih te, chutiingin Finance Commission hova review meeting te nei a kan finance dinhmun mumal taka zir chhohna lo awm te Macro Economic Framework Statement kan han hmu te, Economic Survey Report mumal taka kan han hmu thei hianin he kan budget system-ah hianin thil thar/hmel thar min pe niin ka hria a, chu chu kum kalta thlir letna angah khan ka'n sawi hmasa duh a.

Tin, 2008-2009 budget overview han thlirna hmuh khan a lawmawm ka ti a, chumi-ah chuanin Gross Fiscal Deficit (GFD) kha 3% ah kumtawpah awm thei tura lo lang kha a lawmawm hle in ka hria. Nikum hmasa te khan 9.72% vel a ni, tin nikumah 3.51% vel anih lain chutianga 3% a kan lo tawp thei tur anga ruahmanna a lo awm te. Tin, chumi piah lamah kan opening deficit kuminah 84.65% crore anih lain 2008-2009 atanah surplus budget 54.29 crore kan han nei thei dawn a, chumi avang chuan kum tawpah chuan kan deficit hi 30.36 crore anga lokal thei tur anga hmasawn zawnga kan lei te titem zawnga kan kal theih hrim hrim pawh hi a lawmawm ka ti a. Tin, chu aia chhuanawm leh zual chu Revenue Surplus 184 crore kan hmu tur anga lolang leh hetiang beiseina nei theia kan han kal hi a lawmawm hle in ka hria. Chu chu kan budget speech pumpuia ka'n en duh a ni a.

Tin, kan Finance Minister Speech-ah khan priority sector a rawn siam te kha he budget hi mipui huapzo, mirethei ber atanga hausa ber tana hmantlak tur budget a ni tih a lang leh in ka hria a. Priority Sector-ah khan Agriculture leh Allied Activities-ah te, Rural Development chungchangah te nasataka hmalak tum a ni a. Food production ah self-sufficiency awm tura beiseina te, employment generation chungchangah te pawh nasataka he budget hian hna thawk tura ruahmanna a rawn kalpui kha mi nawlpui sorkara hna nghet leh sum lak luhna mumal neilo tanah pawh inngahna tlak tak niin ka hria a, chu chu a lawmawm hle in ka hria a.

Tin, Agriculture huangah Assistant to Jhumia Families for innovative activities hman turte, National Agriculture Insurance Scheme (NAIS) kan han zawm ve thei tur market intervention chungchangah tarlan a ni hi kut hnathawktu te tanah he budget hi a biktakin hamthat thlak dawnin a hmuh theih a.

Tin, Economic Infrastructure uar a tum leh priority a biktakin State Road Project chungchangah te, Agriculture Link road a ni emaw, inkal pawhna kawng pawimawh bikte ngaih pawimawh target turah priority list-ah hei hian a rawn reflect hi a lawmawm hle in ka hria a ni.

Tin, Social Service bikah hian Pu Speaker, ka'n lut duh a, priority a peka a ngaih pawimawh em em Social Service-ah hian hemi Social Service hnuai ah Education, Health, Sports & Youth Services te a awm a, chumi a ka'n sawi duh hmasak ber chu Education bik atanah cheng nuai sangkhat zet a nikum aia sum dah alo tam hian zirtirtu indaihlo te, an hlawh te leh School Building chhe zualpui han thawm that ngai atanah awmzia a nei pha turah ka hmu a, a lawmawm ka ti a. Tin, Higher & Technical bikah pawh cheng nuai 500 zet a dah belh sak an lo ni a, a thente sang taka an punna pek a lo ni hi helaiah hian lawmthu sawi tulin ka hria.

Tin, Medical & Public Health-ah hian thil lawmawm tak mai budget-ah khan a hmuh theih a. Medical & Public Health bikah hian nuai 8464 zeta nikum aia Medical & Health bikah hian pek hnem leh ngaih pawimawh a ni hian mipui hriselna tur, thingtlang kil atanga khawpui thlengin khua leh tui te kan hriselna tur atanah ngaih pawimawh a hlawh hian he sorkar budget pharh hi huapzo sorkar, mitin tan a ni tih a tarlang hi a lawmawmin ka hria a. Hemi hnuaiah hian Health Department bik demand chhungah k han Grant-in-Aid atan 5000 lakh zet mai dah lo awm kha kan hotute pawh ka zawt chiang a, hei hi Medical Insurance tur, mipui nawlpui, sorkar hnathawk velo te pawh sorkar hnathawk ang tho a Medical Bill an neih theihna tura an Health Insurance tur he budget-ah hian alo tel reng a ni tih ka hmuhin hei hi budget lawmawm, mitin tan chanchin tha a niin ka hria a, chu chu ka ngai pawimawhin lawmawm ka ti a, kan hotuten an lo sawi, Chief Minister budget speech-ah khan a rawn lang tello kha tlemin ka lo lungkham deuh a, mahse budget ka zirchian khan 50 crore zet kha Health Insurance Scheme atan chhungkua nuaikhat zet cover turin sorkar hnathawkte hamthatna ang thova kuthna thawktute pawh sorkar hnathawk reng renglo ten an damloh nikhua-a sorkarin an damdawiin awm man a peksak theih tur khawpa budget hi budget tha niin ka hria a, chu chu ka sawi duh a ni.

Tin, Sports & Youth Services bikah khan thil thar budget-ah khan rawnlang a awm a, Youth Commission tun kan Session chhungin pass tur anga beisei a nih hmel a, Youth Commission set-up na atan 48 lakhs initial stage atan a token anga bul an tanna tur han hmuh hian Mizoram thalai ten kan nghahfak Youth Commission chu he Session chhungin House-ah rawn introduce a nih dawn hmel anga rawn hmuh theih a ni hi a lawmawm ka ti a, he sorkar budget pharh hian thalaite pawh min huap hle a ni.

Tin, NCC Air Wing te tan bik pawh Mizoram ang tlang ram hetiangah NCC Air Wing te thlawhna tumhnun pawh nei thalo ah kan nei thei dawn em ni chu aw kan tih lain NCC Air Wing bik atan pawh 30 lakhs zet mai thalaite curricular activities atan han dah a awm te hi a lawmawm ka ti a. NSS ani emaw, Scouts & Guides a ni emaw, henge pawh hi ahuan ang a, hetiang ang hmuh hian a lawmawm ka ti a.

Tin, Aizawl Sports Complex atan nikumah khan 653 lakhs dah a ni a, kumin bikah hian kan stadium sakna tur kan tih mai Sports Complex atan 1625 lakhs zet mai budget a dahluh zingah alo tel hi a lawmawm hle in ka hria a. Hemi atanga a pumpuia a plan budget piah lamah TSC te nena lak dunin kan sports bik hrim hrima kan budget punna 1085 lakhs zet maia budget lopung theia sports bik a awm hi a lawmawm hle in ka hria a. Chumi rual chuan kan plan bik ah 85 lakhs in helaia Aizawl Sports Complex kan tih tello hrim hrim khan a Sports & Youth Services pangngai atan pawh Rs. 85 lakhs in alo pung bawk hi a lawmawm

hle in ka hria . Chumi piahah chuan hmanni deuh khan he budget bu an peih tawh hnuah kan Chief Minister leh Sports Association te in be rawnin thahnemngaih thu-ah 40 lakhs zet mai Sports budget ah hian dahbelh turin kan Chief Minister in alo tihfel sak te. Tin, hmanni Inrinni-a Sports lama Association te kalkhawm pawhin an ngaimawh em em, thalaite hmakhua an ngaih avanga an ngaih mawh 5% exempt tura nikum lama Finance leh Planning lam atanga thil lokal exempt tura kan hotuten an lo tih tawh engemaw kalsual avanga exempt loh tak kha nuai 27 vel bawr emaw a nih lain Chief Minister in chumi chu nuai 30 vela siamsak in tun kan budget chhung hian lo tihbelh sak leh turin plan chhungah bik hrim hrim pawh nuai 155 in sports hi tihpun tur anga alo lang te, chumi heta highlight piahlahmah hian nuai 70 mai kha kan Finance Minister in lehkha lamah pawh ziak fel tawhin Department lamah pawh lehkha pawh siamsak tawhin vawiin lamah Usham lamte, kan sports stadium te pawh communicate theih hial tura ngaihtheih tura a hmalakna ataka chang tur lo awm ta hi a lawmawmin ka hria a, chungte avang chuan han en mai pawha kan allocation anga TFC te nena han chhut pawhin nikum aia kan sport budget sanna hi TFC te nena chhut phei chuan 70.50% a pung ang a ni a, a sang hle mai a. Mahse, TFC tellova a plan ang ngau ngau a han enin tuna budget bu-a langah hi chuan 9.29 % angin a lang thei a ni. Kan Chief Minister, Finance Minister nibawkin Sports Association te nena an in biakrem tawhna anga tihpun tur nuai 70 zet te nena han chhut khan Sport ngau ngaua kan puma tur kan budget pharhah hian 16.94% a Sports & Youth Services an pung tur hi thalaite kan tuihlnate kawng tamtakin a zawng aza in cover theilo mahse he sorkarina budget speech-ah Finance Minister in priority a pek tur tih a chhiarchhuah a sawi zing atanga hetiang anga hmuh theih a alo thang chho tur awm hi a lawmawm hle in ka hria a, chu chu ka sawi duh bawk a.

Tin, Mizoram Intodelhna Project huangchhuangah 20 crore pek an ni a, nikum ami ang zat thovin hei hian kuminah kan harsatna tamtakte, hemi chhungah hian kuthnathawktute tan bika malsawmna awm thei tur he huangchhunga ka hmuh avangin a lawmawm hle in ka hria a, chu chu ka sawi duh bawk a.

Tin, mipuite tana phurrit awm hlauhthawn thu-ah kumin a kan budget rawn pharh-ah hian Tax tuna kan lakna tlangpui pangngaih hian lakbelh emaw, tihpun emaw tum hranpa lovin kan kaldan ngai ang hian mipuite phur ti ritlo zawng anga budget speech a lo lay thei leh hetiang hmuh theih a awm hi a ropui hle in ka hria a.

Tin, Structural Adjustment Loan, Asian Development Bank te nena in siamrem a kan han nei thei tur 90x10 anga central ina hetiang anga quarantee a min han tan sak thei tur hian kan Finance-a kan harsatna tamtak deficit tamtak liabilities kan neihna te a sutkianna tur hmel han hmuh hian hun lokal zel tura he sorkar ina leiba kan neih tamtakte a ni emaw, sum leh paia chhanchhuah kan ngaihna tur tamtak hi heng huang atanga chhanchhuah tur leh hmalam eng nei thei tur anga kan lan avangin a lawmawm hle in ka hria a, chu chu ka sawi duh bawk a.

Tin, MLA LAD kan tih Local Development Fund hi a bu-ah hian 15 lakhs theuh kan neih pangngai ang neih tura lang, mahse DCP thutkhawma kan Finance Minister in kan memberte duh dan ang hawia kuminah tam kumte alo ni a, a theih ang anga hma kan lak theihna tur atana helaia tipung thei zawng tur anga chutianga anga thawm kan han dawng thei turte pawh chu a lawmawm hle in ka hria a, chung chu lawmthu ka sawi duh bawka ni.

A pumpuia han thlirin he kan budget pharh, tuna kan han sawiho chhoh mek hi mizo mipui nawlpui tan budget chenfakawmm, mirethei ber tan, kut hnathawktute a biktakin thalaite tan budget nghahhleawmm kan tana tha taktak niin ka hria a. He budget pharh hi a tha hle a ni tih kha ka'n sawi nawn leh duh a ni e, ka lawm e.

PU H. LIANSILOVA : Pu Speaker, ka lawm e. Hei, kan Finance Minister kan Chief Minister nibawkin budget speech neiin budget a rawn pharh a, kan ngaihthlak tak ang khan 2006 - ah Fiscal Responsibility and Budget Management dan kan siam a, 2007 atang chuan chumi zui deuh hlek chuanin kan Financial Management pawh hi an rawn kalpui tan a. Tin, 2007-ah a rule an rawn siam a, chutianga chuan kuminah kan budget ruahmanna leh kan Finance Minister budget rawn pharhah pawh hian chutianga document pawimawh chu alo tel hlawm a. Keini ang tan chuan zir tham fe a awm a, zu hriatthiam sen pawh anih lohna chin pawh a awm a, amaherawhchu a tlangpuia han thlir hian kan budget a tlangpuin kan sum hmuh te, kan hmanna lam te, kan financial management pawh a positive side rawn tarchhuah a awm thluah mai a, hei hi lawmawma ngaih tur niah ka ngai a.

Tin, hei kan budget han keu-ah hian kan Economy a tlangpuia min rawn hrilh na, hriatirna in bul an tan a, hetah pawh hian helaia a landan ang hi chuan hma kan sawn lam angin tarlan a ni a. Amaherawhchu, hetah hian han sawilan hmasak ka duh chu Governor Address kan sawilai pawh khan k'an sawichhuak zawk a, kan economy than chhohna leh kan domestic product lo pung chhovah hian a sector hrang hrangin share an neih rawn tarlanah hian kan mipui tam zawk kuthnathawktute leh Agriculture leh Allied sector mipui tam zawk kan inngahna leh kan eizawna kumkhua, chumi hmanga eizawngte chanvo ti mai ila an thawhchhuah ve han hmantir hi mi 20% emaw, 30% aiin 70% te hianin a let enggemawzatin an thawk chhuak tlem a ni tih kan ram economy chhiat dan leh kan budget kan lo hman tawh, a ziakah, a record-ah chuan a tha a ni maithei a, a impact assessment tak tak chu hei ai hian a hniam ka ring a, churang chuan helai hi chu han lawm viau dawnin kan mite an dinhmun tak taka ding leh thingtlanga an dinhmun

han enchian hian an economy sawitur pawh awmlo khawp a ni a. Tin, chutih rual chuan tlema lo thanna deuhthe chu awm mahselangin kan than dan hi a ruallo lutuk a. Chuvang chuan, a gap kan Social-gap pawh hi a zau tial tial a, tin, kan mizo nihho anga kan in ngaisak dan pawh hi kha khanin harsatna ala siam chho zel ang tih pawh a rinawm a. Chuvang chuan, khawpui ami leh thingtlang ami kan inthlau ang bawkin thingtlangah pawh hian tlema engeni a hailut thei deuh nia kan inhriat tunlai thil tak chuan kan hrethiam mai a. Hengho kang zawt zawt anga kan lan lai hian a mipui mimir, mipui kan tih hi chu bet tawlh tawlh angin an lang a, hei hi erawh chu, kan economy pumpui kan thlima a kan figure hi chuanin an dinhmun leh kan dinhmun a hrilhfiyah danah hianin ngaihtuah zui tur leh kan vision neihah pawh hian kan budget hmandan zel turah pawh hian ngaihtuahna kan hmanthar pawimawh hle in ka hria a. Chu chu a policy pumpui ang pawhin ngaihtuahna tak taka kan neih a that ka ring a, mipui 70% te an changkan theihloh chuan kan ram economy hi tha viau anga kan lan lai leh chutiang dinhmuna ding anga kan inhmuh lai hian 70% te dinhmun a beh tlat hi chuan ram a dingchhuak tak tak lovang.

Tin, kan problem, a social problem pawh nisela economic problem pawh niselangin, kan thlarau lam nun thleng pawha khawih thei anih avang hian helai hi tun aia ngun leh zuala kan sorkar leh a planning lam buaipui tute pawh hianin thuk zawka zau zawka a grass clude level khawih tur zawnga kan programme hi kan siam a pawimawh hle in ka hria a. A dik tak chuan dawhkan atang hian kan thawk titih tlangpui deuh vek mai a, a ram hi a zim na a, chumi kan hriatna hmang chuan kan ti a, khawpui amite hian thingtlang amite leh kan kut hnathawktute harsatna tak tak hi kan hrepha tawh meuh lo a ni, anihna takah chuan. Chumi avang chuan vawiinni-ah pawh hian harsa kan tihte kan han sawi leh kan inhrih fiah danah pawh hian kan sawidan leh kan harsatna kan inhriatpui dan hi chu a inchen ta lo deuh niin ka hria a. Chulai chu ka'n sawi uar duh deuh a ni.

Khawpui, entiman ; Service Sector-ah te chuan lo thang viau pawh ni ila, Industry Sector-ah pawh lo thang viau pawh ni ilangin mihring a huap a zim a. Tin, khawpui leh heng Industry lama che ho hi chu a tithei opportunity pawh nei tha zawk annih avang in opportunity neipha velo te, khaichhuak zawng programme ah hian kan inhman tam leh kan ngaihtuahna pawh kan hman pawh a pawimawhin ka ring a, chu chu helaiah hian ka ngaihtuahna ka lo thlima ka sawilang duh a.

Tin, Revenue Expenditure leh Revenue Receipt ah te hma kan sawn hle angin kan hmu chho zel a, a lawmawmah ngai ila. Amaherawhchu, kan ram sun dinhmun hi a nihna takah chuan keimahni thawhchhuah hi tlemte ala ni reng a. Central atanga kan hmuh kan dawn, chu chu a tak taka kan hman hi chu a ni a. Chuvang chuan, Revenue Surplus kan siam kan tih pawhin Central atanga kan hmuh alo sang chhova, chu chu helaiah a management hi Physical Responsibility and Budget Management te hmangin kan Department hotute pawhin tan an han la deuh te pawh a niang a, hei a picture-ah chuan a tha chho niin a lang a.

Hetah hian kan ngaihtuahna a kan khunglen tur chu Revenue Surplus siama kan awm hi a lawmawm viau rualin, hei hi thil lawmawm anihna hi kan ngaihtuah chian a ngaiin ka hria a. Kan Physical Deficit hi ngaihtuah ngun a ngai a, chutak chu keimahni dinhmun kan pawisa hman mekah pawh hian kan dinhmun tak kawktu niin mithiam ten a sawi a. Tin, chutih rual chuanin kan outstanding liability sorkarin a leibat alo neih tling khawm tawh zawng zawng leh tuna kan Revenue hmuh zawng zawng a ratio te han chhut ta ila. Tin, kan Physical Deficit te leh kan Cross Domestic Product ratio te han chhut ta ila. Hetah hian mithiam tena sustainable level kan tih hi chu nasatakin kan la khum a, chuvangin kan d inhmun hi chu a thalo a ni, tan kan lak zel a la ngai a ni. Tun hi a tha tawp a ni awzawng lova, a bul kan tan dawn chauh a ni tih kan hriat a pawimawhin ka hria a. Amaherawhchu, kan management te Central lam atanga kan dawn te a lian chho tial tial a. Chuvang chuan, kan tha hret hret chho dawn a ni tih a lang a, mahse kan fimkhur chu a ngai a, kan budget han pharh atang hian beiseina a awmin ka hria a.

Tin, ka'n sawileh duh chu kan Revenue hmakhua lam atang hian Tax leh Non-Tax atang hianin kan kal a, keimahni ram atang hianin tun aia ril han inpek chu a harsa tawh viau a ni. Nichina ka sawitawh ang khan Tax kan han tihpun reng reng leh kan ram tan chutiang kawng kan dap hian a mipui tamzawng nghawng zawng hian tih loh theihloh a nihna laite pawh a awm a ni thei a. A mipui tam zawk nghawngna zawng hian kan kalpui deuh thin niin a lang a, amaherawhchu nikum lam atang khan heti zawng hian tia insawiselna leh hetizawng hian tih sorkar pawhin alo dawngsawng thiam a, land revenue leh a behbawm a chhiah pung pawh han tih tum aiin a in cut hniam leh thei hi a lawmawmin ka hria a. Hetianga kan la kal zel hi a la fuhin ka ring a.

Tin, lehlamah chuanin Aizawl leh khawpui-ah, mi neinung sum la lut nghet tha tak takte an tam a, hei hi keimahni State system atang ringawt hi c huan tun aia tam han intuk ngaihna hi a awmlo a ni ber mai a. Kan Professional Tax te lah hi 2500 aia sang hi chu Constitution hian a la theih lova a dah avang hian hei hian kan la kal a, hengte hi engemaw tikawng zawng hian a tet dan a awm lawm ni? Sorkar hnathawk- ah te, dawrkai - ah te, VAT leh sum kan khawn hi chu mipui hi a thawh tu kan ni ber zawk a. Chuvang chuan, helamah hian hma kan lak a tha awm hle in ka hria a. Entirman - Sikkim-ah khuan an mahniin Income Tax Rules Special an nei an ti a, zirchianna ka nei lova, a hre zawk hotute in awm ang a, chu chu Income Tax lam hian a mihring lam tumin a thawh an tum sak a, 10% vel hi chu anmahni state-ah chanvo atangin an khawnchhuah atang khan an la a, a dang zawng chu an state sumah a lut e tihte a awm a. Chutiang tak anihloh pawhin chutiang hawizawng deuh ngaihtuahna kan hman hi a hun tawh lawm ni chu aw. Khawpui leh Sorkar hnathawk tam zawkah te, sumdawng leh khawsa nghet deuh tawhah hi chuan an paying capacity hi michhe ho leh mi harsa zawk keini ang hnena min lak ai hi chuan kan la tam deuh ilangin a nghawng pawh a na lo deuh ang a. Chulam ngaihtuahna chu kan rilru-ah hian neih leh a tha awm mang e.

Nikumah khanin heng Irrigation lamahte pawh Loan la-a lo ti kan nihna hmunah khanin assest emaw han lak tumna ang deuh te kha a awm a, tihzui a ni ta lovin ka hria a. Heng ang chi hi chu la tih chi-ah ka ngai lova, loan la anga kan lo ti anih pawhin heng atanah hi chuan a lak pahw la tam rihlo mai ila a tha awm zawk mang e tih ngaihtuhna rilru-ah a awm a.

Tin, chulo leh chu hei kan Chief Minister pawhin a atchilh kan ti a, kawng lehlamah chuan Mau atanga Revenue kan hmuh theih dan tur sorkarina chhiah kan hmuh tam emaw, Royalty kan hmuh dan tur hi chu tuna a kawnglahi kan tih mup mup ai hian kawngdang deuhthe pawh ngaihtuah that a tha awm khawpin ka hria a.

Hei, Mautam in min nang a, mau hralh tur alo awm tha leh mai ang a. Kan ram mau hi mithiam tena an chhut dan khan kan tih that tak tak chuan kum khatah 3000 crore chu a hmuhtheih an ti a. $\frac{1}{4}$ chauh ang pawh hmu ila kan thatpui tham fe tur a awm a, kan lui dungte hi mau tawlhna atana chei tha in, kawnglahi ai mahin helamah hian hma la chak ta ila kan ziaawm mai lawng maw, a kawng kan laih mekah hian tuna kan tihdan -ah hi chuan hlawkna kan hmuh aian kan investment kan khawihral ang leka inpuhna te pawh a awm zawk a. Chung chu ka'n sawilang duh a.

Tin, thil pakhat ka sawi duh chu Police Housing-ah hian pawisa hi duh tawk a awm thei tak tak thei lova, Police lam hi chu a bika ngaihtuah deuh a tha lawm mawni chu aw ka ti a. Chuvang chuan, State dangin an tih ang deuh hian Police Housing Corporation hi siam a, chu chu anmahni atanga a corporation in In hi chu sa mawlh mawlh mai sela, House Rent hmanga luahtir leh tho an nih avangin a Rent leh a puk kha a inrulh chhuah dan tur ngaihtuah theih niin ka hria a, chulai chu ka'n tarlang duh baw k a.

Tin, chulovah chuanin Loan lian tak Asian Bank atangte pawhin kanla dawn niawmin ka hria a. Tin, kha Health Insurance te pawh kan siam dawn niin a lang a, chanchinbu-a kan lo hmuh danin kan Chief Minister hian chumi loan atang te pawh chuan kan siam ang tih ang deuhthe pawhin kan lo hria a. Hei hi ngaihtuah ngun a ngai viauin ka hria a, kan loan lak hmang hek a emaw, kan revenue expenditure lam atanga meet tura scheme dang behchhan nei lova kan tih mai hian kan Finance lam hi a ngaihtuah awm viau lovang maw? Chutih rual chuan Central-ah Prime Minister ngei pawhin mipui tan, mirethei zawk tana Insurance Cover Health lamah siam tum anih thu a puang a, khangte nena in up a, keimahni state tih lawng lawng lova, Central ngenchhana tih leh chutianga ti tur kan nih chu ngaihtuahna hman thar a tha awm mang e, tiin ka'n dipui baw k a ni, chu chu ka sawitheih taw k ni mai sela a tha awm e.

PU K. LALRINLIANA

: Pu Speaker, ka lawm e. Vawiinni-ah budget thar tur kan House Leader, kan Chief Minister zahawmtakin a rawn puanchhuah sawihona kan nei thei hi a lawmawm hle in ka hria a, kan budget kalphung han thlir hian duhthusam vek chu a ni thei lova, mahse tun dinhmuna kan thlen tawkah chuan a lawmawm hle in ka hria a. Sorkar kumthar April atanga lokal turah hian a thlamuan thlakin ka hria a. Mipuite hmakhua ngaihna tak tak a tel pha in ka hria a, a biktakin kan Finance changtu kan Chief Minister chungah lawmthu sawi a ngaiin ka hria a. Tin, kan budget-ah hian Agriculture lama kan kut hnathawktute ngaih pawimawhn hi a lian hle in ka hria a. Hemi-ah hian kut hnathawktute pawhin hamthatna tamtak an chang thei dawn niin a lang a, helaiha hian a thlamuan thlak hle in ka hria a. Kan intodelh theihna tura ruahmanna tamtak awm chhovah hian a thlamuan thlakin ka hria a. Abik takin intodelh project kan tihah te pawh hian crore 20 lai dah alo ni a, a lawmawm hle a.

Tin, Fisheries-ah te pawh nikum ai khan tun kumah pek belh nuai za lai a ni te hi lawmawm hle in ka hria a. Chuvang chuan, kut hnathawktute Horticulture leh Agriculture lama hma la tute, Fisheries te, ranvulh tute tan budget thlamuan thlak, thlamuanawm tak niin ka hria a. Kan kut hnathawktute pawhin kan kan sorkarina kan ngaihpawimawh zia hi an hriat a pawimawhin ka hria a.

Tin, sorkarina miretheite inhlawhna tur NREGS atana Central sorkarin sum min rawn pek dawm kanna tura nuai 2000 lai dah hi tun ang hun dinhmunah chuan mipuite tan a va thlamuan thlak em aw ka ti a. Nuai 2000 a dawmna tur atana sum kan dah thei hi. Tin, percent-a kan do letna tur a ni a, 90% kha chhut ila hei hian kan do let theihna tur zat pawisa hi Central sorkarin min pe ta sela, nuai singnih sangriat bawr vel hei hian a chhanchhuak thei dawn a ni. Chuvang chuan, he nuai 2000 kan dah hian nuai 1800 a thawkchhuak thei dawn a ni. Chu chu vawiina kan ram mipuiten harsatna kan tawh mek laiah hian kan sorkarin hria in, mipuite dawmkanna tur mautam tam avanga kan harsatna dawmkanna leh mi hnuaihngung zawkte an lo din khawchhuah ve theihna tur a ngaihtuah a ni tih kha kan House pawhin hriat a tha hle in ka hria. Zoram mipuiin kan hriat atan a pawimawh hle in ka hria.

Tin, Special Area programme bikah hian nuai 60 lai mai nikum aia pek belh tam anih hi Sinlung Hills Development Council te abikin enkawl ngai anni a. Hengte ngaihpawimawh a ni hian harsatna avanga engemaw tuten emaw sorkara demand an neih thin kha hemi avanga harsatna a awm loh nan remna leh muanna kan neih thuantlin zel theihna atana ngaihtuahna a hman a, hetiang a Sinlung Hills Development Council atana ngaihpawimawh tur sum dah tam a ni hi a lawmawm hle a.

Tin, Tuivai Hydel Project khuah nana kan budget speech -ah kan hmu a, sorkarin hma a lakna te kan hriat khan lawmawm ka ti a. Tin, Serlui 'B' Hydel Project tihpuitlin nana ngaihpaawimawh, Hydel Project kan neih theihna tur atana ngaihpaawimawh kan nei thei kha a lawmawm hle a. Hei hian Serlui 'B' Hydel Project te leh Tuivai Hydel Project te tih puitlin alo nih chhoh chuan kan ram hian power kan mamawh tawk mai bakah hralh chhuahtur kan nei chho thei dawn niin ka hria a, a lawmawm hle in ka hria a.

Tin, Industry lamahte pawh ngaihpaawimawh anih avangin nuai 723 lai maia tamin Budget/pawisa dah tam a ni a. Hengte hi Industry tenau enkawltute tan pawha hamthatna a lo ni chho dawn a, kan ram leilung hausakna mau leh thing kan neih hmangte-a small scale industry neitute tan pawh hamthatna anih theih ngei ka beisei a, heta budget dah tam a ni te pawh hi a lawmawm hle in ka hria.

Tin, Tlungvel bialtu sawi ang khan School Education bikah hian hlawh indaihlohna te tamtak sawi a ni thin a. Tunkumah hi chuan nikum aiin nuai 1000 lain pek tam an ni a, hengte hi an hlawh indaih thei tur pawh hi lawmawm ka ti a, an hlawh indaih loh vanga harsatna tamtak kan tawh thin kha vawiinni-ah chuan a rawn ziaawm chho dawn niin a lang a.

Chutiang chuan kan Chief Minister zahawmtakin a sawi thin leh chanchinbu-ah te kan hmuh angin, chanchinbu thenkhatah te phei chuan Pu Speaker, Medical Re-imbusement sorkar hnathawk velo te chhungkuain an bill theihna tur hi sawi uar a ni si a, a va langlo ve tihte chanchinbu-ah an ziaak lang a, amaherawhchu, helaiah hian crore 50 lai mai dah a lo nita hi a ropui hle a. grant-in-aid mirethei ten, harsa zawkten sorkar hnathawk ve lotena an damloh manganna, an damdawi hman man leh an awm mante an lo bill ve thei dawn ta hi a ropuiin ka hria a, hengte hi zoram mipuiin kan hrelo ang tih a hlauhawm a, tun kum April-May chho atang chuan hman chhoh theih mai tura ngaih a ni nghe nghe a. Hengte hi mi harsa zawk tan leh sorkar hnathawk chhungkua ni velo tan chuan a ropuiin a thlamuan thlak hle in ka hria a, chungte chu ka'n tarlang tel duh a.

Tin, Urban Development & Poverty Alleviation ah khan Pu Speaker, ka'n sawi duh chu - kan budget kha nikum ai khan han en khan nuai 800 leh 128 lain a lo punna kha khawpui chhunga miharsa zawkte ngaih pawimawhna a tilangin ka hria a. Heng hian District Headquarters hrang hrangte leh kan State Capital chhung ngeiah pawh hian miharsa zawkte dawmkan nan a hmang chho thei tur niin a lang a, hengte pah hi miharsa zawkten khawpui chhunga cheng ve a, miharsa zawk, slum area-a awmtan hamthatna kan lo chan ve theihna tur ni te pawhin a lang a, a thlamuan thlak hle in ka hria a.

A bik takin, keini District Headquarter-ah te pawh miharsa zawkte dawmkan ngai tamtak kan nei a, henge tana kawng lo in hawng tur nia langte hi a ropuiin ka hria a, chutiang anga vawiinni-ah ruahmanna siam chhoh an ni thei hi a lawmawm hle in ka hria a.

Tin, sorkar hmalakna hrim hrimah hian vawiinnia hmachhawp kallai mekte leh nikum lama hnathawhte han thlir hian vawiinnia Central sorkarina kan Chief Minister leh a thawhpuitena ruahmanna an siam beisei ai tam Central sorkar ina hetiang anga kan budget-a sum min han pe ta mai te hi a ropui ka ti a. Crore 900 leh tlem kan beisei laiin crore 1000 vel kan han nei thei hi a thlamuan thlak hle in ka hria a. Central sorkar pawh hian state dinhmun atanga han thlir a, an state sum leh pai hmandan an rawn en hian an rawn hrechiang hle a ni tih hi a langin ka hria a. Diktaka mipuite tana a nihna tur anga hmang te hi chu anmahni party lo pawh hi Central sorkarin an rawn hmangaih hi hemi an rawn hriatchianna hi ropui ka ti a. Tin, Central sorkar ina khatianga en ngam tura hna kan han thawk kha kum hlui sum te leh kum kalta zawng zawng atanga kan sum hmuh kan hman dan atanga min en atanga min pek a ni tih a chiang a. Chuvang chuan, kan sorkar hmalakn hi a tha tawk a ni tih kha Central sorkarin a pawm a, keini vawiinnia kan House pawhin kan pawm a tha in ka ring a.

Chuvangin, kan budget hi a tlangpui thu in, kei ka hmuh ve theih/thiam chinah chuan a tha thawkhat hle in ka hria a, a ropuiin ka hria a, mipuite, miharsa zawkte leh mi hnuaihngung zawkte tan pawh thlamuan thlak, a chhunga chengte tan pawha thlamuan thlak kawng hrang hrang sawi tur tamtak awmin ka hria a, chungah chuanin vawiinni-ah hian member zahawmtak takte pawh hian kan Finance changtu kan Chief Minister zahawmtak ina budget vawiina a rawn pharh hi lawmtaka kan pawmpui a, kan hmanna atana ruahmanna hrang hrang a siam te pawh hi a thenah chuan duhthawh deuhna laite pawh a awm ang a. Amaherawhchu, kan sum dinhmun atang hian ruahmanna kal chho dan tur hi chu a lang chiang a, a lawmawm thawkhat in ka hria a.

Tin, Asian Development Bank tena hundred and fifteen million dollars Central sorkar phalna-a loan min tihsak turte hi a lawmawm hle in ka hria a. Henge pawh hian nasa takin kan state harsatna hrang hrangte hi min dawmkang dawn a ni tih hi a lang chiang a. Hemi avang hian kan budget speech leh a budget han thlir hian a thlamuan thlak hle a ni. House pawhin a pawm ngei ka beisei a ni, ka lawm e.

PU ZODINTLUANGA

:

Pu Speaker, ka lawm e. Hei vawiinah 2008-2009 chhunga kan sorkarin kan ram inrelbawl dan tur te, hmachhawp a neihte leh mipuite tana hlawkna kan neih tur a

rawn chhawp chhuah kan sawiho dawn a ni a. Hetiang hun hi ram mipui ten an nghakhlal a, miretheite tan hamthatna te leh mipui nawlpui tan hlawkna a awm em tih te hi an ngaihven em em a. Mipuiten he kan budget atang hian mipuite hi kan changkang zawk ang em ? nge retheihna lamah min hnuk lut zawk dawn ? lekhathiam hna neilote tan malsawmna a awm em ? thalai infiammi ten hamthatna thar kan nei em ? tihte an ngaihven em em a. Tiang chuan Central sorkar-ah pawh budget an pharh hi chuan kuhva khawr zuar mi (pan dukan) te leh Industries lian ber ber - Ratan Tata tih te, Vijay Malia te thlengin a nghawng a, budget hian mipui hi a nghawng thin a ni.

Mahse wawiinah hian kan budget speech te kan han zir chiang a, a bute kan han bihchian hian kan ram tan vision thar emaw, achievement thar tur a awm vak lo hi pawl ka ti a. Hmanni lawkah pawh Governor Speech ah pawh kan sawi tawh a. Tah pawh khan kum hlui a ni emaw, kumthar ang pawh hian thil thar leh achievement hmuh tur awm lo hian kan sorkar hian vision a neih loh zia a tichiang hle a ni. Opposition bench a an thutlaia pawr tak taka an sawi thin Delhi drip khai ngai lovin kan awm dawn a, kan sorkar hunah chuan kan leiba te hi a thin in kan thingchhuak ang a, ba bu kan keu chhuak ang tihte kha a ngaihawm ta hle in ka hria.

Kan sorkar leiba te kan han en a, vaibelchhe sang tamtak a rawn nichho mai a. Heng atang hian kan sorkar hi financial management ah hian a that tawh loh zia a tilang chiang hle a ni. Ka la hriat reng chu 1999 Budget Session hmasa bera kan sorkar hotute an phur bawh a, khatih laia kan Minister pakhatin helaia a sawi, kan Chief Minister zahawmtakin a Central sorkar a zuk dawr dan chanchin a sawi kha ka'n quote lawk ang a, kum nga hnu-ah chuan Central hi pur che u kan tum tawhlo a ni tiin kan Chief Minister in a zuk nawr a ni tih kha he House chhungah hian a sawi a. Khang angte kha a ngaihawm ka ti a, wawiina heti khawp maia leiba kan neih te hi kan ram tan hian thil tha leh thil lawmawm a ni lova, a indawt chho dawn a, nakum maia sorkar thar lo piang tur te tan pawh hetiang khawpa leiba in hnutchhiah hi hmasawmna tur rahbi thar han siam tur pawhin hna ti thuanawptu tur a ni tih hi a chiang em em mai a ni.

Tin, Pu Speaker, kan ramah tam a tla nasa em em mai a, hei hi chu kan chiang a, Doordarshan ah te, Local TV-ah te, Chanchinbu-ah te kan hmu a, a taka bahra lai te, eitur neilote kan hmu a ni. Heng hi phat rual a ni lova, hetiang kan tam chung hian kan ramah NGO te, Kohhran te leh pawl hrang hrang ten theihtawpa hma an la a, concert te an siam a, an khawn a, mirethei, miharsa hnenah buhfai te an sem a ni. Hetih lai hian kan sorkar hian engemaw a tih ve le Pu Speaker? Heng miharsate tanpui tur hian wawiinah hian engeni ke a pe ve tawh a, tanpuina a pek tih hi zawhna lian tak a awm a ni. Sorkar atanga kan hriat awmchhun chu 'Lo thlamuang rawh u, tamin tumah in thi dawnlo ei tur neilo in in thi dawn lo' tih ani. Wawiinah kan member tamtak pawhin he House-ah ngei hian an sawi an sawi chu buhfai awmlo te, buhfai harsat zia te, leina tur awmlo te a ni.

Tin, kan budget speech-ah hian Pu Speaker, kan Finance Minister zahawmtak khanin tam chungchang hi para 46 leh 52,53 ah hian tam chungchang lam hawi deuh a rawn sawi a. Hengah te hian Pu Speaker, BAFFACOS hlawhtling in ti hle si 'BAFFACOS hi a hlawhtling a ni' ti si kha BAFFACOS lampang reng reng a rawn sawilang ta lova. Hmanni-ah kan zawhna leh chhanna-ah min hrih tawh a vaibelchhe 125 hmanral anih tawh thu te kan hria a. Amaherawhchu, vawiinah hian BAFFACOS hian hna a thawh lohzia te a hrechiangtu kan ni. Helaiah a hlawhtling tiin au dur dur mah ila, a dawngtu tur he mautam ina a tihchhiat kut hnathawktu, lonei mite hnen a thlen lohzia chu thingtlang lo nei miten an hre chiang khawp ang. Chutiang chuan he kan mautam chungchanga kan House Leader zahawmtakin budget speech a sawiah pawh BAFFACOS lam te sorkarin engtinnghe he mautam atan hian hma kan lak ang tih te ziah lan miah loh a nih. Amaherawhchu, a han sawilan det det chu nichina kan Kolasib bialtu zahawmtakin a rawn sawi NREG hi hmun hnih lai mai para 52 leh 53 ah he tam dona tur atana an ruahmanna ang an rawn sawichhuah chu National Rural Employment Gurantee Act hi a ni. Vawiinah hian Pu Speaker, inngahna tlak a ni em le?

Lunglei District ah chuan nikum chhung khan hman a ni tawh a, 'Mandatory' kan budget speech-ah pawh a inziah kha, kumkhatah ni za an inhlawh ngei ngei tur a ni. Lunglei District-ah sawn Pu Speaker, kumkhatah ni 30 chauhte an inhlawh, ni 70 hi hun hian a daih tawhlo reng reng a ni, hei hi engvangnge? Kan sorkar hian a tihtur a ti lo a ni tiru. Nichina kan member zahawmtak tena NREG tana pawisa an dah, NREG atan pawisa, a do na ang te kha tunah kha chuan lo dah ni ang sela chuan tunkum Financial year kum 2006-2007 te khan harsa lovin ni 100 kha an inhlawh tur a ni a. Chungte avang chuan Pu Speaker, kan sorkar ina he tam kan do na tur a tana hma alakna hi a beitham ka ti a, inngahna atan NREG ringawt mai kan hman hi hei hi chu tam velo state zawng zawng pawhin an hmu dawn a ni.

He NREG chungchangah hian abik takin Central sorkar a Pu Speaker, kan General Secretary Rahul Gandhi te chungah hian lawmthu Mizoram hi chuan sawi kan ba nasa in ka hria a. General Secretary anih tirh khan kan Prime Minister hnenah India ram pumah He NREG hmang ve turin an nawr a, khatiang atanga rawn chhuak kha a ni a, helai atanga rawn chhuak kha a ni a. Helai atanga kan hotute nena kn zuk nawr vang leh kan zuk tih vang nilovin, Central sorkar Congress hruaitu ten a ram pum atana tih tul an tih avanga an rawn nawr chhuah a ni a. Chuvang chuan, hei hi tam dona atan Central atanga rawn kal BAFFACOS sum tamtak kan hman ang te hi Pu Speaker, a dikin hmang selang chuan vawiinni ang te hi kan thlen a rinawm lova, vawiinni-a NERG ringawt mai kan sorkar a inngat hi chu a beidawn thlak ka ti a, a mangan thlak a, fur kan thleng chho dawn a, nichina supply chungchang te kan sawi, kan bialah te thingtlang khua kawngpui in a tlawhpawh loh anih avangin vawiinni-a buhfai thleng chu a hlen

rualin Retailer in an la chhuak zo leh ringawt mai a ni. Thlaleh lawkah to a lo haw ang a, fur a lo ni ang a, Pu Speaker, han ngaihtuah ringawt pawhin a hurphurhawm lutuk a ni. Chuvang chuan, kan hotute pawh hian vawiinni-ah hemi kawngpui tlangdung pawh hi ngaipawimawh hmasa lovin a thingtlang kilkhawr deuh te hi he tam chungchangah hian buhfai stock hmasa tur hianin hma la thei selang chuan zanah te pawh tui takin kan mu thei ve tur a ni. Kan sorkar ina he tam chungchanga hma a lakna hi a bei tham hle in ka hria a, chu chu rawn sawi tel ka duh bawk a.

Tin, a dawt lelah chuan kan Governor Speech-ah pawh alo sawi tawh loh, kan budget speech ah kan Chief Minister zahawmtakin a rawn sawi ang chu tia tlumte a thlir a kan lo thlir, thalai tena kan nghahhleleh em em, sawlai Rajiv Gandhi Sports Complex kan tih, stadium puitling kan tih vawiinni-a kan budget speech-a a rawn lang leh lo te hi a paw ka ti a, hei hi a party ang chuan Press Release an siam a, a drawing te, Party Office-ah te, a drawing te bangah tar a ni a. Pu Speaker, hetiang ang khawpa zoram mipui bumna a ni leh mai hengte hi. Vawiinni-ah hetiang ang project ropui zoram thalai leh infiammi tena an tui em em, vawiina kan budget speech-ah pawh a rawn tello hian kan sorkar hianin tih puitlin tak tak a tum lo em ni tih ah hian rinna a awm thei a. A chhan chu hmanni lawkah chanchinbu te kan lo hmu a, kan sport lama tuimi USAM kan tih, tuna Chief Minister zahawmtak, hemi chungchanga an kawmna chanchinbu a lo lang hi a dik anih ngai chuan a paw ka ti khawp mai. Kei ka lo ngaihdan chuan kan Chief Minister zahawmtak hian he stadium hi chu kan ti puitling dawn a lawm, budget speech-ah emaw, Governor Speech-ah te pawh langlo mahse hei hi chu kan tum a ni a, he building hi he sport complex hi kan ti dawn Chiang tia alo chhan ka beisei laiin USAM hruaitute hnenah chuan 'min lo sawipui ula Pi Sonia Gandhi hnenah te, Pu Man Mohan Singh te hnenah min lo sawipui rawh u. In kal mante chu kan tum ang a', a lo ti daih mai khan he sorkar ina Pu Speaker, mipuite hnenah thudik tawklo hi min hrilh thin nge? Hmanni lawkah tender an chhuah a, chanchinbu-ah te he stadium sakna tur ruahmanna an neih angte an rawn chhuah thin a. Amaherawhchu, engatinge khatianga sawipui tur chauha a lo la ngen? Khang angte khan he sorkar hian thalaite a ngaihtuah tawk lo a ni tih hi Pu Speaker, han sawi tel ve ka duh a. Thalaite tan he sorkar-ah thil thar a awm lova, thalai ina inngahna tur, beiseina tur an neih lohzia hi he kan budget bu atang hian a lang Chiang em em in ka hria a ni.

Tin, Pu Speaker, budget hian a dik loh chuan kan ram inkaihruaina economy, sorkar kalphung hi budget atanga intan anih avangin hetiang kan kal sual avangte hi a niang kan ramah sual a tam tak em em. He sorkar kum 1998 an sorkar atanga kan rama sualna pung ta em em te hi ngaihtuah chian a tul khawp mai. Mizoram ina kan la hriat ngai reng reng loh in kidnapped te, inruk bo te, tualthahna te a tam ta em em a ni. Kan naupan lai deuha sap chanchinbu kan hmuh thin Mizorama kan hmuh ve ngaihloh chumi khami chu a tualthi tihte, Mizoram-ah a lo awm ve chuan kan mangan pui em em thin a ni.

Pu Speaker, vawiinni-ah chuan tualthi, chanchinbu-ah chumi khami ruang chu chulaiah chuan chhar a ni. Hmeichhe kawr chumi ang ha, 5.3 ft. vela sang ruang chhar a ni tihte hian min barakhaih tawh lo zuk nia. Kan hmu tam ta lutuk a ni. Hei hian kan sorkar ina he ram min enkawl dan hi kan him tawklo tih hi a chiang em em a ni. Hman kum lawkah pawh Venghlui-ah, Venghlui tlangval thihna a lo thleng a, Aizawl mihlun, mi hausa Pu J. Lianchungnunga te nupa te pawh rawk an ni a, vawiinni thleng hian man chhuah a la nilo. Nikum maiah pawh Pu Speaker, he kan ram ngei-ah kan Pastor, Rev. Chanchinmawia chu a room chhungah, ama quarter-ah thi-a chhar a ni tlat mai a ni. A hliam tawh dante kan en chuan mahni intihlum thei chi pawh a nilo. Mahse, kan sorkar chuan an han chhui tak tak a, mahni intihlum-ah kan chhuah tlat mai a ni. Khami chungchanga chanchinbu-a lo langte kan en chuan Police ina a drawing an rawn tihchhuah te kha a letling zawnga an rawn tihchhuahte a lo ni a. Khang angte khan engtingge maw kan han chhuichhuah ang le? Pu Speaker, a lem an ziahte pawh a dik theilo anih chuan khatiang ang kha vawiinni-ah Pu Speaker, kan ramah hian a awm a, chung chuan kan budgeting leh kan sorkar ina hetiang inkaihhraina a that loh chuan miretheite thleng phak budget anih loh chuan harsa atangin suahsualah kan pun lun a, chungte avang chuan Pu Speaker, vawiinni-ah pawh kan rama crime rate a tla hniam kan tih lai a pawngsual te, inthahna te, homicide pung nasa ta em em hi he kan budget that thin loh vang hi a ni a, budget tha ni selang chuan a nawlpui, a te ber atang a lian ber thleng kan hlim a, kan lawm chuan heng sualnate hi a tlahniam ang tih hi ka ring a ni, Pu Speaker, ka lawm e.

S P E A K E R

: Le, chawhma hun kan hmang zo tluk a ni ta a, kan chawl rih ang a, chawhnu dar 2:00 PM -ah kan thukhawm leh dawn nia.

2:00 PM

DEPUTY SPEAKER

: Kan budget General Discussion kan chhonzawm leh ang a, tunge bul han tan ve leh ang? Awle, Pu F. Lal Thanzuala. Quarum kan la tling rih lo tlat mai, kan lo enchiang lo deuh a.

PU F. LAL THANZUALA

: Ka thu rih mai dawn em ni?

DEPUTY SPEAKER : Aw, thu rih mai rawh. Han inkoh luh belh lawk mai rawh u, a nguai awm deuh bawk a ni. Le, Pu F. Lal Thanzuala ilo ko leh ang.

PU F. LAL THANZUALA : Pu Deputy Speaker, budget hi kan Finance Minister in a rawn put luh kan sawihohi a ropuiin a tha hle in ka hria a. A engemaw te te nilovin a tlangpuii engemaw a pawimawh ka tih lai han sawi ka duh a.

Hemi kan budget kal hmangah hian kan sorkar hian engnge ni kan state tana tih a tum? Mirethei a ngaihsak dan te, sorkar hnathawk a ngaihsak dan te, khatianga a pumpui han thlir khanin a tha hle in ka hria a. A kawng tinrengah goal ropui tak mai tih hlawhtlin kan tum danah chuan. Kan ngaihndan te, kan tih duh dante a inang lo hle ang, keia ngaihah chuan a goal hi han tha phawt mai sela, a pawimawhin ka hria a. Hmanlai Communist hunlaia Arm Searching an tih ang deuh hlek khanin a goal hi a that phawt chuanin a tih dan lam hi chu tlema fello deuh emaw, chaklo deuh emaw pawh a awmin siam that chhoh theih zel a ni a. Min goal pui a tumna hi a tha in ka hre em em mai a.

Helai, No. 46 na-ah hian Agriculture emaw, Allied Rural Development with particular Emphasis and Self-sufficiency in food production, employment generation and poverty eradiction and priorities of Annual Plan 2008-2009 tih hi a awm kulh mai a. Helai ah hianin Poverty eradiction tih hian ka rilru hi a la lehzual a, kan ram hi kan rethei a, kan retheih ai hian kan hlim a, mihlim thei hnam, nui tam hnam te pawh kan ni a, ka la hriat rengah chuan 1969 velah khan Kerala atangin B.Sc pakhat hi Hnahthial High School -ah a rawn thawk ve a, Mizoram alo chuan chhuah a mak ka tih ber mai chu mi an hlim em em mai hi a mak hi a ti em em mai a. an nui a 'hetiang hnam hi ka hmu ngai lo e' a ti hial a. Hetianga mi hlim thei kan nih avang hian kan retheihna te changkang tawh zawkte kan phak lohna hi lungkham pha lo hi tamtak hi kan awm a ni. Amaherawhchu, chung zawng zawng chu kan khaichhuah a, kan dawm kan kha an ngai vek si a. Heta priority pawimawh tak maia poverty eradiction a chuang kulh mai hi lawmawm ka ti hle a ni. Chu retheihna tihbo na atana thil eng engemaw kan han tih chu mithenkhat tan chuan kan khawp khamlo deuh te pawh a ni mahna, thenkhatin tun dinhmun ah chuan a tawk e, hei aia nasa hi tih theih a awm chuang em ni? an tih lai khan thenkhat chuan beitham hle pawh kan ti a ni ang.

Amaherawhchu, kan budget target hi a dik a ni, poverty eradiction retheihna tihbona atan he budget hi duan a lo ni a. Kan ramah zokhua-ah te kan kal chuan hei mautam tam alo thleng a, a tam kum tak tak pawh a lo thlen hma-a retheihna in min han tihbuai nghal mai te kan nasa em em a, chumai

bakah sorkar pawhin retheite chawikanna tur atan scheme tamtak a siamte pawh thingtlang mi tamtakin kan pawh phak loh leh a thlarau kan zu chan phak loh avangin leh sorkar hnathawk lamah pawh harsatna tamtak awm theih vangte pawh a ni baw k ang a, thil tamtak kha hlawhtling lova zam ral hi a tam hle a ni.

Keima bial ngeite pawh kan ngaihtuah thin a, buh chin a hlawk lova, hlo thlawh a hlawk si lova, serthlum chinte pawh han sawi ila, an khua-ah te pawh lo tha viau mahsela tih tum tak tak hi rin aiin a vang khawp a, 'sorkar in min tanpui loh te chuan' an ti tlat zel a ni. Chumi hnu-ah grape phunte kan phurpui leh a, a thlawh ten grape kung phun turte kan pe a, mahse ti tak tak tura riru pu chu tlemte kan ni leh a. Tin, hmunphiah huan neih hi a tha em em a ni tihte kan sawi leh a, chu pawh chu tih tum an vang khawp mai.

Tunah hian poverty eradiction tih kawngah pawh hian ka rilrua lo awm chu a zia kah leh kan budget-ah a thlawna pawisa pek tur tih awmlo, mahse pawimawh tak chu rilru lama inhneh (convince) hi a ni a. Thil tha pawh inkawhmuh mah ila, mitam tak chu puan ven pawh sawi chhing duh chuanlo hi kan tam em em a ni. Engpawh nisela, kan budget-in retheihna um bona kawnga pawimawh liantak mai a han nei hi a lawmawm tak meuh meuh a. Tin, kan member thenkhat hian kan lekhathiam kal chho zel tana hna a awm loh ziate kan sawi thin a, mahse Mizoram sorkarah hian hna hi an la tam thin khawp mai. Hemi Police lam tih lohah pawh Officer hna emaw, Officer hna lo lam emaw pawh tam tak hi Department hrang hrangah hian lak chhoh reng a ni a. Chu pawh chu employment generation, thla tina hlawh nei chi tante pawh leh chutiang ni lem lova employment atan te pawh tinzawn tha tak a nei hi thil lawmawm tak a niin ka hria a, chuang chuan kan budget-ah hian kan Finance Minister leh kan Chief Minister ni baw k rilru leh ram kaihruai tum dan hi a tha niin ka hria.

Tin, pahnihna atana ka han sawi leh duh chu kawng chungchang hi priority ah hian a rawn sawi leh a, kawng pawimawhzia hi chu kan hre theuh a. Tunah hianin sorkar pawisa chi hrang hrangin theihtawpin kawng kan han lai ta a, chumi chuan hmasawna ropui tak a thlen a. Kawng tha zawk nei tura beih leh zelna tur tana programme te pawh kan hmu a, a lawmawm e. A bikin kan bial context-ah te pawh a hma-a bial fang tura MLA bial dang 2/3 kaltlang ngai thin kha tunah chuan motorin kan kal vaw k vaw k thei tawhte hi a lawmawm takzet a. Chutiingin chhimlam atanga sum leh pai dehchhuahna tur lo luh theihna kawng kan han pen chho zel turte hi keini chhimlama awm, sum luhna a awm nivelu tan chuan thil ropui tak a ni a. Lawmthu sawina tur tam hle in ka hria.

Medical Re-imburement mipui timai ila sorkar hnathawk ve lo tena an hman theih tur an han buatsaih chho te hi mumang ang mai niin ka hria a. Kei ka mawl baw k a, a awm thei ang tih ka lo ngaihtuah ngai lova, thingtlang ami pawhin damdawiina awmna insenso refer case eng engemaw te pawh pawisate pawh an lo hmu let ve thei zel a, a ropui em em mai a. He kan budget hi mirethei te tinzawn budget tia koh loh theih hi a ni lo a ni.

Tin, Mautam chungchangah tiang hian a inziak a, a thlamuan thlak hle a. "The Govt. will always ensure that enough foodgrains are available to the people. At the same time it will also ensure that purchasing power is created to enable the people to have excess stock of foodgrain" an ti hi a thlamuanthlak ngawt mai. A supply Deptt. lamte pawh an tang a. Hotute an phek tan a. Tunah pawh buhfai nasa taka chhek ania. Mahse, kawng hla tak taka kal aihte hi chuan. A khaihlak laite pawh hi lo awm lo thei ani lova.

Chuvangin vawiin te pawh khan kan tunlai rilru hi a mak a. Ka bial ngei Cherhlun atangin Aizawl an lokal tih thawmte kan hria a, a detail ka hre chiah lova. Mahse kan ram rilru ni taa hi rethei nihte hi retheihna thumal a hi hmanrua a hman tumnate pawisa awlsam zawn tumna hmanruaa hmante hi a lo ni ve zel mai a. A pawh hle a, engpawhnisela, helaiah hetiang Mautam tam do let tur leh mipuite hnenah ei khawp mangang lova awm tir tumna a awm hi a lawmawm hle. BAFFACOS inhlawhfakna tih hi sawi hi a hlawh viau va mi thenkhat khan inhlawhna a awm loh zia leh a hotute chu mipuite kan ni te kan han ti mai a.

Mahse, kan bial lamah chuan BAFFACOS inhlawhna hi a tam mai a. Nikum hmasa ai khan a awm daih tawh a. Khatianga Deppt. Hrang hrang thil hrang hrang inbuatsaihna tam do tura inbuatsaihna te tih hnuah mautam tak tak a lo thlen tak a Deptt. atanga pawisa lo pek te pawh hmuhkir a lo ni a DC tin hnenah pawisa tamtak pek anih hnuah khan inhlawhfakna a awm ta chum chum ani khangte kha kan hre phal ta lo nge ni a awm chiang em em tunlai ah te BAFFACOS hi kan hre sual anih chu a rinawm lova kan duh vang reng a kan sawi nge ni ani lo thleng hian kan sawi thin hi chu a pawh deuh hlek hian ka hria a.

Tin, ka'n sawi leh duh chu Minor Irrigation Deptt. puitlinga siam a hmalakna hi a ropui hle in pawimawh ka ti hle a. Tah hian a inziak dan ah hian "Will provide necessary fund to enable functioning of the Deptt." a ti tawp a, kan ram chu tiang ram anih avangin engpawh hi ti dawn ila tui kan mamawh ani. Huan pawh siam dawn ila. Leilet pawh siam dawn ila tui kan mamawh a. Kan ram chu monsoon ram a ni a fur ah tui tam tak a lo sur a amaerawhchu thal ah a lo ro leh em em si a. Minor irrigation hmanga tui a lak a lak emaw a khawl chi pawh a hnam thei ang a khatiang anga tui nena tanna tur programme lianpui mai a han siam hi a ropui in a tangkai khawp ang. Kan khawvel chu a lum telh telh tih kan hria tur te pawh hi a kang deuh deuh zel e tih ani a, chuvang chuan a lo tla lian dawn khawl a nih loh leh kawr ami te han khawl mai Deptt. peng pakhat mia nilova Deppt. pangngaia han siam a necessary fund te pawh pek tum anih thu han ziak te hi kan budget thatna lantirtu ani in ka hria a, a lawmawm a.

Tin, kan budget ah hianin khatiang angin mipui vantlang tana thil tha tamtak tihlan anih lai khan sorkar hnathawk tan pawh hei loan pung tlem 5.5 % leh a pung a motor an han lei theihna tur te pawh special takin a lo siam a kan sorkar hian in sorkar hnathawk te hi a duat hle a. a thei anih phawt hi chuan an hlawh te pawh hi tih pun zel hi a duh ni hian a lang a, a ropui hle mai. Mi zawng zawng huapzo a lo ni tak zet zet in ka hria a ni.

Tin, a tawpna atana kan sawi duh leh chu public sector chungchang thu ah hian ngaihtuahna fim tak hmanna a rawn tarlang a. Corporation tamtak hi thawh chhuah a intodelhna nei lemlo a sorkar pawisa ring ve tawp mai, din anih anga puiting lo hi an awm a hengte pawh uluk zawka en hi a tul tak meuh meuh a, a huaisen thlak pawh ka ti a, " the situation calls for introspection a ti hial ani. Han en a chhonzawm zel tlak te engnge ni, chhonzawm tlak tawh loh te engnge ni tih uluk taka en hi a ngai tak tak a. Amaherawhchu hetiang mipui hlawh ve thin thil ah hian heti zawnga hma han lak hi mi tam tak tan harsatna a awm thei thin. Amaherawhchu, tangkai si lo ti mai ta ila hlep nei chuang si lova kal a rit sak ringawt ni mai te an lo awm anih chuan for winding up of unite te pawh kha han tih tawp emaw khati zawnga han kalpui tumna rilru uluk taka ngaihtuah a huaisen na rilru lan tir a ni hi a lawmawm hle in ka hre bawk a.

Tichuan a tlangpui in kan Budget ah hian thil tha Sorkar hnathawk te tan pawh mipui vantlang leh mi mawl zawk te tan pawh mitin reng te tan a thil tha, mautam kan hman mek kan tawrh mek laia tan pawh a thlamuan thlak budget niin ka hria a lawmawm hle a ni. Ka lawm e.

H.VANLALTHALIANA : Pu Deputy Speaker, ka lawm e, hei 2008-2009 Budget discussion hun kan lo hmang chho a ni a. Sorkar in a Mizoram mipuite tana Sorkar chakna hmanga rawngabawl dan kan Sorkar hian engti angin nge mipui rawng bawl ila tha kan tih inthlanna atangin theih tawp kan chhuah hlawm a. Sorkarna kan chan atangin ruahman na kan nei thin a chutiang chuan ka hm a sawi tu in a sawi dan khan duh dan leh ruahman duh dan leh hma kan lak duh dan a in ang lo nuai in ka ring a. Kei ka thlirna ah chuan tuna kan Budget hi Mizoram mipui mamawh dik tak Mizoram hmasawn zelna tur atana tul hmasa te ngaihtuahna niin kan hria a, mihring rilru a in chen lo angin duh dan a in ang lo angin ruahman dan/kalpui dan tam tak a in ang lo ang a, ngaih pawimawh hma sak pawh a in an loh ka ring. Chutiang chuan hun kal tawh ah kan Sorkar kan neih tawh zawng zawng ah a lang thin in ka hria, thenkhat in ei leh bar kan harsat lai a nih chuan khami ringawt ngaihtuah a a thil dang infrastructure ngai pawimawh lova kal pui mai a awl em em thin a. Wawiin ni a kan Chief Minister zahawm takin Mizoram leilung awm dan leh ram tlak dan te en a ruahmanna a neih hi Mizoram tan chuan hei bak hi a kal thei dawn em ni le tih ka riru -ah a lang a.

Kan ram tlangram hi a chhengchhe em em a, sik leh sa awmdan pawh a danglam a, India ram hmundang zawng zawng aini, chutiang dinhmuna kan awmlai chuan engge Mizoram development atan tul leh pawimawh hmasa niang tih ka rilru a ka inzawh ka duh em em thin chu kalkawng a ngaipawimawh, priority list-a a telh ziah hi a ni. Ram zimte kan nichung hian inkalpawhna kan nei chhe em em a, kalkawng kan nei tha lo a, chu chuan development kawng zawng zawng hi a dang niin ka hre thin a, hemi kawnga Mizoram sorkar hmalakna hi Aizawl khawpui pawnlama awm zawng zawng hi chuan tha kan tih ka ring a ni. Kalkawng a thatloh chuan harsatna dang zawng zawng hi beih let theih a ni thin lova. Hei, tunah MNF Ministry 1998-a a din atanga vawiinni thlenga chhut hian thingtlang kilkhawr in 150 bawr awmna chu motor luh theih loh tawpna a awm lovang tih theih khawpa motor kawng an ngai pawimawh hi tha in ka hria. Duh angin la puitling thei rih lo mahse hei hi ngaipawimawh in, nasa takin chhonzawm a, kawngpui tha tak tak leh thingtlang khaw pawimawh deuh motor in a pawh tur zawng zawng pawh theih loh zawng zawng pawh thei tur khawpa budget-a a han tel hi a ropui ka ti a ni.

Hei, kumin hi mautam tam kum a ni a, ka bial leh Chawngte bial aia harsa, rethei leh tam hi an awm ka ring lova. Chutiang dinhmun harsa taka kan awmlai pawh chuan kalkawngin engemaw chen min pawh avangin theihtawpin mipui kan tanpui thei a, tam mangang ber tura ka ngaih hi kan phunnawi pawh Pathian leh sorkar zarah a ziaawm a ni. Motor luh theih lohna khua hi ka bialah hian khaw lian lo te te 17 vel a awm a, chutiang chung chuan buhfai eitur neilo te pawh chawhma an kal a, buhfai pek theih vek ang a, sorkar hmalakna motor kawngpui chungchanga a lo awm ta hi hmasawna ropui tak, budget pawimawh tak, Mizoram mamawh puhru tak niin ka hria a, a lawmawm ka ti a. Chu chauh chu nilovin, Rural Connectivity thingtlang khaw lian deuh motor kawngin a pawh chauh nilovin, kan kawng tlangpui Aizawl-Serchhip-Lunglei leh Aizawl-Saitual-Champhai te, Aizawl-Kawlkulh-Ngopa tih ang chi hmun tinrengah englai mai pawh, a fur a thala tlan theihna a tam ta em em mai hian Mizoram sorkar hian hmasawna tura ruahmanna a neih hi a hlawhtlingin a ti tha a ni, tih hi a tarlangin ka hria a.

Hmanni-a ka sawi tak zawk ang khan, Aizawl to Thenzawl to Lunglei tunhma-a kan kawngpui dung, tuna World Bank Projcet-a kalta te pawh hi ka han tlawh a, a lawmawm ka ti a, chhimlam tan chuan hmasawna ropui lutuk, Aizawl leh Lunglei inkar darkar 7/8 thang thin kha darkar 5 ah a tla thei dawn ta hi, hengte hian min ti hlim em em a. Mizoram sorkar hmalakna hian Mizoram development diktak a kawc niin ka hria a, a lawmawm ka ti a. Hetiang zela a kal chuan kum 5 dang a kal leh chuan thingtlang khaw lian deuh in 70/80 awmna chu motor kawngin a pawh vek theih chuan kan economy dinhmun insiam tha chho tura kan ram nen, huanthlai te nena tan la thei tak tak tur hian awmzia a neih chhoh theih tawh ka beisei a, chutiang hawia budget kan nei hi a lawmawm ka ti a, ka sawilang duh a ni.

Tin, a dawtah chuan Social Services, School Education-ah te, Education Department te pawh dem an hlawh lek lekin ka hria a. Mahni Staff te hlawh tur zat pawh hre theilo ti hiala committee nikhua

pawhin sawi an ni thin in ka hria a. Education Department a 10 crore zet maia an budget a lo pung ta hi a lawmawm ka ti a. Thingtlang naupang zirlaite tan hei hian awmzia a neih ka ring a, ziritirtute tan leh a Department te tan pawh a phurawm hle in ka hria a. Mipui thleng phak sorkar project a tlingin ka hria a. a lawmawm ka ti a ni.

Tin, Higher and Technical Education hi 5 crore a alo pungte hian Education leh infrastructure lamte pawhin hma an sawn phah ka ring a, tha ka ti em em a ni.

Tin, a dawt leha ropui ka tih leh em em chu, Health Care hi a ni. Sorkar hnathawk ve lo ten damloh nikhua-a damdawi ina kan inenkawl theihna tur ruahmanna lo chhuak te hi a ropui ka ti a. Politic zawng leh Politic lo zawnga ngaihtuah pawhin he thil hi chu a ropui ka ti a. Party tin, Mizoram mipui tinreng hian lawmawm kan tih ka ring a ni. Hetiang ngaihtuah chhuak thiam Chief Minister kan nei hi a ropui ka ti a, englai maha rilru pawha kan suangtuah ngam loh hetiang ang thil tha a lo hlawhtling ta hi a ropui ka ti a, hetiang avang ringawt pawh hian support tlak a niin ka hria a ni, tih hi ka rilruah a awm a. Kan member te pawh hian hetiang ang ngaihtuahna hi an neih ka ring a ni. A hminga MLA han nih ve chuan damlo te, mi mangang tak tak ten minrawn pan ve rengg a, chutianga chuan tanpui kan duh em em, kan puih hleihtheih si loh natna khirh tak tak tuarte an lo tam a, chutianga ho dinhmun ka ngaihtuah chuan lawmawm ka ti a ni. Ka hnung kar khan cancer avanga boral mi 3 ka thawn haw a, pakhat chu a thi chiah lova, kalkawngah a boral a, chutianga te ka ngaihtuah chuan an manganzia te, damdawi in-ah an han awm a, an chhungkaw dinhmun te an han ngaihtuah a, pawisa puk tur hre miah lova kan neilo tih hre chungang mangang taka min han hrilh a, kan pawh theih loh dan te ka ngaihtuah a, he scheme ka hrilh hian an hlim in ka hria a, an lawmin ka hria a, chutianga ka ngaihtuah chuan hei hi a Mizo e, mipui hian hemi avang ngawt pawh hian tawiawm nisela, tawiawmna tlak ni hian ka hria a, lawmawm ka ti a, ka'n tarlang tel duh a.

Tin, a dawt lehah chuan thalaite hmakhua ngaihna chungchangah hian he sorkar hian hma a la tha hle in ka hria a, Youth Commission, National Level-ah chuan awmin ka hria a, ka hriatsual loh chuan India ram khawi state mah hian Youth Commission hi ruahman chhin leh din tumna chhin hi awmin ka hre lova, Mizoram thalaite kan vannei a, kan hriatna te a chak a, kan harhvang a, hnamdang tihdan hi kan copy zung zung thei a, kan ti a. Hei hi Pathian malsawmna kan dawn, kan intelligent vang niin ka hria a. Chutianga kawnga thalaite tuihalna, infiamna emaw, eizawmna kawng hrang hrang emaw, hmasawmna kawng dang dang umpha thei tura thalaite hamthatna Youth Commission ruahmanna lo awm chho hi a lawmawm ka ti a. Vawikhatah hian fel tak leh thatak hian a ti purh lovang, amaherawhchu, bul kan tan chuan a tha zawk, a tangkai zawk, a hlawk zawk alo chhuah chhoh hi kei ka ring a. Hetianga thil tha, thalaite hmakhua ngaia ruahmanna lo awm chho hi a ropui ka ti em em a ni.

Ka sawi tak ang khan mi zawng zawng thleng phak sorkar kan nei niin ka hria a. Health Care chungchangah te, Youth Commission chungchangah te, kalkawngpui chungchangah hian Mizoram sorkar hmalakna hi a ropui ka ti a, tha ka ti a, heng bak hi Mizoramin kan tun dinhmunah hian thlen theih a ni dawn em ni le? Khawimaw lai a implementation-ah duhthusamlo laite chu a awm teh meuh ang, a chhan chu hetiang ruahmanna tha leh tum nei rana Mizoram chawikan tum sorkar kan nei hi a lawmawm ka tiin kan budget hi chhuanawm ka ti a ni.

Ka point dang leh ka'n sawitel duh chu Mautam tam a ni a. Hei, kan tuar a, kan mangang hle a, a dik ber te pawh hriat hleihtheih lovin, eng hi nge dik zawk a, a eng hi nge diklo zawk ti a mipui chiaina pawh a awm niin ka hria a. Helaiia sorkar hmalakna hi ka hriatphak chinah hian heti bak chuan sorkar tan inbuatsaih ngaihna a awm dawn em ni le tih ka rilruah a awm a. Mizoram sorkar in mautam tam kan tawrh nat zia, mautam tam tuarlo pawha kan thu hmasa lama ka sawi tawh angin ka bialte chu kum chanve ei tharlo a tam zawk kan ni a, chutiang dinhmuna kan dinlaia mautam tam lo chhuakah hian sorkarin ruahmanna a nei hi lawmawm ka ti a, emergency famine committee din in, party zawng zawng, Legislature party zawng zawng telin, NGO te telin phungbawm a sawm a, chutah District Level ah, tichuan Village Level-ah, Village Level ami ten khawchhunga Tam Committee tena an khawchhunga eitur neilo, wawiin tlai chhum tur neilo, naktuka chhum tur neilo maite dinhmun hria a, an zir theihna turin tan a la a, chunga an khawchhung ami ten eitur an lo neihloh chuan kha Tam Committee khan BDO- ah, Supply Department hotute hnenah emaw, tam, eitur neilo te leh an chungkaw member zat te hrilh a, buhfai a ba-a an eitheihna tura ruahmanna awm hi a thlamuan thlakin ka hria. Lehlamah chuan a thlawnin eitur pe rawh se tihna a tam em em thinin ka hria a.

Kan ram thanmawh bawp pakhat chu a thlawna thil dawn, a thlawna thil kan in pe lutuk thin hi a ni. Mahse pawisa an nei thei lova, an thawk chhuak thiam bawp lova, chaw ei lovin an awm thei bik bawp si lova, chutihlai taka sorkarin ruahmanna a nei hi a tha in ka hria a. Buhfai chu wawiinni-ah pawisa an neihloh pawhin an la chhuak thei ang a, an eizat, an lak zat kha kudam-ah Storekeeper ten uluk takin an lo chhinchhiah ang a, Tam Committee in an report ang khan an pek chhuah ang ang kha, kha a eitute khan sorkarin inhlawhna tur a ngaihtuhsak ang a, chumi atang chuan an rul leh ang tih hi kan moral pawha reform telin ka hria a, a lawmawm pawh ka ti a ni.

Hetianga a kal chuan tun mautam tam hi sorkar ruahmanna leh Central atanga ruahmanna thatak mai NREG lokal chho nen hian mualpho lovin, mangang lutuk lo hian kan tuar khawchhuah theih ka beisei tlat a ni. NREG a pawisa, tuna kan budget pawha lo lang, vaibelchhe 20 a dah chuan nuai 200 NREG ringawtah hian inhlawhna kan nei thei dawn a, chuti a nih chuan kan hman tawh zat chhut hian ni 100 mandatory anih rualin ni 100 chuang pawh lo thawk dawn ta sela awlsam takin harsa zual chuan kumkhata ni 200 chuang pawh thawk thei tur khawpin sorkarin ruahmanna a nei a. Mautam tam atana sorkar ruahmanna leh inbuatsaihna hi a tha hle in ka hria a ni.

Tin, MLA LAD Fund hi chu MLA zawng zawng hian tha kan ti a, a hman pawh kan hmang tha a ni. Tuipang, Saiha, Lawngtlai, Chawngte, Sangau hi District Council nena in pawlh deuh kan nih ayangin duhthusam zana implement loh deuh laite chu a awmin ka ring a. Hei hi Lunglei leh Aizawl-ah te chuan a tha em em a ni. Hemi atan nikum aia GPC recommend ang a nuai 15 ni thin nuai 20 a alo pung chho te pawh hi MLA zawng zawng te bakah bial mipuite Opposition emaw, Ruling emaw intliarna awm miah lova development kal theihna kawng hei hian a hawng bawka, mipuite pawh kan lawm tlan ka ring. Tualchhung mamawhna diktak kan hriat theih chuan nasa takin development khawchhung mamawh min phuhruk thei dawn a, lawmawm ka ti em em a ni. Chuvangin, kan budget hi a tha thawkhat hle in ka hria a, heti bak hi chuan Mizoram budget hi a kal thei dawn a ni tih hi ka rilru-ah a awm a ni.

Ka point tawp bera ka'n sawi duh chu Public Sector Undertaking ho hi a hmingin Mizoram sorkar duhsak na in ZENICS ah Chairman ka ni a, kan problem te te ka ngaihtuah hian a chang chuan Mizoram sorkar hian khar mai sela tih hi ka ngaihtuah fo thin a, mipui tana a that zawkna beiseiin, sorkarin a thuam tha tawk viauin ka hria a, lehlamah chuan kan ram dinhmun ena kan zawh tawk loh lai tamtak awmin PSU ah hian awmin ka hria a, hemi hawi zawnga ruahmanna nei thar tura kan budget alo lang hi lawmawm ka ti a. A tul anih chuan a tangkailo leh mipui phur tirit zawk anih chuan nuai tawp a, a thawka te an service mila Department a sengluh mai dan a awm ka ring a, chutianga ruahman mai chu a tha in ka hria. Tin, a thawk theite chu tichangtlungin, ti lian chho mai sela a tha in ka hria a, chutianga tura ruahmanna lo lang chho hi a tha in ka hria a, Pu Deputy Speaker, a laklawh hle na in ka titawp mai ang e, ka lawm e.

PU SAILOTHANGA SAILO : Pu Deputy Speaker, state budget hi sorkar in kum khat chhunga sum dinhmun a bithliahna leh Ministry in ruahmanna chi hrang hrang a tarlanna bul ber anih avangin a pawimawh em em a. State changkang zawkah te chuan ngaihven a hlawh hle thin a ni. Tichuan, 2008-2009 budget hi zoram mipuite tan budget tha a ni nge nilo hetiang hian han sawi dawn ila.

A hmasa berah chuan ram rohlu siamna tur lam infrastructure a hawi lova, kawlpheha hralh chhuah tham siamna tur a lang lova, inkalpawhna kalkawng lei leh siamthat thu a lang tlem hle bawka. Damdawi In tam zawk, hriselna in ngaih pawimawh a hlawh teh vak lo bawka. Education ngaih pawimawhna a chau hle a, ei leh bara intodelh tumna tak tak a awm lo bawka, loneitu leh kuthna thawktute phurrit chhawk zangkhaina tura budget siam niin ka hre lo bawka, mirethei te chawikanna tur atana budget siam a ni lovin ka hre bawka. Tin, thalaithe harsatna leh a sutkian dan tur atana budget siam niin kan hre lo bawka. Hmeichhia te hamthatna tur atana budget siam a niin a langlo bawka. Sumdawng, thil siamtube hamthatna tur lam a kawlo bawka, mipuite hnenah chhiah lak tih tlem sawi a awm lo bawka. MNF Manifesto tihlawhtlinna tura budget siam niin a langlo bawka.

Mipui mimir tana hamthatna tur lam a hawilo bawka. Mautam tam kum a ni tih hre reng si a thingtlang mi, loneitute engemawti chhung atana buhfai a ba-a eitur emaw, a thlawna pek tur emaw kan budget-ah a lang lo hi thingtlang mipuite an hrilhhain an beidawng hle in ka ring a.

Tin, BAFFACOS pawisa in nasataka tihchingpen tawh hi pawngpaw sawi mam ngawt chi a ni hauh lova, sorkar hi mipuiin kan thiam tawh lo che u a ni. Inflammite thlawhkhumtu budget, Sports Association hrang hrangte lungawi lohna budget a ni.

Tin, Agriculture priority pek anga lang hi kei chuan ka awih lo tlat. A chhan chu pipe bundle khat pawh dil chhuah tur ka hre lo.

Tin, Public Sector leh Private Sector chungchangah sawitur kan la nei tlem hle a. Tichuan, Pu Deputy Speaker, heng kan han sawi tak te hian ngaih pawimawh a hlawh lo hle nia ka hriat avangin he budget hi keima mimalah chuan budget tha-ah ka pawm thei lova. Tichuan, kan state dinhmun, economic status in hma a sawn tlem hle a, Revenue Resources atan asset siam tumna a awm lova, expenditure te hian mipui a huapzo lo hle a, economic development lam a hawi meuh lo bawka, hmuh zawng zawng hmanral leh ve, chuvangin budget deficit hi kan nei reng dawn, surprise budget neih hun tur chu a la hla hle turah kan ngai a. Ram kan hmangaih tak tak hunah erawh chuan kan neih theih ka ring. Leiba budget anih hi pawmtlang ila, tun hi Pu Deputy Speaker, kan tanruah hun a nih ka ring. State on resources budget a tamtak a lan theih hun a nghahhlelhwam hle in ka hria.

Tin, ei leh bara intodelhna lam a hawi tlem hle, Social Reforms ngaih pawimwh em em tur pawh hi sawilan a nilo bawka, Pu Deputy Speaker, state in revenue resources tha kan nei si lova, kan sum hman leh mamawh hi titem thei zawngin ngaihtuahna hmang ila, tan ila tlang ang u. Tichuan, he sorkar hi tunah chuan leiba tamtak neiin a kal mai mai a ni. Revenue tlem si, expenditure sang bawka si hi a buaithlak hle a ni.

Tichuan, Pu Deputy Speaker, kum sawm chhunga sorkar leiba rulhna hi a tam tham hle mai a, cheng vaibelchhe sangli zahnih sawmkua pakhat, maktaduai 97, singkhat leh sang hnih lai a tling phak a. Tin, heng bakah hian Non-plan bikah harsatna kan tawh phah reng a, Annual Plan ruala kan loan lak tlingkhawm ringawt pawh hi belhkhawmin kum 10 chhungin crore 594.74 lai a tling hman a. Kan budget aia tam ba rulh ngaih chang a awm bawka. Nikum leh kumina ba rulh nana kan hman tur ringawt pawh hi belhkhawmin cheng vaibelchhe 806, maktaduai 30 leh sing 5 lai a tling phak hial nghe nghe a. Tichuan, kan plan fund diktak nia ka hriat kum 10 chhunga chawruah hian kumtin crore 538.52 ang vel a ni. Hei hi tlem ka sawibelh duh chu kumin hian crore 1000 angin a lang a, amaherawhchu, heta tang hian crore 34 pah chuan crore 966 chauh a ni. Chutiang

bawkin nikumah crore 850 lang kha crore 34 kan pah chuan crore 816 chauh a ni. Helaiiah hian kan plan chhungah loan tamtak lak belh a ni thin bawk tih ka'n han sawitel duh a.

Tichuan, Pu Deputy Speaker, Central in Grant-in-aid hmu tam silova leibat chhiar tel a, annual plan pung ta vak vak ang hrima kan sawi thin hi mipui bumna mai niin ka hria. Kumtinin Financial Institution hrang hrang atangin loan vaibelchhe tel kan la ziah a, a interest lah chu a sang hle hlawm si a. Ba rulh senloh tur kan hnutchhiah ni berin a lang. Heng a chunga leibat kan han tarlan takte hi a la kimlo em em a, a chhan chu annual plan atan chauha pawisa puk tarlan ka'n duh vang chauh a ni. Financial Institution hrang hrangah pawh thahnem tawk tak puk a ni bawk. Hetiang khawpa tam leiba kan neih avangin kumtina kan leiba rulhna ringawt pawh hi a tam tham thin hle a. Heng leiba te hi state leiba a ni a, zoram mipui zawng zawng leibat a ni. Tupawh lo sorkar se heng kan leibat zawng zawng hi non-plan atang veka rulh tur a ni si a, hengte avang hian Mizoram hmasawna tur pawh nasa takin a ti thuanawp a ni. Heng kan leiba zawng zawng hi RDI leh AG te khuan an chhinchhiah thlap a, engti kawng pawhin a hun tak-ah rulh ngei ngei tur a ni. Hetiang renga kan kal zel chuan kan ram rohlu, thing leh mau leh a dangte kan la chan vek ang tih hi a hlauhawm hle in ka hria.

Tichuan Pu Deputy Speaker, sorkar hnathawk ban hun te alo la thleng thei, hlawh lak tur neihloh hun pawh alo la awm thei a ni. Tun ang renga kan kal zel chuan hmasawna sawi tur awm silovin kan leibat atam avangin kan la mualpho ngeiin ka ring.

Finance Commission in pawisa tam tham tak min pek chinte leh keimahni ram chhunga chhiah chi hrang hrang kan khawn khawmte hi kan leiba rulh nan cheng vaibelchhe tel Central-ah rulh a ngai thin si a, sorkar hnathawk tan cheng vaibelchhe tel hmanral a ngai bawk thin si a, heng a hnuaiia kan han tarlan te atan hian pawisa hman tur a awm ta lo thin a ni. Aizawl khawpui kalkawng hmun hrang hranga kalkawng siam thatna tur te, Kawnpui-Hortoki kalkawng siamthatna tur te, Kawnpui bial hrang hrang kalkawng siamthatna tur te, khawchhunga Electric ban leh a hrui kalkawng siamthatna tur te, sorkar building hrang hrang siamthatna tur te, khawchhung tui pipe line chhia leh tanky chhia siamna tur te, tuikhur repair na tur te, school building repair na tur te, fehkawng laih leh repair na tur atan te hian pawisa a awm ta thin lo a ni.

Pu Deputy Speaker, kan leiba hi atam em em a, tichuan leiba ti tlem thei zawng hian tan kan lak a ngaih ka ring a, tichuan non-plan sum leiba rulh nan kan hman zel avang hian hmasawna nasa takin a ti thuanawp phah ta a ni.

Kan plan fund CSS te hmuh tam dan ngaihtuah ila, tin Central atangin plant-in-aid hmuh tam dan tun atang hian ngaihtuah ila, kan zavaia tan kan lak hi Pu Deputy Speaker, a ngai tak zet in ka hria.

Chuvangin, non-plan fund 70% vela a kal ral a, 30% a la awm kha kan hotuten 30% la awm kha duhsak zawng te pe in chutih laiin inthlan leha vote zawna tur party sum atan contract leh supply thawktute atangin za zela bithliaha rate neiin sum khawn a ngai reng bawk si a, chuvangin mipuiin nasatakin kan tawrh phah reng a ni.

Tichuan, he Non-plan fund eng engemaw repair nan te, khawi emaw lai han siamrem a daih ta thin lo hi a pawl khawp mai. Pu Deputy Speaker, atawp ber atan chuan ka sawi ang khan CSS leh grant-in-aid hmu tam thei zawngin tan lak nisela Central sorkarin loan chi hrang hrang bank kaltlanga an offer te hi hlawhtling turin Mizoram sorkar hian hengah te hian tan la turin ka ngen duh bawk a ni.

Agriculture Loan, Educational Loan, Motor Loan, zirlai Loan, PMRY Loan awlsam zawka minimal Housing Loan a hmuh theih nan leh sumdawngtuten awlsam zawka Loan an hmuh theih nan kan sorkar hian Mizoram chungga bank awm zawng zawng hi khawngaitakin instruction pe rawh se tih hi ka ngen duh bawk a ni, ka lawm e.

PU S. HIATO

: Pu Deputy Speaker, ka lawm e. Budget hi General Discussion anih angin a general deuh a, discuss ka duh a, chu chu ka sawi hmasa duh a. Hei sum vaibelchhe 850 nikum budget aiin tunah hian nuaikhat crore ah kan kai a, kan kai hian pawisa chu a pung hrim hrim a, a daihzai tur a ni tih hi ka pawm dan a ni mai a. Chuvang chuan fak hluah lemlo pawhin a pung a tam chuan a hman a daihzai tur a ni. Amaherawhchu, he budget hi kumin hi a tawpna a ni tawh a, tun term atan chuan, kumli kalta budget kan ngaihtlak khan a tak ram a thleng ang em tih hi mipuiin kan lo thlir dan a ni. Budget an dah zawng zawng hi a tak takin a thleng ang em? engtinng e an hman dan tur ni? mipui an hlim ang em? tih an lo thlir thin a, kumin budget erawh hi chu Election Oriented a budget present ni hian a lang deuh tlat mai a. A tak ram a thleng leh ang em aw tih hi ka ngaihtuahin a huphurh awm ka ti.

Mipuiin budget tha an beisei-ah chuan a pakhatna-ah chuan mirethei te, chhumchhia te, fahrah te, in leh loneilote, kut hnathawktute engtinng e a tuam ve ang tih hi a ni. Kan budget kumli kan hmang tawh a, kan hman tawhah hian khang ho kha a phuhruk em? Politics party a lo din tawh leh sorkar lo ding tawh zawng zawngah pawh la awm ngailo hi a va thleng tam em Pu Deputy Speaker.

Mirethei inzawmkhawm pawl te a ding ta mai a, kawng an han zawh ta mai te hi mirethei chu a thleng pha lo hle a ni lo maw? Kut hnathawktute inzawmkhawm pawl 70% aia tam Mizorama awm ho hian kawng

an zawh mup mup a nia, chempui nen. Hei hi a thleng pha anih chuan kawngpui kher an zawh peih miah lovang. Chuvangin an hnen a thleng phalo tih hi chu a Chiang em em a ni. A thlen em em ve na thung chu MNF ah hian a thleng ve em em mai a, chu chu kan hriat tlan a ni. Sum lokal apiang hi MNF ta a ni mai a, BPL thleng pawh hian MNF ta a ni a, inhlawhfakna MNF ta a ni a. Mipui tan hian hmun a awm lo. Chuvang chuan, budget tha hi kumli kalta khan kan neih loh avangin hei pawh hi a ni leh chuang lovang tih hi rindan a ni. Tin, mipui hi kan puar em le? Budget hetiang zozai kan neih tawh a, mau a tam dawn tih kan hriat lawkna a rei tawh a, kan lo inpuahchah tawh a, BAFFACOS kan sawi kan sawi te hi kan hlawhtling hi tilo mai rawh u, tilo mai rawh se, an hlawhtling thlawt lo a ni. BAFFACOS atanga sazu tur an lei te, sazu mei an lei te, thang an siam zozai te kha anih leh tam kha a tinep em? Khawi khuaah te nge a tihnep? Nuam-tawl nan hman mai mai, Department tana thatna tura hman mai mai hi a tam lutuk avangin a tangkai tur angin a tangkai lo tih hi chu i pawm tlang hram teh ang u tih hi ka sawi duh a ni.

Tin, tunah hian kan rethei em em tih hi kan sawi kan sawi a, kan sawi ringawt pawh a nilo, kan rilru tak tak pawhin kan vei a, a hmuh pawh kan hmu a, a tlawh tepawh an tlawh thin a, chutiang chuan bial nei theuh in ni a, eitur neilo, buhfai awmlohna tam tak a awm, buhfai a awm si, leina tur awm baw k silo te hi kan buaipui ta anih hi. Chief Minister in lungngai suh u, kan riltam lovang tih a budget speech-ah pawh kan hmu leh a. Nikum ami ang chiah kha arawn repeat leh a, kan puar meuh emaw chu. Helaiia thu ho hian kan ring tak tak em? kan bial mipuite hi an puar tak tak dawn em? tunah hian NERG in engemaw zat chhawmdawl kan ni a, NREGS lah chu kum khatah ni 100 inhlawhna tur tihah hian kei ka zawhna ka siam lai kha chuan Saiha District-ah ni 14 an thawk a, Lawngtlai District-ah ni 27 chauh an thawk a, tun March thla a lo chhuak tur nen hi chuan ni 30 leh tlem chu an thawk mai thei. Khami atanga ei in hmuhna tura inngahna tlak hi a nilo ani. Tin, BAFFACOS kha a hma zawngin mipuiah sem a ni lova, tunhnaiah khan scheme siamin sem a ni a, a tangkai viau e a lawmawm pawh kan ti. Mahse a lokal tur zawng kha semrual theih nisela chu ti hi kan thleng lo tur hi tih hi kan rilru-ah a awm a ni.

Tin, kohhran tleng hian kan zim ta em le, kohhran hi a va bengchheng sawt tawh ve mawle. Engvangnge Synod meuh pawhin Mizoram sorkar in sawifiah tura a chhuah tak mai le. Kohhran pawh a hlim tawh loh hi chuan keinin kan hlim kan ti dawn em maw ni le. Thlarau lam atanga thlir a, kawng tamtak atanga teh a, pawisa a vote in lei chungchangte, silaia inrikrapna te, BAFFACOS hman chungchangte, corruption reng reng pawh zawhna tamtak siamin anrawn cho chhuak tawh a, chhan lohina awm a ni tunah hian.

Tin, law and order -ah hian sawi tur tamtak nei mah ilangin kei a hla deuh a awm ka ni a, kan pastor chhuan em em. MPS Chairman, a then chuan Chief Minister pawh ni hial tura ngai, chanchinbu-ah pawh an lo beih an lo beih, lo thi ta mai, case tamtak hi chu murder case phei chu kum 6/7 te hi a tlangpuiin a kal a ni a, thla li a chaktaka tihfel duak mai te hi a va rinhlelawm em ka ti a ni. Tin, ama inthah dan chungchangah lehkhabu kan chhiar

theih te kan chhiar ve a, HWV Cox Medical Jurestriedente & Toxilogy 6th Edition, 1990 P-359 leh P-360 te kan han en hian 'suicidal' tihah te hian mihring an inthah dawnin helai hi ka han vit chhin teh ang, a na nge na lo emaw, a ke rekah a han zai chhin ang a, hei hi chu a na deuh hlek tiin emaw, a hrawkah a in vit leh ang a, a na deuh zawk emaw, a lu ah tuboh in chhu leh se, chumi hnuin a awm, a chuapah a ni leh ang a, khatiang zawng zawng kha he lehkhabu-ah chuan heti zawng hian a kallo tlat. A tum zawk chu mihring inthah tumin a na nge na lo hriatnan a inti chhin thin a, mahse thihna khawpin a inti na ngai lo, thildangah daih an thi thin a ti a. Chu chu inhal hlum emaw, tur ei emaw, mahni inawhhlum emaw in a kal thin tiin a ziak a ni.

Hetiang khawpa kan kohhran milar thih chungchangah pawh hetianga khawpa Law & Order hmanhmawh taka a awm hi thuruk inthup, tute emaw vauna vanga kal thei lo hi a ang riau a. Chu chuan Law & Order, rape case emaw, tualthih chungchangah emaw, ruang chhar emaw, rukbo ang te hi a rawn nemnghet lehzual a. Kan Chief Minister pawhin helai ah helho an awm reng ani tihte mi han hrih pheih hi chuan election leh tur hi a va huphurhawm em! Champhai-ah a lo kal leh lo ang tih kan ringhlelin kan hlauthawng a ni.

Tin, hnam tenau te, hemi budget-ah hian kan him em tih ka sawi duh a. Kan District Council Affairs Minister hian min ngaihtuah viau thin a, mahse min ngaihtuah tum dan hi a sorkar din ngar ngar tur zawngin min ngaihtuah a ni. Election lai reng rengah pawh pawisa leh contractor ho nen a thei thei nen min chamchilh thin a ni a, Saiha min chamchilh tawh a, a failed a, Chawngte a chamchilh leh a, a failed leh a. Hetianga District Council hnam tenau zawkte a leia lei theiha min ngaihna hi minority tan chuan a na a ni. Kan kalzel dan turah pawh hian sum min pek turah pawh BPL, BADP te, Central atanga mirethei, backward tanpuina te rawn lut tur hi a danin min dang zawk tlat a, a lokal lo hi pawikan ti hle a ni.

Tin, thalai leh sorkar hnathawkte hi kan him tak tak em le? Dikchiahin sports-ah te tender kan ko an ti a, mahse sak theihloh tur tender koh kha Election Oriented a ni chiang lo maw Pu Deputy Speaker, a sak theih tur clear vek phawt se, tender ko in sa nghal se, thalai leh mipuite an hlim tur hi a nia, khalam ni lova, tihtheih loh tur, election dawn anih avanga tender chhuah ringawt zel hi tukina kan hotu thenkhatin an sawi angin kan Chief Minister zahawmtak thil tithei taka kan ngaih, Central-ah pawh tlatluma kan ngaih pawhin tihngaihna hre lova sports leh thalaite kha Sonia Gandhi ah te, Man Mohan Singh-ah te min zuk sawipui rawh u ti khawpa an siam ta maite hi a va han zahthlak em em, a siam hma khan engah nge a tihfel vek loh tih hi thalaite inngahna tur hi nghah tlak tak tak a ni lo.

Tin, tunah hian thalaite tan bill tha a hun tawp dawn lamah putlulh a tum niin a lang a, a hmasa kha kan sawi hrep tawh a, an pulut ta lova, hei pawh pulut leh ta phawt sela, election oriented a ni leh mai em tih hi kei chu ka hlauthawng a ni.

Tin, sorkar hnathawkte hi mawle, tun sorkarah hian an hlim em le, sorkar hnathawk apiang mai tam tak hian warning leh pendown strike leh engkim a va tam em em ve mawle. Sorkar hnathawkte an chanvo tur hi za-a za an sem sak thin vang hi a ni lo maw, power reng reng sorkar hnathawkin an nei tawh lo a, a vaiin an pumhmawm a, hei hian sorkar hnathawktu hi a ti ngui a ni lo maw tih te an hauh pah pawh hianin an rel fuh hleithei lo te hi a buaithlak takzet a ni.

Tin, keini hunlai chanchin an sawi ve ngai silova, sawi ve ka duh a. Pu Hawla Chief Minister lai khan tuna kan Chief Minister ngei hian 'In Hotupa chu Delhi atangin a rawn zin haw a ni maw' min ti thin a. Tuna kan Chief Minister zin tam em em zia hi, ani tihdan ang khan ti ta ila chuan alo zin haw tam tawh awm mang e tih tur khawpin a zin tam a ni. Kan Education Minister nen hian. An zin chu a tha e, mahse thil pawimawh an ti, a tha, kan sawisel lo, mahse keini pawh, thil tha an tih a an zin ang kha an zin ve dek dek a, keini chu kan ngawi mai, mahse mi sawisel hlawh taka min siam thinte kha ngaihtuahin khatihlaite kha thlir nawn leh tlak pawh a va ni awm lo em aw ka ti thin.

Tin, leiba neih hi kan sawi leh thin ang a, loan kan puk vang te, kan rulh that theih loh vangte a nih tho bakah leiba ti em ema ngaha kan han dah tak mai, budget tha-a kan sawi mai te hi leiba neih hi budget tha a ni ngai dawn em maw ni le. Sorkar, state lian zawkte chuan an ba tam an ti a, a dik pawh a dik ang a, physical management nen engkim nen Mizoram hi sorkarin pawisa an hmang tha ber a ni e an tih laiin heti em emin leiba inhnutchhiah sak zel tur hi kan ni dawn emaw ni le tih hi ka'n sawi leh duh a.

Pu Deputy Speaker, kalkawng tha te, kawng tamtakah min siamsak te kan lawm rualin, a kalkawng tha min siamsak hi nge maw kan lawm zawkna 3% lo khawn thintute nge lawm zawk le tihte pawh ka rilruah a lo awm thin a. Heta Party atana sum lo siam nghek nghek, election-ah te an dah hnur hnur atana kalkawng tha kan nei hi chu a lawmawm rualin mi kalna tur kha kalkawng min siamsak a, a hlawkna kha an la zel bawk si a, tunah hian engzat tak khawn tawh ang maw tih te kan ngaihtuah a. Contractor te pawh an hlim tawh lova, class-II contractor te tan pheii chuan thawh tur a awm tawh lova, class-III tan pawh thawh tur awm tawh lova han dah te, sum vei vak te hi mipuiaha tlem ta em em a, a tamna ber chu MNF leh an family leh a ti thei deuh chauhah pawisa inlumlet a awm avang hian hemi budget hi chu budget tha ani ngai lovang tih ka rawn sawi duh a ni e, ka lawm e.

DEPUTY SPEAKER

: Hun in hmang thiam hle zel mai. Tunge han chhunzawm ve leh dawn, Pu A.B Chakma

PU ALAK BIKASH CHAKMA : Pu Deputy Speaker, thusawina hun tha tak min pek avangin ka lawm a, duhtawk maia mahni pianpui tawng ang maia budget chungchang sawi ka duh laiin mizotawng ka thiam vak lova, ka thiam tawkin sawi ka rawn tum ang a, khawngaihtakin kan member zahawmtak ten min lo ngaihthlak sak turin ka beisei a ni.

Kan Chief Minister zahawmtak leh Finance Minister nibawkin budget a pharh han zirchian hian mirethei ber atanga mihausa ber tan pawh budget chhenfakawm a niin ka hria a, minority te tan leh hmun kilkhawr ber tan pawh thlamuan thlak tak a ni.

General Discussion a la ni baw a, a general takin ka sawi ang a, kan Chief Minister in hemi mautam famine chungchanga a sawi that we are not going to allow any member of the citizen to suffer from depreciation of famine from this account a tih hi a lawmawm hle mai a, a chhan chu mautam kum kan hmachhawn te hi a biktakin kan bial Chawngte lamah hian Pu Thaliana, Lawngtlai bialtu MLA zahawmtak sawi ang khan Lawngtlai leh CADC Area erawh chu inkalpawhna tha kan neih loh avangin harsatna tamtak kan taw ngei dawn tih kha chu a lang a, chuvang chuan kan Finance Minister in assurance a pek hi a lawmawm a ni.

Tunah phei chuan ka bial Chawngte lamah kan sorkar min duhsakna azarah inkalpawhna kan nei tha thawkhat tawh a, tunah an buaipui mek a, Saiha bialtu MLA zahawmtak pawhin election campaign ah Parua a thleng thei a, ka zuk kal lai chuan a thleng thei lova, nikhat vel lek a ngai ang an ti a, kawng laitute chuan. Chuvang chuan hemi road communication-ah tepawh tunhma- a kan beisei phak loh hmunah tepawh motor a thleng thei te pawh hi a lawmawm ka ti a ni.

Tin, hemi kan sorkarin kan bial chhunga kudam an repair te, Parva te, Damdep, Bafe tlang leh Borapansuri siam sak te hi kan lawm a, amaherawhchu tunah hian Damdep Godown-ah hian buhfai min lo dah sak tawh a, kan lawm hle mai a. Tin, Damdep pialham chu tunhma zawng nikum thlengin vaibuh hi an ring vak lova, an thar tha thei em em a, chuvang chuan kumin erawh chu a ngaihna hi a vang khawp mai. Chuvang chuan kan godown te kan repair baw a, motor te alo thleng thei a, hemi godown ruakah tepawh buhfai min dahsak theih chuan a lawmawm hle ang a. A chhan chu, fur alo ni ang a, ruah a tlak vaih chuan Cacha road ani baw si a, motor kal theih ngaihna a awm baw si lova, chuvang chuan anni Parua mi tan chuan hetah Vathuampui nikhat kal a ni si a, hetah Damdep a lokal pawhin nikhat a ngai leh si a, chuvang chuan an tan chuan a hautak dawn em a ni. Chumi hre chung chuan fur lo thlen hma in a buhfai stock lam kha kan sorkar in min lo ngaihtuah sak theih chuan a lawmawm khawp ang

Tin, ka sawi leh duh chu Agriculture & Allice Activities and Rural Development, tunah hian land development ah chuan keini Chakma District ah phei chun RSBY sum hmangin hna nasatak kan thawk ani. JCB te hmangin, Bulldozer te hmangin leilet te kan lai a, tichuan Agriculture lampang, District Council sorkar sum leh state sorkar sum hmangin theihpatawp land development hi kan buaipui mek a ni. Tin, mirethei tan hemi NREGS kan tih, kan District Council Saiha District leh Lawngtlai District in kan hmang hmasa berin ka hria a, keini district pahnih kan Mizoram sorkar duhsakna zarah kan hmang hmasa ber a, kan chhawr em em a, mirethei khulamah chuan thingtlang lamah chuan nikhatah 50 an inhlawh a, NREGS Scheme alo englo takah chuan, a tirah chuan 91, a hnu leh ah 103, tunah chuan 110 a lo ni hi mirethei thingtlang mite tan chuan a lawmawm hle a ni. Hei, buhfai leinan te an englo ve a, he scheme hi chu awmlo selang chuan district council huamchhunga mipuite chuan harsatna namenlo kan tawk dawn a ni tih kha chu a rin theih a ni.

Tin, ka sawi leh duh chu Mizoram sorkarin tuna Medical re-imbusement bill a lo ruahmanna kha vaibelchhe 50 lai alo dah te hi a lawmawm ka ti a, thingtlang mirethei tan chuan sorkar hnathawk awmlo tan chuanin hei hi a tha dawn em a, keini thingtlang mi tan chuanin khulai damdawi in, hmun hla chu sawi loh, damdawi in a kalte pawh a harsa a, chuvang chuan, hemi scheme hi mirethei tan kan chhawr tangkai dawn a ni. A lawmawm ka ti a ni.

Tin, Govt. Servant tun budget-ah hian Group 'A' post 227 leh Group 'B' post 600 lai plan atanga non-plan a kal turte hi a lawmawm hle a ni. Tin, Health chungchangah hian a biktakin ka sawi duh chu kan Health Minister zahawmtak hian keini Chawngte huamchhungah Hospital, Community Health Centre pakhat chauh kan nei a, mihring 30,500 kan awm a, chu chu 10 bedded a lo ni a, khami 10 bedded kha tunah hian 30 bedded in a lo hlangkai a, tin, a Hospital kha engnge ni re-modelling turin min lo ruahman sak a, tunah khami re-modelling pawh kha an zo tawh a, chuvang chuan kan District Council mipuite chuan Mizoram sorkar chungah an lawm em em a ni, tih kha ka sawi duh a.

Tin, proportion of corporisation of power tihah khan Mizoramah hian Electricity-ah hian kan harsa a, state dang, state puitling pawh hian tihdan pangngaiin corporisation a dah tumna te hi ropui ka ti a, hemi kan ti thei anihthe chuanin Power sector-ah pawh hma kan sawn dawn a ni tih kha ka ring a ni. Tin, keini a bikin Chakma District Council huamchhunga development works tamtak kan sorkarin min duhsakna azarah kan thawk thei ta hi a lawmawm ka ti a. Tin, heti lamah tunhma atanga kan buaipui em em leihlawn concrete in 2 min siamsak te hi kan lawm lehzual a. Tunah chuan motor lian a thleng a, sumdawng mite tan leh mi zawng zawngte khan kan chhawr tangkai a ni tih kha, leihlawn concrete in min dawh sak avangin lawmthu ka sawi duh bawk a ni.

Tin, tun kumah hian kan MLA Local Area Development Fund te hi kan hriat angin tih pun kha a awm dawn a, chuvang chuan mautam tam kum a la ni baw a, mirethei harsa zualte tan leh khawtlang hmasawna atan engemaw chen sum kha MLA bial tinah mirethei khan kan chhawr theih dawn avangin a lawmawm ka ti a ni.

Tin, Mizoram Intodelh Project-ah pawh hian vaibelchhe 20 lai hi kan Annual Plan-ah hian dah a ni baw a. Hei hi mautam tam kumah hian miretheite tan a tangkai em em a ni tih kha ka sawi duh baw a. Tin, Annual Plan hian state leh Central sorkar tang duna lo neia eizawngte chawikanna tur bik ruahmanna leh National Agriculture Insurance Scheme hmanga 50-50 sharing pattern te pawh a rawn keng tel hi a lawmawm ka ti a ni. Tin, tlangram chhengchhia siamthatna leh cheibawlina hrang hrang te, Agriculture Link Road te, thlai thar dahthatna storage te leh ei leh bar chhekkhawlna in te leh hmun leh ram leh khawl thiamna hmanga sawisak leh enkawlina tur pawisate pawh he kan budget pharhah hian a chuang kim hle a ni.

Awle, a tawp ber atan chuan ei leh bara kan intodelh theih nan ramchhunga feh kawng leh kawngpui thar mipuite tan rotling tak tak turte pawh he budget hian a ngaih pawimawh avang hian a lawmawm ka ti a ni. Awle, Pu Deputy Speaker, chu zawng chu ka sawi duh a ni e, ka lawm e.

DEPUTY SPEAKER : Tunge han chhonzawm ve leh ang? Pu H. Rohluna lo sawm ve ang aw.

PU H. ROHLUNA : Pu Deputy Speaker, ka lawm e. Rin aiin vawiinnia kan general discussion hi kan tuilo emaw ni, kan inchuh lo angreng riau mai a. Kan budget speech han en hian hemi FRBM Act te kan han neih tawh hnu-ah hi chuan hei hi a pangngai taka khami kalphung anga present a lo nih takah chuan han en pawhin tlemin a kalphung pawh a danglam tawh a. Keini ang layman tak tak tante pawh hian tunhma ai chuan tlemin a hriatthiam theih deuhthe pawhin a hriat a, a chung thu tak tak zu hre chiahlo mah ila, han chhiar thuak pawh hi budget hi chu thil har tak a ni a, a detail chuan hrethiam tak tak lo mah ila a tlangpui a hriat ve theihin ka hria a. Chuvangin, budget speech-ah hrim hrim hi chuan tlemin a kalphung pawh khami tih danglam chhoh leh khami FRBM ang deuh hleka thil a kal chhoh takah hianin ziaawm riauin ka hria a.

Tichuan, hei kan GSTP chungchangah hianin hemi para 4-na Agriculture Sector tih te, 5-na 6-na Industries Sector, Service Sector tiangah te hian Agriculture ber kher hi tlem chuan a ngai kan aw h deuh niin a lang a. 3.16 2006-2007 ah 3.14 a ni a, Industries Sector-ah kan tlahniam a. Tin, Service Sector-ah kan han tlahniam baw k a, chutiang chu a ni a. Heng Service Sector leh Industries Sector angahte hi chuanin kan sang zaw k turah kan ngai deuh hlek a, ka hriatthiam loh vang nge ni, hetia kan han tlahniam tlatte hi a mak ka ti angreng a, a lehlamah chuan mautam te leh thildang dang tena min han hrek chung hian Agriculture zawkah leh Allied-ah hian ngai chu kan han aw h lawi a ni a. Hei hi a chhutna hi a dik tak tak em? tih hi k a'n sawi hmasa duh a. Tichuan, Agriculture bikahte phei chuan BAFFACOS te, MIP te, IWDP tihte khang kha a tam a, pawisa anmahni a department scheme budget-a dah pangngai piah lamah pawh hian. Khatiang chung khan Agriculture lamah hma kan sawn hleithei lo reng reng a.

Tin, priority sector-ah hian dah a ni a, No.1-ah hian Agriculture leh Allied hi aw m deuh reng a ni a, tunkum kal mekah pawh a ni a. Tun 2008-2009 ah pawh hian a ni chho leh dawn a. Tichuan, priority sector kan kalpui dan hi a hming mai ni deuh hian ka hria a. A chhan chu, Agriculture ang kan han kalpui danah hian a target tak tak hi a thleng lo niin ka hre tlat a. A chhan chu sum leh pai kan han dah zozait, hman tawh zozai han en hian BAFFACOS ni sela 2004 atangin a lo ni a, Agriculture Allied share an hawh a, tiang chuan MIP-ah niselangin vaibelchhe 20, a nuaih zawnga sawi phei chuan nuai 2000 hi kumtin hianin a kal chho reng a, amaherawhchu, a tak tak hei hi han hmuh tur aw m hian ka hre lova. Lehlamah chuanin helaia para 47-na ah chuan major break through had been made in infrastructure bikah hian. A break major brake through a nihna lai tur hi kei ka zu hmuthiam vak lova. Chuvangin, land development kan han tih ang chite anih pawhin, Governor Speech a kan hmuh ang hianin tin 250 hmun ang vel kha thawh chhuah a ni an ti a. Chu chu a hectare zawngin hectare 100 a ni a, chung ang vel chu anih avangin a ropui hi ka ti vak lo ani.

Chuvang chuan, Agriculture sector ang, heng ang hi Agriculture bik pawh han ti ta ila, priority sector No.1 na kan dah ang ai hian hmasawmna hi kan hmu tak tak lo ani. Zoram mipui tam ber 70% hi h elaiah hianin an inngat a ni si a, chuvang chuan kan Address zaw k te hi a thleng lova, khawilaiah emaw te hian a sum leh pai hi a kalpeng thin em ni tih tur hian wawiinni-ah kan ram awmdan hi a hmuh theihin ka hria a. Chuvang chuan helam pang hi priority sector te kan dah a, ngaihpawimawh chungchuang bikte kan nei anih chuan khalaiah khan in concentrate deuh hleka a nihna tur anga tun kan budget kalpui hi kan sawiho mekah hian, a kum lokal turah hian kalpui ni tawh sela a tha in ka hria a.

Tunah pawh hian self sufficiency in food production tih te, employment generation te, poverty eradication kan ti a, retheihna tih bo te, heng ang zawng zawngte han sawi hian atak ram hi kan thleng leh dawn lovin

kei ka hmu a, chuang chuan tunkum kal meka kan priority sector te kan kalpui anih chuan engmah awmze nei lovin kan kan chhuak leh tho ang tih hi ka hmuh dan ani. Chuvangin, kalphung thar kan sawi thin bawk a, kalphung thar ang tak tak hian kan sorkar pawh hi kal sela, chutah chuan helaia kan zu address te, a target tak hi kan sum leh pai hian zuk thleng chat sela, tichuan hmasawna hi atakin a thleng ang tih hi ka ring a, chu chu ka'n sawi hmasa duh a ni.

Tichuan, Rural Development ah hian NREGS hi kan tawng chhan ber chu a ni ta mai a. Tin, Rural Development kalphungah hrim hrim hian kan plan budget hi a lut tam lo ani. Lehlamah chuan Central Sponsored Scheme atanga sum lokal deuh vek mai hi a nih avang hian chu chu thingtlang thleng phak hi ani leh si a. Hetah hian ngaih pawimawh no.1 ah kan han dah ziah chung hian a nihna ang tak hian kan ngaipawimawh tawklo ni hian ka hre bawk a. Chumi entirna atan chuan NREGS te pawh hi tunah hian kan han ti a, hmatheh berah, tam tuar chhawmdawlna atan kan budget speech atang pawh hian a lang a ni. Mahse tunkum kal mekah hian Champhai District-ah te atakin kan hmang a NREGS, ni 100 inhlawhna kan ti mai a, mipui chuan. Mahse hei pawh hi ni 48 bawr vel chiah hi tun financial year ah hian kan inhlawh a ni. Ni 50 chuang inhlawh theilovin kan awm a, ni 100 aia tlemlo inhlawh tur nisi kha Central in a dan siam ang hi chu kan hmang tluantling zo lo a ni ta phawt tihna ani a.

Chuang chuan, tunah hian mautam tam tuarte, kan mipuite hi helaiah hian kan inngah tir dawn a ni a, hei hi kan tawngchhan ber leh tuna kan budget-ah hi chuan kan chhuan ber a ni a, helai tak mai hi kan sorkar hian tun kum kalmek anga a kalpui anih chuan mipui hi kan va tirethei dawn em tih hi kei ka hmu thei niin ka hria a. Chuang chuan kalphung engemaw tak hi hmuchhuaka zoram mipui tam tuarte hi an chhanchhuak a nih loh chuan tuna NREGS matching contribution atana nuai 2000 kan dah ngawt mai hi mipui thlamuanna atana kan ngai anih chuan hei hi kan tisual ang tih ka hlau khawp mai a. Hetiang zawng lo deuh hian kan sorkar hian ruahmanna dang hi siam sela chuan mipui tan a thlamuan thlak deuhin ka ring. Keimahn state thuneihna piahlam thil a ni a, Central in minrawn pek that pawhin helaiah hian installment dang lokal leh turte, 60% kan hman tawh hnuah UC thehluh tur tihte a ni a, formality eng engemaw a lo awm a, chutih karah chuan hun a lo ral a, sum hi khaih lak chung a awm lo thei lova, chumi chung chuan kan mipui te hian an nghei thin a ni. Chu chu anih avangin hei hi a kalphung hetiang ngawt lo deuh hian siamthat dan awm se chuan ka duh khawp mai tih hi ka sawilang duh a.

Tichuan, priority kan pekna Health-ah hian tunah hian public health scheme ah nuai 5000 dah a lo ni a, hei hi a ropui khawpin ka hria a. Amaherawhchu, tunah Grant-in-aid system a kan kal chuan hemi hi kan kalpui sual ang tih hi a hlauhawm hle in ka hria. Chu ai chuan tuna NREGS kan

sawi tak ang hian helaiah hian a kalpui dan tur hi legislate law law in fimkhur takin kal ta ila chuan mipui hnenah a nihna ang takin a kal thei ang tih ka ring. Chutah chuan dan ang parngai taka kan kalpuia, a rules, a acts, dan te kan neih a, mumal taka kal a, hmang sualtu emaw, diklo taka bill tu emaw, petu emaw khatiang chi kha hrem theih law law ang a, strict taka kan kal loh chuan thei sem ang deuh hleka kan tih a, engemaw anih chuan mihring tha tak tak dik tak tak a diklo a thil ti duhlo an awm lain mihring hi harsatna avangte pawh aniang verther tak tak te, khatiang kan tam tawh avang hian dawta bill siam mai mai hrehlo kan tam tawh avang hian hei hi dan puitling taka kan kalpui zawk hian fimkhur taka kan tih hi kan ram tan, kan hnam tan nakina kan kal zelna atan hian a that ka ring a, chu chu ka'n rawt duh bawk a ni a.

Tichuan, Sports lamah hian Stadium te tunlai hian kan sawi ri nasa a, chanchinbu-ah te pawh a chhuak nasa ani. Pawisa te dah a ni tih kan hria a, tender pawh chhuah a ni tih kan hria a, amaherawhchu, kan sorkar hian inthlan a lo hmai ta a, vote zawn nan hian an hmang emaw chu aw ka ti a, election oriented deuh hlekin thil hi an kalpui ta lutuk deuh em ni, tlemin an mualpho pui leh letling te hian ka'n hre deuh a.

Nikum 18th December ah Assam Rifles Lt. General in kan Chief Secretary hnenah kan sorkarah Assam Rifles Ground a stadium sak an rem tih loh thu lehkha in a hriattir a, kan sorkarah, chu chu a thlen-chuan sorkarin a hre tur ani. Chumi hnuah kum a lo thar te te a, tender an han chhuah a, a hnulawkah 5th March-ah a niin ka hria, ka hriatsual loh chuan, Assam Rifles Commandant in lehkha a pe leh a, a lehkha tikhan an chhuah ve leh a, khatiang reng reng a thil kal harsatna awm tur hre lawk si a engatinge kan sorkarin hei hi a kalpui tih hi vawiinni-ah hian thil mak tak niin ka hria. Chu chu ka'n sawilang duh bawk a.

Tiang chuan hmanni lawkah member zahawmtak tak ten an sawi tawh ang khan USAM tena Chief Minister nena an inkawmna ah pawh Pi Sonia Gandhi te, Prime Minister hnenah te sawipui tura lo tahawh ta mai mai kha kan sorkar tan a mualpho thlak hle in ka hria a. Hei hi kan ram kaldan tur emaw ni le tih hi Pu Deputy Speaker, ka ngaihtuahna-ah a awm a ni. Chuvang chuan, thil hi hrechiang reng si a hetiang zawnga kan kalpui a, a remloh tur pawh hre sa si a mipui hi kan zu ngai mawl lutuk ta em ni tihte pawh hi ka ngaihtuahna-ah a awm a ni. Chuvang chuan a dik chu dik ni rawh se, diklo chu diklo ni rawh se, kan tih theih loh-ah chuan anihna ang tak mipui pawh in hrihl ngam mai ang hmiang tih hi ka'n sawilang duh a ni.

Power & Electricity-ah hian Tuivai Hydro Electric Project hi kei ka bial concern lam deuh a ni a, hei pawh hi PPP (Public Private Partnership) an ti nge ni, tiang zawnga tih tur ang deuhin para 51-naah a lo

lang hi a lawmawm tho tho chuan ka hria a. Mahse, kan sorkar hian a ngaihthah rei lutuk erawh hi chu vawiinah chaktakin an kalpui thei ang em? sorkar kalpui tur mai nilova private zawnga a kal dawn anih chuan tun kan sorkar hi chuan eng teh ruai hi a anpui dawn lo a ni awm mang e, tih hi ka hmuh dan a ni tel bawka.

Chuan, Law & Order chungchang hi sawi a tam a, kan ramah thil thleng a tam a, lehlamah chuan crime rate-ah kan tlahniam kan ti a, a lehlamah a crime rate ah tlahniam nia kan inngaih laiin kan sawi tawh ang khan rape case - ahte chuan a percentage a sang leh em em lawi si a. Chuvangin, kan ramah hian harsatna eng engemaw a tam a, heng kumin inthlan kum a lo ni bawka nen, a lehlamah chuan kan sorkar hian law and order kenkawhna kawngah hian tunai hian chak zawkin kalpui sela. Chungte chu kan ram mamawh nia ka hriat avangin, kan Finance Minister pawh hian a budget speech-ah hian helam zawng hi rawn hawi deuh sela tih chu ka duh khawp mai a.

Mahse, hei ka hmu lem lova 3rd IR leh 4th IR Battalion din chungchangte chu sawilan a ni a, hemi kawngah hian kan ramah hian thil maksak pui pui, tualthahna te, thihna te, ruk rukte, crime eng engemaw, a lehlamah chuan a chhuttu ten a rate tlahniam anga an chhut rual hian mipui ten mak kan tih tak tak thil thleng a tam a ni. Nichinah member ten an sawilang tawh a, kan sakhaw rawngbawltu, kan Pastor ngei ngeite pawh an quarter chhungah khatiang khan an ni a. Tin, chumai ani lova, ram pumpui angin Public Figure nei MPF a Chairman nilai te an lo ni a, a case hetiang zawngte-a amah leh amah inthat anga chhuichhuahte alo nih takah hian hei hi mipui hian an ring thei lo niin a lang a. Mipui ngaih a tha thei lo a ni. A chhuitute hian tumdan neisa-a chhui niin a lang niin mipuite hian an ring tlat a. Tin, kohhran lamah pawh hian chutiang tho chu ngaih dan a awm ni pawhin a lang a. Chuvang chuan, hei hi kan sorkar tan tak pawh hian hei inthlan kumte a ni a, mi thinlungah riak a awm reng chuan an tan pawh hian thil tha lo tak a thleng thei ang tih ka ring. Vote thlak hunah pawh hian vote pawh an hmuh thatloh phah ang tih pawh a hlauhawm a ni.

Chuvang chuan, mipui confidence an lak theihna atan hian heng hi CBI kutah pawh hian dah a tha lawm ni? mi state ah chuan hetiang thil thleng a awm hian an ti mai thin a ni. Kan sorkar thu a ni a, a thuneihna a ni a, hengah pawh hian CBI pawh chhui tir n gam sela, an lo fihlim anih pawhin an hming thatna tur hlei hlei a ni. Chutiang zel chuan kan ram, kan hnam tan pawh hian thudik hailan hi a tha in ka hria a ni. Hei hi Pu Deputy Speaker, ka sawi ve duh ani e, ka lawm e.

DEPUTY SPEAKER

: Awle, tunge han sawi ve leh ang? Awle, Pu K. Vanlalauva ilo sawm ang.

PU K. VANLALAUVA

: Pu Deputy Speaker, ka lawm e. Kan General Discussion nikhhatna kan han tan chho a, naktuk atan inthiam khek pawh a awm theih awm e. A tawp lamah tih tawk a awm pawhin a tha awm e. Hei, kan Finance Minister budget chungchang thu-a a thusawi

duhawmtak hi nikum lam aain a number pawh a tam a, a phek pawh a tam a, a phek pawh a chhah a, pawisa pawh a tam bawk a. Pu Deputy Speaker, hei a thusawiah hian kan ram he sorkarin a ngaihven zia leh Finance Minister ngeiin mutmawh hnarmawha a lo neih dan a langchiang hle a. Keini Treasury Bench lam tan hian infak ringawt te, a tha lam zawng ringawt sawi a awl thin a. Mahse a ni vek bik lova, famkim lohna khawvel anihna pawh a lang a, member zahawmtak tak te sawi pawh kha a dikna chin a awm thin a. Sawi mai atan awm ve tho, belhchiana ni lem silo pawh a awm thei a. Entirnan - Assam Rifles Lammual chhuahsan dawn ruai pawha Indoor Stadium sak tur chungchang thua pawh hmun tam takah paper document hmuh tur pawh awm reng reng lovah kan hotute hian mipui an bum mai mai anih hi maw tih pawh an sawi a, kan tawng ngaithlatu leh lo zir tute tan chuan a ni mai awm mang e aw tih tur mai a ni a. Assam Rifles chungchang thua hian kan hriat theuh angin member zawng zawng ten kum 99 atan Zokhawsang a an kal tur thu feltaka document neih a ni a, member ten kan neih vek a ni a. An kalna tur thu bak chu document engmah siam a awm lo niin alang a.

Kan Congress sorkar zahawmtak a kal lai khan an lammual saw furah a diak thuk thei em mai tiin a diak thuk lohna turin feet khat dawn laia chhahin border lian pui pui nen, a sin deuh nen feltak leh thataka thawh a ni a. Nuai 200 dawn laia thawh a ni a, tahkhan lehkha a awm miah lova, engatinge a awm loh? kan ti lo. Sorkarin hotuten an sawi a, an inbe tlang a, an thawk a ni mai a ni. Chu chu vawiin thlengin mipuiin kan chian thar leh pawh a tulin ka hria a.

Tin, thutna lungrem sei tak te, lungrem sang tak te leh pavillion zawng zawngah sawn document dah a awm reng reng lo. Kan sorkar hotute leh DG ten 'A tul e, i ti ang,' tia an sawi angin a kal mai ani. Chuvangin, document a awm loh avanga thil kal fello ta a ni lova, Mizoram mipui ten document lo pawh hian thil a tih theih hle a ni tih kan hriat a tha hle in ka hria a ni. Chuvangin, document loh avanga thil awm thei lo anih lohzia tarlan tel ka duh a.

A chhan chu he House zahawmtakin kan thil hriat dan hi a khingbai ang tih kan hlau a, he kan thusawi atang hian ziakin a awm vek a, a bu -in a rawn chhuak dawn a, mahni thusawi pawh ka lo sawi reng em ni aw ti ram ram khawpte kan sawi palh ang tih hi a hlauhawm thin a. A ziakin, a bu chhah takin, English Version leh Mizo Version in kan Assembly Secretariat in an rawn tichhuak vek a, keima chhiar leh tur mai nilo, Mizoram mipui chhiar tlaka thusawi

tur kan ni tih hre rengin heng thilte pawh hi mipui hruaitu tan hi chuanin kenkawh reng, kan ngaihtuahna-a a thih loh a pawimawh thin in ka hria a. Tunah pawh kan han ngaihtlak zingah chuanin Minor Irrigation te pawh hi engatinge ni kan sorkar hianin Department puitlingah khanin a puang tawh a ni lawm ni? Engatinge Department Head, Major Head-ah a awm ve loh? te kan ti mai awm e. Amaherawhchu, Central norms-ah Major Department a la kai pha lo ani tih keini chuan kan hre vek awm e. Kha kha kan zirtir vek, kan thusawi ngaihtla, kan thusawi pawh lo chhiar tur tena an hriatchian atana pawimawh em em chu Major Head-a a awm ala rem lova, Agriculture Sector chhungah a la awm rih ani tih kha kan chian kiau a pawimawhin ka hria a. Kha kha sub - head ah a rawn lang chauh anih kha, kan budget pu pumah khanin a rawn lan kha.

Chutiang chuanin kan Chief Minister zahawmtakin, Finance Ministerin a sawi tawh ang khanin IT Cell, IT Wing kan tih thinte pawh kha Department puitlingah sorkar kumtharah chuanin an function dawn tawh ani tih kan hriat kha. Heti reng reng hian kan Chief Minister zahawmtak kaihruaina hian hna pui a la buan buan a, mahse thim leh var thlu lova kal pawp pawp a nilo, fimkhur takin, sum leh pai thlir ranin leh kan ram thlirin sorkar hnathawk kan tawt tawhzia leh mithiam nitina kan pun tawh dante, Assembly Question-a a rawn lan tawh kha, lehkhathiam Matric passed chin chunglam, BA chin chunglam, Master Degree nei chunglam engzatnge sorkar hnathawklo tih te pawh an rawn chhan fel vek tawh kha, khang zawng zawngte hrereng khanin he sorkar zahawmtak hianin keini hi ram hmangaitu ber kan nilo anih pawhin pakhatna chu kan ni ang a tih hre rengin khang zawng zawng kha a rawn chhawp chhuak thin a ni tih vawiinah hianin he House hianin a hriat nawn leh ka duh khawp mai.

Tin, budget sawi apianga hei naktukah hianin General Discussion kan la nei leh dawn a, kan la zalen leh dawn a, Department nise kan kal niah phei chuanin tunai hianin kan la chip sin duh ang tih ka ring a, a mak ka tih fo thin chu tlangval hmeltha tak, feltakin nupui a duhtak a nei a, a nu leh pa ten a man an chhiar aia tamin ka ngam a nia a ti a, 'Ekhai! Dan a awm a, Rs. 400 leh thutphah a lawm' an ti a, 'A, Rs. 500 in ka ngam' a ti a, a phur em em mai a, 'A, i ngam na chuanin, ziakah chuanin Rs. 400 leh thutphah Rs. 20 ni rawh se, mahse Rs. 500 i pe mai a niang chu' an ti a, an in pe ta a, an hlim khawp mai, an phur tehlul nen khan, mahse kumkhat pawh a vei hma khan a man ka lo pe tam a, ka va inchhir tehlul em, ka rinai takin inbual alo peih lova ti tangin a tan chho ta a, thenawm khawveng kha an nei let let mai a ni. A hmel pawh that chu a tha thawkhat e, an khua a lian lo na in khawkhat nula hmeltha pawh a ni e. Mahse, engatinge i van beidawng leh rang ve an tih niah kha chuanin tumawh nge? Thil awmzia reng reng hi tha kan tih pawh han thalo te pawh alo awm thei a ni. Tin, a karah pawh han vaivut dumte, vaivut sente pawh a bet ve that that thei a ni tih hre tela heng kan budget zawng zawng leh sorkar pawh hi kalpui kan ni tihte pawh hi hriat tel a tha a.

Tin, kan mizo hnampa Pu Laldenga'n Serafim state hi siam pawh duh hle mah ilang he khawvelah chuan kan tlin ring lovang a, a tih thin kha a dik leh fo thin. Serafim state pawh hi siam a chakawm khawp mai Pu Deputy Speaker, i veilam amite pheikha chuan an chak lehzual ang tih pawh ka ring. An chakna chhan tur chu he sorkar term hnih hmang zo tep tawh an hmuh hian an chil a put tlat, put lo thei pawh a nilo a ni, a chhan chu duhtaka Mizoram awmkhawmin an thlan ina sorkar hmangaitaka an han kalpui zet chuanin a rawn luanglut hiau hiau a, diktak maiin a chhuak leh hiau hiau mai bawka. Heta tang hi chuan kan budget reng hi han tih kha chu awm tak a ni. Keipawh ni ila ka inring hial a ni. Pu Deputy Speaker, he kan budget thatzia a pawng a puia sawi ka tum reng reng lo, famkim lo mihring hian 100 ah 100 a hmang dik ngai lovang tih hi ka pawm a ni. Tin, kan Ministry vuan te zawng zawng Department enkawltu zawng zawngte pawh hian in tha duh in kohhran rawngbawltu, Sunday school zirtirtu, nilai zan thupui sawitu pawh nimahse langin an control piahlahmah hian thu tamtak a awm a ni tih hrereng chungin he budget hi pharh a ni ve bawka sin. Pu Deputy Speaker, he kan budget-ah hian lawmthu ka sawi thei lo, lawm chi a nilo an tih pawh hi a ti tur awmah hian in ngailo phawt mai ilangin puitling deuh maiin cheng vaibelchhe 830 vel Central in min pektur a inngaih laia cheng cheng vaibelchhe 1000 kan han nei hi chu a va hlu em tih leh keimahni revenue atanga lokal chho tur zawng zawng zuk ngaihtuaha kan budget speech siamtu ina a rawn puan zawng zawng te kha hrereng chungin heng hi Mizoram mipui hian an hriat hmaih hauh loh atana ka duh chu cheng vaibelchhe 2527.88 tih han ziah te hi a chhiar a nuam em em a. Hetiang hi kan sawi ri ngai lo. Kan sawiphak loh tura kan ngaih kha kan lo sawi phak ta reng mai ani tih he House hian in hrenawn mawlh rawh se tih hi Pu Deputy Speaker, ka'n tarlang duh a ni e, ka lawm e.

DEPUTY SPEAKER

: Le, ka dinglam khan an sawi deuh malh malh mai a, ka veilam pang kha kan bei ve leh dawn nge? Nge kan tawp mai dawn em ni? Han ti leh rawh u. Hei, minute 15 a la awm a, pakhat chu i khung leh hram ang, sawi tur kan la awm em? Kan awm loh chuan ka titawp mai dawn a nia. Anih leh sawi tur kan awm lo anih chuan hei kan hun tiam dar 4:00 chu a la awm duai mai a, engpawh nisela, kan bang hma ang a, naktuk ni 18, Thawhlehi zing dar 10:30 AM-ah kan thukhawm leh dawn nia.

Sitting is adjourned 3:50